

MATYIW

Jiysis Krays Minim Tep Matyiw Tikak Minim Nind Niņep

Baybol buk day “Matyiw” apun biy, Jiysis binuk Matyiw tikak. Nuk nind bi takes dep bap mindyngip. Yimb nuk bap Liypay. Kesim tikak kun biy biynimb nuk Jiwda kay riyt gi ninjy, Jiysis mey bi kiyn yomb key yimb kond mindyngipun anep niņningiy angiy tikak.

Minim Ar Keykey Mindip Rek:

Jiysis Krays nusind nupis nuk gok tikey amiy apiy giy, nup tikyak kesim ak mindip, chapta 1:1-2:23.

Jon bi ñiņg pikñemb ak woņg kiñiņ gi gak minim ak mindip, chapta 3:1-12.

Jon Jiysis nup ñiņg pikñak minim ak sek, Seytan Jiysis nup tom gak minim ak sek mindip, chapta 3:13-4:11.

Jiysis miñmon Galiyliy woņg kiñiņ gi gak minim ak mindip, chapta 4:12-18:35.

Jiysis Galiyliy nimb woņg gindand Jerusalem amnak minim ak mindip, chapta 19:1-20:34.

Jiysis ñin nuk ak maņ giy wiyk nokom bap mindakniņ, Jerusalem sek, yep maņ kun okok sek angñirangek minim ak mindip, chapta 21:1-27:66.

Jiysis kumiy tikjakek biynimb kuņaynep misen niņyak minim ak mindip, chapta 28:1-20.

Yerer Giy Tik Dand Apiy Jiysis Nup Tikyak

¹ Jiysis Krays nop nusind yes nuk gok tikey amiy apiy gek nup tikyak rek angning gispiyn. Biyomb Ebrahim tikek tik dand amiy, kiyn Depiyt nup tikeyak mey; Depiyt nund tikek tik dand amiy mey, Jiysis Krays nup tikyak.

² Kun giyak: Ebrahim Aysek nup tikak. Aysek, Jekop nup tikak. Jekop nund pen, Jiwda nup tikiy, numam onep anjip ak tikiy gak.

³ Jiwda nuk biyn Tema yip mindiy, Peres yip Sera yip kuyip tikak. Peres, Hesron nup tikak. Hesron, Aram nup tikak.

⁴ Aram, Amiynadap nup tikak. Amiynadap, Nason nup tikak. Nason, Salmon nup tikak.

⁵ Salmon, Bowas nup tikak. Bowas nonim nuk ak Reyap. Bowas, Obet nup tikak. Obet, nonim nuk ak Rut. Obet, Jesiy nup tikak.

⁶ Jesiy, kiyn Depiyt nup tikak. Depiyt, Solomon nup tikak. Solomon nonim nuk ak nind binak Yiwraya nup dek kumek, kisen Depiyt nup diy, Solomon nup tikak.

⁷ Solomon, Riyabowam nup tikak. Riyabowam, Abaysa nup tikak. Abaysa, Esa nup tikak.

⁸ Esa, Jospet nup tikak. Jospet, Joram nup tikak. Joram, Asaya nup tikak.

⁹ Asaya, Jotam nup tikak. Jotam, Ewas nup tikak. Ewas, Hese kaya nup tikak.

¹⁰ Hese kaya, Manase nup tikak. Manase, Emos nup tikak. Emos, Josaya nup tikak.

¹¹ Josaya, Jekoyakiyn nup tikiy, numam gunap tikiy gak. Nin kun ak, Babiylon biynimb ap,

Yisrel biynimb kuyip kalambis ay, dand Babiylon amniyak.

¹² Dand ameyak, Jekoyakiyn kun okok mindiy, Siyaltiyel nup tikak. Siyaltiyel, Serababel nup tikak.

¹³ Serababel, Abayat nup tikak. Abayat, Eliyakim nup tikak. Eliyakim, Yisow nup tikak.

¹⁴ Yisow, Sedak nup tikak. Sedak, Ekim nup tikak. Ekim, Elayat nup tikak.

¹⁵ Elayat, Eleysa nup tikak. Eleysa, Matan nup tikak. Matan, Jekop nup tikak.

¹⁶ Jekop, Josep nup tikak. Josep mey, biyn Mariya nup ñeyak, nuk yip ma kinak won ak, Mariya koŋgiy mindiy mey, Jiysis bi kiyn yomb key yimb kond mindyŋipay ak nup tikak.

¹⁷ Kun ak, basind chin Ebrahim nund tikek tik dand, amiy apiy giy mey, basind kiyn Depiyt nup wanjrem piskind ak tikyak. Tikey Depiyt nund pen tikek amiy apiy gek, kunep wanjrem piskind ak amek, Babiylon kay ap kuyip kalambis ay dand miñmon kiyk ak amniyak. Dand ameyak, kisen pen tip ak tik dand amiy apiy giy, Krays nup wanjrem piskind ak tikyak.

Mariya Jiysis Nup Tikak (Luk 2:1-7)

¹⁸ Jiysis Krays nup tikyak minim ak tikning gispiyn: Jiysis nonim Mariya, Josep nup ñeyak, yip ma kinrik ñin ak niñyak; Mariya ñapan koŋgiy mindek. Gor Kawnan nuk ak key gek, ñapan koŋgiy kun ak mindek.

¹⁹ Pen Josep bi suŋ-tep ak mey, minim yomb ma angak. Ñapan koŋgiy mindip kun ak, biynimb

okok anğñeniņgayn, nup nambin giniņgamb. Kun ak nup kapkap angyokiyn anğiy niņak ak pen,

²⁰ kisyim biyaņ wisin niņak: enjol bap anğak, “Josep, Depiyt ñinuk! Biyn kun ak yenen dinim anğiy gos ak ma niņnimin; monmon dinimin. Ñapan koņgiy mindip ak, Gor Kawnan anep gek mindip.

²¹ Kisen ñi ak tikek yomb giy, biynimb nuk gok gach kuyip ak wiykyokiy, di Nop yip jimñiy ayniņgamb ak mey; yimb nup Jiysis anğnimin anğak.”

²² Anğak kun ak, bi Gor minim anğep bap giniņgamb anğiy tikak rek nep gak.

²³ Nuk anğak:

“Biyn piñ bi yip ma kiniņgamb bap, ñapan koņgiy mindiy, ñi bap tikeniņgamb; yimb nup ak Yimanwel anğniņgambay anğak.”

Yimanwel minim kiñiņ ak, Gor chin yip mindip apay.

²⁴ Pen Josep, enjol minim anğak ak diy, biyn Mariya nup dinim anğiy niņak.

²⁵ Kun ak Mariya ñi ak tikek, Josep ñi kun ak yimb Jiysis anğiy, kisen mey; Mariya nup pisnep dak.

2

Bi Gap Niņep Gok Ap Jiysis Nup Niņyak

¹ Pen kiyn Herot mindek ñin ak, Mariya Jiysis nup tikak miñmon sikoy Betliyhem; Jiwdiya propens namb okok. Tikek, bi gap niņep gok, pumb limgip tam okok nimb ap Jerusalem apiy anğyak,

2 “Jiwda biynimb, kiyn chin apay ak nup tikpay! Miñiy dayey mindip akay? Miñmon chin okok mindiy ninbun; gap ak lingamb ninijy mey, nup lotiw gining aswun angyak.”

3 Kun angeyak, kiyn Herot minim kun ak ninijy, ñapan kun ak nup gosimb ninijy yip kirginingiy rek ayip angyi, gos kunay ninjak. Jerusalem biynimb kunep, gos kunay ninjak.

4 Pen kiyn Herot, bi Gor nup simbongep yomb gok sek, bi low tiysa gok sek kuyip suk angek apeyak angak, “Bi kiyn yomb key yimb ak nup tikningambay miñmon akay?”

5 Angek angyak, “Bi Gor minim angep bap minim tikiy angak rek: nup tikningambay miñmon sikoy Betlihem. Bi Gor minim angep kun ak tikiy angak,

6 ‘Jiwdiya propens namb okok, miñmon keykey kunay mindip, miñmon Betlihem ninijy sikoy rek ayningamb ak pen; Biyomb ak miñmon kun ak nimb apiy, biynimb yand Yisrel kay kuyip kond mindeningamb. Kun giningamb rek Betlihem yimb yomb mindeningamb angak.’ ”

7 Kun angeyak, kiyn Herot ninijy, am bi gap ninjep gok kuyip kapkap suk angek apeyak angak, “Ñin akay rek gap kun ak lingak?”

8 Angek, nup minim kun ak angneyak; kuyip Betlihem angyokning, tom giy angak, “Nimb am ñapan kun ak piyow ninjep giy, yip ap angem, yand kunep am nup lotiw ginim.”

9 Angek kiyk san diyakniñ, gap ak nind nind gakniñ; kiyk kisen giyak. Gap ak am am, ñapan

ňañ ak korip mindek namb siňak nep aland gak.

¹⁰ Kun gek kuyip tep yimb gakniň,

¹¹ korip miňgan biyaň amiy niňyak: ñapan ňañ ak nonim Mariya yip minderik. Am koňgim yimiy, nup lotiw giy, wand kiyk gok aňiy, nup gol gunap, pawil kuyrep wip rek gunap, wel kuy wip rek gunap ñiyak.

¹² Pen kiniy wisin niňyak: Gor aňgak, “Andkind Herot ker ma amnimimb aňgak.” Kun aňgek niňiy, kinjen par bap amiy, korip kiyk amniyak.

Josep, Biyn Amiyminay Ak Poňind, Pirik Yijip Amnak

¹³ Pen kiyk kun giy amey, Josep wisin niňak: enjol bap apiy nup aňgak, “Herot ñapan ňañ ak pikayin aňgiy, piyow niňning gisap. Kun ak ñapan ňañ amiyminay ak kasek poňind, pirik Yijip amnimin. Pen winimin aňgen nep, tip ak andkind winimin aňgak.”

¹⁴ Aňgek, Josep kisyimnamb biyaň nep tikjakiy, ñapan ňañ amiyminay ak poňind Yijip amnak.

¹⁵ Poňind amnak kun ak, bi Gor minim aňgep gok giniňgamb aňgiy tikiyak rek nep gak. Tikiy aňgyak, “Ñi yand ak Yijip nimb suk aňgen winiňgamb aňgip aňgyak.”

Pen Josep amyong apyong am Yijip mindey, Herot kumek, tip ak andkind wiyak.

¹⁶ Pen Herot bi gap niňep gok kuyip aňgak rek ma geyak; nup milukrimey yimb yapek aňgak, “Yip gipay kun ak, ñiňañ biyomb mindniňg gisap ak yergiy pik aynim aňgak.” Pen gos bap niňiy aňgak, “Ñiňañ kun ak kisen tikiyak ñin ak, gap ak limgek, yip aňgrop giy amniyak.

Kun ak yand niñbiyn: Betliyhem ñiñañ tikey, simiy ominal yinimb gok sek, ñiñañ kisen tik-sipay gok sek pikjirikiy mey, ñi kun ak sek pikjirik ayniñgambun angak.” Kun angiy, binuk gunap angyokek am ñiñañ Betliyhem mañ okok mindeyak gok mañgiysek pikjirik aydiyak.

¹⁷ Betliyhem ñiñañ pikjirik ayak kun ak, bi Gor minim anğep Jeriymaya giniñgamb angiy tikak rek nep giyak. Jeriymaya minim kun ak tikiy angak:

¹⁸ “Miñmon Rama simb gek, kilpul yomb angiy, siy yomb anğniñgambay. Biyn Resel tikek, tikey amiy apiy giniñgamb gok, simb gek siy anğniñgambay. Pen biynimb gunap, kuyip anğdep rek ma ayniñgamb angak.”

Josep, Biynuk Amiyminay Yip Tip Andkind Wiyak

¹⁹ Pen kisen biyomb Herot kumek, Josep miñmon Yijip kiniy wisin niñak: enjol bap apiy nup angak,

²⁰ “Bi ñapan ñañ pikayniñg giyak gok kumbay ak mey; biyn amiyminay ak poñind, andkind miñmon Yisrel amninin angak.”

²¹ Anğek, Josep biyn amiyminay ak poñind, andkind Yisrel amnak.

²² Pen amjakek, minim bap angyak, “Herot kumek, ñinuk Akeleyas, Jiwdiya biynimb kuyip kond mindip angyak.” Anğeyak Josep nuk Akeleyas mindip ak yergiy miñmon kun ak amnim angiy pirikak ak pen, kiniy wisin niñak: Gor nup angak, “Jiwdiya propens ma andkind amninin; Galiyliy propens amninin angak.”

²³ Angek, Josep Jiysis amiymınay kuyip poñind am miñmon Nasaret mindyınğip. Amnak kun ak, bi Gor minim anğep gok giniñgamb anğiy tikiyak rek nep gak. Kiyk anğyak, “Nup bi Nasaret nimb anğniñgambay anğyak.”

3

Jon Bi Niñg Pikñemb Ak Minim Anğñak (Mak 1:2-8; Luk 3:1-18; Jon 1:19-28)

¹ Nasaret mindeyak ñin namb kun ak, Jon bi niñg pikñemb ap Jiwdiya miñmon nep namb okok mindiy, biynimb gok kuyip Gor minim tep ak anğñiyiñgip.

² Kuyip anğñiy anğyiñgip, “Mañ mindip; Gor biynimb diy kond mindeniñgamb ak mey; tap siy tap timey gipim ak yenen kun gipun anğiy kirgiy, Gor nup nep gosimb niñnimimb anğyiñgip.”

³ Jon anğak kun ak, bi Gor minim anğep Asaya wosrey giniñgamb anğiy tikak rek nep gak. Asaya minim kun ak tikiy anğak, “Bi bap biynimb kuñay ma mindpay namb okok suk yomb anğiy anğniñgamb, ‘Per biyomb ak asaw anğiy, biynimb gok kinjeñ pindrep giy, kond mindey opay. Kun ak rek, nimb Biyomb ak asaw anğiy, tap siy tap timey gipim ak kirgiy, nup kond mindenimimb anğniñgamb,’ anğak.”

⁴ Pen Jon nuk kanj kamel kas diy giyak chech ak ay, ler ak namb ak pimbrikyiñgip. Tap nuk ñimbyiñgip ak; joñ golbind ak sek, bum niñg ak sek.

⁵ Ñin kun ak, Jerusalem biynimb diy, Jiwdiya miñmon namb okok mañgiysek diy, Joden ñiñg mañ okok mindeyak gok diy, Jon mindek ak apiy,

⁶ tap siy tap timey giyak gok añg yikyakniñ, kuyip Joden ñiñg namb ak ñiñg pikñak.

⁷ Pen Peresiy biynimb gok sek, Sanjiwsiy biynimb gok sek kuñaynep, Jon chinup ñiñg pikñañ añgiy apeyak, kuyip añg giy añgak, “Nimb siyñ saraw ñapan guniy! Yerip gos ak niñiy pirik opim? Ñiñg pikon, Gor biynimb gunap kuyip añg giniñgamb ñin ak, chinup ma añg giniñgamb añgiy, pirik opim?

⁸ Ñiñg pikniñg, tap siy tap timey gipim ak kirgiy, mindrep gem mey, Gor nup gosimb niñbay añgiy, nimbip ñiñg pikñinim.

⁹ Pen nimb gos bap niñiy; chin basind yes Ebrahim ñapan nuk mindpun añgiy ma añgnimimb. Ebrahim ñapan nuk apim ak tap yikop! Gor kamb guniy diy, Ebrahim ñapan nuk gok gayniñg gaypikop!

¹⁰ “Niñrep ginimimb! Gor mon ak junj sek timbjiwniñg, tiw ak mamb giy mindip. Mon siñok, mañgiy ñiñemb tep gunap ma piyip gok, timbek amek, di mon yinjab ak yokniñgamb.

¹¹ Nimb tap siy tap timey gipim ak yenen kun gipun añgiy kirgiy, Gor nup gosimb niñem mey, nimbip ñiñg pikñimbiyn. Pen Bi kisen winiñgamb ak biyomb yimb: yand bi yikop. Tomb tirup nup tungasikyiñg tap nup gok marik ginim rek ma ayip; yip nambiñ gip. Yand nimbip yikop ñiñg pikñimbiyn; Bi kun ak apiy, nimbip Gor Kawnan ak sek, mon mañlañ rek ak sek ñiniñgamb.

12 “Nuk wiyt maŋgiy pik gek gipay rek ak gininggisap. Wiyt maŋgiy tep ak key ay, day day ak key ay gininggamb. Kun giy, wiyt maŋgiy tep gok dam korip miŋgan ayniŋgamb; day day gok dam mon per yin mindip ak yokniŋgamb aŋgak.”

*Jon Jiysis Nup Ñiŋg Pikñak
(Mak 1:9-11; Luk 3:21-22)*

13 Ñin kun ak, Jiysis Jon yip ñiŋg pikñan aŋgiy, miñmon Galiyliy kirgiy, Joden ñiŋg mindek ak amiy,

14 aŋgak, ‘Yip ñiŋg pikñan.’ Aŋgek Jon aŋgak “Nand nep mey, yip ñiŋg pikñimbinap. Pen yand nip yergiy ñiŋg pikñinim?”

15 Aŋgek Jiysis aŋgak, “Nand aspan ak kirgiy, yand apiyn rek gey mey, Gor aŋgip aŋgip rek nep giniŋgambur aŋgak.” Aŋgek Jon “Niŋind apan” aŋgiy, Jiysis nup ñiŋg pikñak.

16 Pikñek, Jiysis ñiŋg gol siŋak apiy niŋak: semb biyoŋ miŋgan yikiy, Gor Kawnan ak yakir kochir rek nup ker wiŋind wak.

17 Kun giy wakniŋ, minim bap semb biyoŋ nimb apiy aŋgak, “Ñi kun ak, Ñi mapin yand. Nup niŋen, yip tep yimb gip aŋgak.”

4

*Seytan, Jiysis Nup Gos Ñen Tap Siy Tap Timey
Ginimuŋ Aŋgiy Niŋak
(Mak 1:12-13; Luk 4:1-13)*

1 Ñin kun ak Gor Kawnan ak, Seytan biynimb gok kuyip per gip rek, nup kunep ginimuŋ aŋgiy,

Jiysis nup poñind, miñmon nep namb okok amnak.

² Poñind amek, Jiysis miñmon nep namb kun okok tap ñimbiy mer; yikop nep mindek ñin nokom jiwiy, andikiy onep ar piskind ak amnak. Kun giy yikop nep mindek, nup yiwana yomb yimb ak gek,

³ Seytan apiy nup angak, “Nand Gor Ñinuk mindiy ker, kamb biy diy angey, bired ayek ñinan.”

⁴ Angek Jiysis pen angak, “Baybol buk ak tikiy angyak, ‘Biynimb gok, tap ñinemb nep ñimbiy ma mindeningambay; Gor minim angip ak ninjiy mey, per mindeningambay angak.’ ”

⁵ Kun angek, Seytan Jiysis nup dand Jerusalem amiy, dam Gor angninep korip yiy akyon giyak ar ak ay angak,

⁶ “Yand Gor Ñinuk mindpiyn angiy, pindeng man biyan ayan. Baybol buk ak tikiy angyak, ‘Gor enjol nuk gok angek, ñin kind nip ak di mindeningambay mey, kamb tomb nip ma piñiyningamb angyak’ angak.”

⁷ Angek Jiysis angak, “Baybol buk ak minim gunap sek tikiy angyak, ‘Gor Biyomb ak nup ñiñlon ay ma angninimimb angyak’ angak.”

⁸ Angek, Seytan Jiysis nup dand dum yomb bap amiy angak, “Miñmon tep tep biyomb keykey kond mindpay guniy ninan!

⁹ Nand kongim yimiy yip lotiw geningamban, miñmon kun guniy nip mangiysek angningayn angak.”

10 Angek Jiysis Seytan nup angak, “Nand key okok amnon! Baybol buk ak tikiy angyak, ‘Biyomb Gor nup nep angninjiy, wonj nup gok nep ginimimb angyak.’ ”

11 Angek Seytan Jiysis nup kirgiy amnakniñ, enjol gunap ap Jiysis nup kond mindeyak.

Jiysis Miñmon Galiyliy Kiñiñ Giy Gor Minim Anğñak

(Mak 1:14-15; Luk 4:14-15)

12 Ñin kun siñak, Jon bi ñiñg pikñemb ak nup kalambis ayeyak, Jiysis minim kun ak niñjiy, miñmon Galiyliy amnak.

13 Amiy miñmon nuk Nasaret ma am mindek; am mindek miñmon Kapaniyam, Galiyliy chemb gol ak.

14 Biynimb miñmon kun okok kuyip minim tep ak anğñi mindyñgip ak mey; bi Gor minim anğep Asaya giniñgamb angyi tikak rek nep gak. Nuk angak:

15-16 “Miñmon Sebyiwan Naptalay, Galiyliy chemb pis biy sek, biynimb Jiwda mer Joden ñiñg kind bindoñ mindpay gok sek melik ak niñniñgambay. Kisyim okok mindiy kumniñgiy rek ayniñgamb ak pen; melik yomb yimb ak niñniñgambay angak.”

17 Jiysis ñin kun ak kiñiñ giy, biynimb okok kuyip Gor minim tep ak anğñiyiñg angak, “Tap siy tap timey gipim ak yenen kun gipun angyi kirgiy, Gor nup gosimb ak niñnimimb. Yenen Gor biynimb diy kond mindeniñgamb ñin ak man yimb asaw angak.”

Jiysis Bi Omiᅇal Omiᅇal Kuyip, Yip Kondim Anᅇak

(Mak 1:16-20; Luk 5:1-11)

¹⁸ Jiysis Galiyliy chemb gol ak apiy niᅇak: bi piys dep mamiyminᅇay ak, wimben yokiy, piys derik. Bi mamiyminᅇay kun ak, numam bap yimb nuk Enjriw; numam bap Saymon. Saymon nup ᅇin gunap, Piyta anᅇyᅇᅇipay.

¹⁹ Jiysis kuyipminᅇay niᅇiy anᅇak, “Yip kindik ger mey, nirip anᅇen, bi piys dep mer, biynimb dep omiᅇal ak mindeniᅇᅇayr anᅇak.”

²⁰ Anᅇek, anᅇak rek niᅇiy, piys derik wimben ak kirgiy, Jiysis chirup anᅇᅇirep ginimunᅇ anᅇiy nuk yip tanᅇyᅇᅇipiy.

²¹ Pen won bap tapin amiy niᅇak: Jemis yip, Jon yip, nop Sebediy yip bot miᅇᅇan ak apyonᅇon mindyᅇᅇ, wimben ak girep geyak.

²² Jiysis niᅇiy kuyipminᅇay suk anᅇek, wimben gok kirgiy, Jiysis chirup anᅇᅇirep gaᅇ anᅇiy yip amniyak.

Jiysis Okok Tanᅇiy Minim Anᅇᅇak

(Luk 6:17-19)

²³ Jiysis miᅇmon Galiyliy namb okok giranᅇyᅇᅇ, Jiwda lotiw korip miᅇᅇan okok amiy; Gor biynimb diy kond mindeniᅇᅇamb minim tep ak, kuyip anᅇᅇiyᅇᅇ, biynimb tap gak gok sek, tap yerip yerip gak gok sek gek suᅇ ayᅇᅇᅇip.

²⁴ Kun gek, Siyriya biynimb miᅇmon sikoy okok maᅇᅇysek minim kun ak niᅇiy, biynimb tap keykey gak gok dand apey, nuk gek suᅇ ayak. Biynimb kun gok, gunap yikop tap gak; gunap

windin mayn apek apyap pikiy jep diyinǵipay; gunap ñin tomb kalaw gak.

²⁵ Pen Jerusalem biynimb diy, Jiwdiya biynimb diy, Joden ñinǵ taw akdoŋ ken mindeyak biynimb gok diy, kuŋaynep Jiysis amnakniŋ, kisen amniyak.

5

Jiysis Am Dum Biyoŋ Mindiy, Minim Anǵñak (Luk 6:20-23)

¹ Jiysis, biynimb kuŋaynep kun gok niŋiy, am dum biyoŋ binuk onep wimingan ak yip bising mindiyiŋ, kuyip minim anǵñak.

Biynimb Miñmiñ Giniŋgambay

- ² Nuk kuyip anǵñiyiŋ anǵak:
- ³ “Biynimb Gor minim niŋrep ma gipun anǵiy, yimgeprek mindipay gok, Gor kuyip diy kond mindeniŋgamb ak mey, miñmiñ giniŋgiy.
- ⁴ “Biynimb siy apay gok, Gor kuyip anǵdiniŋgamb ak mey, miñmiñ giniŋgiy.
- ⁵ “Biynimb sayn kapkap mindipay gok, kiyk mankumb diniŋgambay ak mey, miñmiñ giniŋgiy.
- ⁶ “Gor biynimb tep nuk mindenjun anǵiy, niŋbay gok kuyip kond mindeniŋgamb ak mey; miñmiñ giniŋgiy.
- ⁷ “Biynimb simb niŋbay gok, Gor kuyip pen simb niŋiy diniŋgamb ak mey, miñmiñ giniŋgiy.
- ⁸ “Biynimb Gor nup gosimb nokom niŋbay gok, Gor nup niŋniŋgambay ak mey, miñmiñ giniŋgiy.

9 “Jimñiy mindenjun angyiy gipay biynimb gok, Gor kuyip ñapan yand angningamb ak mey, miñmiñ giniñgiy.

10 “Biynimb suñ-tep mindey kuyip timey gipay gok, Gor kuyip diy kond mindeningamb ak mey, miñmiñ giniñgiy.

11 “Nimbip Jiysis biynimb nuk angyiy, gi timey giy, minim yesek angyiy anjjiweningiy, miñmiñ yimb ginimimb.

12 Bi Gor minim angep wosrey gok kuyip, ar kun ak nep giyak. Kun ak nimbip kunep giyakniñ, gos yomb ma niñnimimb; Gor chinup direp giniñgamb angyiy miñmiñ yimb ginimimb.

Gor Biynimb Nuk Gok Melik Tep Rek Ak Mindpay

(Mak 9:50; Luk 14:34-35)

13 “Nimb biynimb mankumb biy sol kiyk rek mindpim. Pen sol ak yindik nuk ak amdek, pisnep timey gip angyiy diyokey, tawsimbjakpay.

14 “Dawin yomb dum biyon mindiy, wey-giniñgiy rek ma ayningamb; misen yimb mindeningamb. Kun ak rek biynimb yand gok. Nimb biynimb gunap melik kuyip ak mindpim.

15 Lam ak dangiy tiyn miñgan okok ma aypay; biynimb niñrep giyan angyiy, ar sinbiyon tik aypay.

16 Kun ak rek, nimb mind tep gem, biynimb niñiy, Nap semb biyon mindip anup yimb ak dand araniñgiy.

Low Minim

17 “Nimb yip angningambim: Gor low minim, Mosis angak gok sek, bi Gor minim angep gunap angyak gok sek kirginimimb angning wip

aňgningambim ak pen; ak mer! Yand winik ak, bi Gor minim aňgep gok giningamb aňgiy aňgyak rek, maňgiysek ginimur aňgiy winik.

¹⁸ Yand nimbip niňind yimb apiyn. Semb biyur sek, mankumb biy sek pisnep kurginimur rek ayip ak pen; Gor minim nuk ak ma kurginingamb; perper nep mindeningamb. Minim yerip yerip aňgak ak, aňgak rek nep giningamb.

¹⁹ “Kun ak biynimb an Gor low minim ak niňiy, minim sikoy won bap kirsipiyn aňgiy, biynimb gok sisker aňgñey kirginingambay ak; Gor biynimb diy kond mindeningamb ñin ak, yimb kuyip apyowningamb. Pen biynimb an Gor low minim niňiy, niňrep giy, biynimb gok kuyip aňgñirep giningambay ak; Gor biynimb diy kond mindeningamb ñin ak, yimb kuyip ak araningamb.

²⁰ Bi Peresiy gok sek, bi low tiysa gok sek “Tep gipun’ apay ak pen; biynimb sur-tep ma mindpay. Kiyk gipay rek nep gem amningamb ak; Gor miñmon tep nuk ma amningambim.

Biynimb Ñaňgep Nimb Gok Yip, Minim Aňg Jimñiy Ay Mindenimimb
(Luk 12:57-59)

²¹ “Wosrey napis nasind yes gok, Gor low minim aňgyiňgipay ar ak nimb niňbim. Kiyk aňgyiňgipay, ‘Biynimb ma ñaňgnimimb. Biynimb bap, biynimb bap nup ñaňgayningamb ak, kor niňningamb aňgyiňgipay.’

²² Minim kun ak niňbim ak pen, nimbip miñiy aňgrop giningayn. Biynimb bap, biynimb bap

nup miluk niņningamb ak, kor giniņgamb. Biynimb bap, biynimb bap nup aņgjiweniņgamb; Ji-wda kanjsol gok ap nan-giy, nup minim yomb aņgniņgambay. Biynimb bap, biynimb bap nup pen aņgniņgamb, ‘Nand bi sakiy sek yimb’ aņgniņgamb ak, mon key yinjap miņgan ak amniņgamb.

²³ “Kun ak nimb tap dam Gor nup kamb bind ar ak simboņg ñiniņg; mam ay gunap kuyip gipik rek minim mindip aņgiy,

²⁴ am kuyip minim aņgrop giy apiy nep, tap kun ak Gor nup simboņg ñinimimb.

²⁵ “Tap yerip timey giniņgambim ak, nimbip kor giniņg, dand kinjeņnamb okok kisen amniyakniņ, kiy yip minim kun ak aņg sayn giy, jimñiy mindenimimb. Mer ak, dam biyomb kor niņep ak nup ñeniņgambay, nuk pen nimbip di poliys kay kuyip ñek, nimbip dam kalambis ayniņgambay.

²⁶ Nimbip niņind yimb apiyn: tap day nimb ak pisnep day paņg diy rek, mis ambikip.

Biyn Siy Bi Siy Gipay

²⁷ “Pen nimb niņbim; minim bap aņgyak ‘Biyn siy bi siy ma ginimimb aņgyak.’

²⁸ Pen yand nimbip aspiyn: bi bap biyn bap nup niņiy, nup dipnip aņgiy gos niņningamb ak, Gor niņek bi kun ak gosimb nuk namb biyaņ, tap siy giniņgamb.

²⁹ Kun ak, windin maņgiy yipund pis ak niņiy, tap siy tap timey gep rek ayonimuņ, windin piskind kun ak tuņgjiwyoknimimb. Pen windin nimb ak simb niņningambim ak; tap siy tap timey giy, mon key yinjap ak amnimimb rek ayip.

³⁰ Pen ñin yipund kind ak kunep, tap siy tap timey gining gonimuñ, timbrik yoknimimb. Kun giy mey, ñin piskind ak nep mindiy kim amningambim. Yikop ak, mon key yinjap ak amningambim.

³¹ “Nimb niñbim; minim bap angyak, ‘Bi bap biynuk nup kirgining, biyn biy pisnep kirsipiyn angyi, ñiwkil band bap tikiy biyn kun anup ñiy mey, pisnep kirginingamb angyak.’

³² Pen yand nimbip aspiyn: bi biyn kiyk gok wañ siy dey mer, yikop nep angyokey am bi kisen dingingambay akan yergeningambay, bi kun gok minim yomb dingingambay. Pen kisen bi biyn angyokningambay kun ak dingingambay ak, kunep timey giningambay.

*Minim Niñind Yimb Apun Apay
(Mat 19:9; Mak 10:11-12; Luk 16:18)*

³³ “Wosrey minim bap angyak ak kunep niñbim. Minim kun ak angyak, ‘Gor nup tap bap giningayn angyi, angnimimb rek nep ginimimb; nup minim nep ma angnimimb angyak.’ ”

³⁴ Pen nimbip aspiyn: minim bap anging, Gor windin mangiy ar ak niñind aspiyn angyi, ma angnimimb. Semb biyon mindip rek, niñind apiyn angyi ma angnimimb. Ak Gor miñmon nuk yimb.

³⁵ Lum biy mindip rek niñind apiyn angyi ma angnimimb. Ak Gor miñmon sikoy nuk bap mey kun ak. Jerusalem mindip rek niñind apiyn angyi ma angnimimb. Ak Biyomb ak miñmon nuk bap mey kun ak.

³⁶ Jun won yand mindip rek, niñind apiyn angyiy ma angnimimb. Nimb key gem, jun kas nimb ak, sum akan mosimb jakningamb?

³⁷ Kun ak, giniñgayn angyiy, giniñgayn nep angnimimb. Pen ma giniñgayn angyiy, ma giniñgayn nep angnimimb. Minim kilis yimb angyun angningambim ak, Seytan nimbip gos ñek angningambim.

³⁸ “Pen minim bap angyak, ‘Windin mangyiy ak piñiy jiweningiy, kuyip pen kunep piñiy jiwningimimb. Meñg kamb pikpangeningiy, kuyip pen kunep pikpangnimimb angyak.’

³⁹ Pen nimbip aspiyn: Bi bap nimbip timey gonimun, nup pen ma timey ginimimb. Bi bap nimbip mikem piksil gonimun; andikem piskind ak kunep piknimun.

⁴⁰ Nimbip kor giy, tiñgliys nak ak yip sanj gan angonimun, tiñgliys nep ma ñinimimb; kolsiyor ak sek ñinimimb.

⁴¹ Nimbip tap wand biy dam tip siñak yokiy wan angey; yiruk ma niñnimimb; tip angningiy siñak silgiy, yesek tip ak yokiy winimimb.

⁴² Chinup tap gunap ñim angeningiy, monmon ñinimimb. Pen chinup tap gunap yikop ñem; kisen nimbip tip ak ñiningambun angeningiy, ma kirginimimb, monmon ñinimimb.

Biyimb Ñanjep Nimb Gok Kuyip Wasemb Aynimimb

(Luk 6:27-28, 32-36)

⁴³ “Minim bap angyak, ‘Bungyiy nimb gok kuyip wasemb aynimimb; biyimb penpen ñanjep nimb gok kuyip miluk niñnimimb angyak.’

⁴⁴ Pen nimbip aspiyn: Biynimb penpen ñanǵep nimb gok kuyip wasemb ay; biynimb nimbip gi timey gipay gok Gor nup anǵniǵem kuyip kond mindonimuǵ.

⁴⁵ “Kun giniǵgambim ak, Nap semb biyoǵ ñapan nuk yimb mindiy mey, kun giniǵgambim. Nuk biynimb mindrep gipay gok sek, biynimb mindrep ma gipay gok sek simb niǵimb rek, gek pumb niǵiy miñmon pikiy tap woǵg kuyip gok jakip.

⁴⁶ Biynimb nimbip wasemb aypay gok nep kuyip direp giniǵgambim ak; bi takes dipay gok gipay rek nep giniǵgambim. Kun ak Gor nup yergiy tep gek, nimbip kond mindrep giniǵgamb.

⁴⁷ Buǵiy nimb gok kuyip nep ñin piksakiǵgambim ak, biynimb Gor nup gosimb ma niǵbay gok gipay rek nep giniǵgambim. Kun gem, Gor nup yergiy tep giniǵgamb?

⁴⁸ “Kun ak Nap semb biyoǵ mindrep yimb gip rek, nimb kunep ginimimb.

6

Biynimb Gok Kuyip Tap Monmon Ñinimimb

¹ “Pen nimb biynimb windin yirik ar ak nep mindrep ginjun anǵiy, gem amniǵgamb ak; Gor nimbip yergiy direp giniǵgamb.

² Biynimb Gor nup gosimb niǵbun anǵiy tom nep gipay gok, gipay rek ma ginimimb. Kiyk biynimb simbgeprek gok kuyip maniy ñiniǵ nan-gep korip biynimb kuǵay mindpay namb ak akaǵ, kinǵeǵ yomb okok nep ñimbay. Yimb yomb dun anǵiy gipay kun ak, Gor kuyip direp ginimuǵ rek ma ayip.

³ “Pen nimb biynimb simbgeprek gok kuyip tap ñining, misen ma ñinimimb;

⁴ kapkap weygiy ñinimimb. Tap weygiy gipun gok Bapiy Gor niñimb ak mey, giningambim kun ak niñiy, nimbip direp giningamb.

Gor Nup Kun Giy Anñinjep
(Luk 11:2-4)

⁵ “Nimb Gor nup anñinñing, biynimb yesek gunap gipay rek ma ginimimb. Kiyk biynimb gunap chinup niñey yimb yomb dingingambun anñiy, am lotiw korip namb ak mindiy akan, am kinjenram okok mindiy, Gor nup anñinñbay. Yimb yomb dinging gipay kun ak, Gor minim kuyip ak ma niñinñgamb.

⁶ Kun ak nimb Gor nup anñinñing; korip ñiluk miñgan ak amiy, kinjen giñiy, Bapiy nup anñinñnimimb. Tap kapkap gipim ak mañgiysek niñimb rek, minim kun ak niñiy, anñinñningambim rek giningamb.

⁷ “Biynimb Gor minim ma niñbay gok, nup anñinñing, minim paryomb yimb apay. Gos kiyk ak minim paryomb anñon mey niñningamb apay!

⁸ Pen nimb kun ak rek ma ginimimb. Minim yerip Gor nup anñinñing gipim gok, nuk nind niñimb.

⁹ Nup anñinñing, kun giy anñnimimb:
‘Bapiy yomb semb biyoñ; yimb nand yiy ar biyoñ mindip.

¹⁰ Nand chinup diy kond mindenimin; semb biyoñ angek niñbay rek ak, chinup gey kun ak rek niñjun.

11 Chinup tap ñiñemb minek minek ñimbun rek ak ñininimin.

12 Biynimb gunap chinup timey gey niñiy kirpun rek, tap siy tap timey chin gipun gok niñiy kirginimin.

13 Chin yikop mindiy, tap siy tap timey giniñgambun rek ayip ak; chinup kond mindey, timey ma ginjun.'

14 "Pen biynimb gunap nimbip timey gey, niñiy kirgeniñgambim; Gor tap siy tap timey nimb giniñgambim gok niñiy kirginiñgamb.

15 Pen nimb niñiy ma kirginiñgambim ak, Gor pen tap siy tap timey nimb giniñgambim gok niñiy ma kirginiñgamb.

Tap Bul Gipay

16 "Nimb tap ñiñemb kirginiñg, biynimb yesek gok per gipay rek, ma ginimimb. Kiyk apay, miluk mer mer mindon, biynimb niñiy añgñiñgambay, Gor nup gosimb niñiy, tap ñiñemb kirgiy mey, miluk mer mer mindpay añgñiñgambay. Nimbip niñind yimb aspiyn: biynimb chinup niñyañ añgiy giniñgambay kun gok, yimb kuyip dand araniñgambay ak pen, Gor kuyip direp ma giniñgamb.

17 Nimb pen tap ñiñemb gok kirginiñg ginimimb ak; miluk mer mer ma mindenimimb. Ñiñg pik tep giy, wel ay, kom giy mindenimimb.

18 Kun geniñgambim, biynimb gunap nimbip tap keñmañgiy bul gipay añgiy, ma niñiñgambay; Gor nep tap weygiy gipun gok mañgiyseke niñimb rek, nimbip niñiy direp giniñgamb.

Am Gor Yip Mindenjun Anjiy Niñying Mindenimimb

(Luk 12:32-34)

¹⁹ “Pen man ar biy tap tep tep gok di nan-ginjun anjiy gos ak ma niñnimimb. Tap kun gok nan-geniñgambim; bi siydep apiy siy diniñgambay akan; simbsis giy, siplep siwiy giniñgamb.

²⁰ Kun ak tap tep nimb rek gok semb biyoñ nan-gem; simbsis ma ginimuñ, siplep ma siwnimuñ, siy ma diniñgiy, mindnep mindonimuñ.

²¹ Tap tep nimb gok man ar biy di nan-geniñgambim, gos nimb ak mindeniñgamb man ar biy; semb ar biyoñ nan-geniñgambim; gos nimb ak amniñgamb kun biyoñ.

²² “Windin mañgiy chin ak mey, lam rek mindip. Windin mañgiy ak tep mindek; melik tep gamb niñrep gipun.

²³ Pen timey gek; kisyim apek ma niñbun. Biynimb melik ma niñbay gok, kisyimnamb okok mindpay.

Gor Yip, Maniy Tap Gok Yip

²⁴ “Bi nokom bap, biyomb omiñal wong giñnimuñ rek ma ayip. Yenen: biyomb bap nup niñek tep geniñgamb, bap nup kirginiñgamb: akan bap nup niñek tep geniñgamb, bap nup kirginiñgamb. Kun ak rek, nimb maniy tap tep lum ar biy mindip gok niñem tep gek, Gor nup kirginiñgambim rek ayip ak; niñrep ginimimb.

Gos Yomb Ma Niñnimimb
(Luk 12:22-31)

25 “Ar kun ak mey nimbip aspiyn: tap yerip ñimbiy mindenjun; chech akay nimb ay mindenjun angyi, gos yomb ak ma niñnimimb. Gor nimbip gayek mindpim ak; tap sikoy kun gok ma ñiningamb?

26 Nimb niñbim: yakir gok tap yiñ ma yimbay; wiyt, rays, tap gok ma tik dap nan-gipay. Bapiy semb biyon ak kuyip kond mindek tap ñimbay. Yakir tap yikop ak tap ñek ñimbay; nimbip kunep giningamb.

27 Akan, gosimb kuñay niñiy mey, tapin mindiy kumningambun angyi niñbim?

28 “Pen yenen chech tap gok gos kuñay niñbim? Tap key jakip gok, chech napnap tap gok giningiy rek ma ayip ak pen, sumsum teprep yimb gok mindip.

29 Kiyñ Solomon tap kuñay mindek ak pen; mokyañ tep kun gok rek ma gak.

30 Tap kaskas ak tap yikop. Per mindiy mer; miñiy rek mindiy, toy rek danjiypay. Pen Gor tap yikop kun gok gay mokyañ giñimb ak, yenen chinup ma kond mindeningamb angyi niñbim?

31 “Kun ak ñiñg akay ñiñjun; tap yerip ñiñjun; chech akay nimb ayjun angyi, gos yomb ak ma niñnimimb.

32 Biynimb Gor minim ma niñbay gok, tap kun gok dun angyi gos yomb kun ak rek niñbay. Pen nimb niñbim: Bapiy chin semb biyon mindip ak tap nimb yerip tikdip ak niñimb.

33 Kun ak, Gor biynimb gunap diy kond mindeningamb ak, chinup sek dek biynimb suñ-tep

nuk gok mindonjun angyi, nup gos nokom niñiy gem amek mey; tap yikop kun gok diniñgambim.

³⁴ Kun ak toy yergiy mindenjun angyi gos yomb ak ma niñnimimb; Gor nimbip minek minek nep kond mindip.

7

Biynimb Gunap Kuyip Kun Gipim Kun Gipim Ma Anñnimimb

(Luk 6:37-38, 41-42)

¹ “Chin biynimb tep angyi, biynimb gunap kuyip gos timey niñniñgambim ak, minim kun ak andkind nimbip ker winiñgamb.

² Kun ak niñrep ginimimb. Nimb biynimb gunap kuyip giniñgambim rek, Gor nimbip pen kun ak rek giniñgamb.

³ Mon bopis windin nimbip pik yiwgiy mindip ak, yenen niñangyi mer, namam tap achip mindip ak nup niñapim?

⁴⁻⁵ Mon bopis yomb windin nimbip pik yiwgiy mindip kun ak diyokiy, windin niñrep giy rek, namam tap achip mindip ak nup, diyokan angyi apim.

⁶ “Gor tap suñ-tep nuk gok, kayn ayndik gok kuyip ma moknimimb; kumbap milip gok kanj sakiy mindeniñgiy kiñiñ siñak monmon ma ginimimb. Kun giy monmon gem; kiyk tawpañg pikey amek, andkind apiy nimbip siwniñgambay.

Gor Nup Anñniñniñgambim Rek Nep Giniñgamb
(Luk 11:9-13)

⁷ “Tap yerip tikdonimuñ, Gor nup anñniñem nimbip ñiniñgamb. Pen tap gunap piyow niñiy

niñningambim. Kinjen yikan angyi pik giygiw gem, nimbip yikningamb.

⁸ Biynimb nup angnıñbay gok, angnıñbay rek gip. Tap piyow niñbay ak kuyip ñimb. Kinjen ak yikan angyi pik giygiw gey, apay rek niñiy yikip.

⁹ Nimb bi ñapan sek gok, ñapan nimb bap biret nen angek, kamb bap di ñimbikip?

¹⁰ Akañ pen, piys nen angek, siyñ bap ñimbikip? Ak kun ma gipkip.

¹¹ Nimb biynimb tep mer ak pen; ñapan nimb gok, kuyip tap tep gok nep ñimbim. Bapiy semb biyoñ, bi tep yimb ak, nimbip yesek ar ak ma giniñgamb; nimbip tep giniñgamb ar ak nep giniñgamb.

¹² “Pen biynimb gunap, chinup kun giyañ angyi niñbim rek nep, biynimb gok kuyip ginimimb. Gor low minim Mosis tikayak ak sek, bi Gor minim angep gunap tikayak ak sek kiñiñ mey kun ak.

*Kinjen Achimb Diy Amiy Perper Min-
deniñgambay Ak*

(Luk 13:24)

¹³⁻¹⁴ “Mon key yinñap kinjen yomb ak; misen niñiy amrep gipay. Biynimb kuñaynep miñgan kun ak ambay. Kun ak nimb niñrep giy, permindep kinjen sikoy ak diy amnimimb. Kinjen sikoy kun ak kosyam tapay. Biynimb nokom nokom nep, kinjen sikoy par kun ak piyow niñiy ambay.

*Gor Minim Yesek Anğñiniñgambay Rek Ayip Ak
Niñrep Ginimimb*

(Luk 6:43-46; Luk 13:25-27)

15 “Pen biynimb Gor minim aspun anġiy yesek apay gok, kanj siypsiyp sayn tep rek silok ay winiġgambay ak pen; ap mindyinq kayn ayndik biynimb siw ayip rek ak nimbip giniġgambay.

16 Kun ak miñ giniġgambay ak niñiy, kiyk biynimb yerip rek mindpay ak niñrep giniġgambim. Nimb niñbim: Miñ ñiwñiw sek yikop gok, tap mañġiy ñiñemb ma piyningamb. Mon gok kunep giniġgamb.

17-18 Mon ñiñemb bind gok, mañġiy ma ñiñemb gok ma piyningamb. Mon mañġiy ma ñiñemb bind gok ñiñemb gok ma piyningamb.

19 Pen mon bind mañġiy tep ma piyningamb gok, timb dam mon yinġap ak yokniġgambay.

20 Kun ak miñ giniġgambay ar ak niñiy, biynimb gok tep, biynimb gok timey anġiy niñningambim.

21 “Biynimb yip Biyomb chin, Biyomb chin, apay gok Gor kuyip mañġiysek diy kond mindeniġgamb anġiy ma anġnimimb. Bapiy semb biyoñ anġip rek gipay gok nep kuyip diy kond mindeniġgamb.

22 Ñin kisen ak apek, biynimb kuñaynep yip anġniġgambay, ‘Biyomb chin mey nand nep. Minim tep woñg nip ak ginuk. Yimb nip nep anġiy, tap biynimb ambañ ayak gok anġyokiy, tap mageprek gok giy ginuk anġniġgambay.’

23 Yip kun anġniġgambay ak pen, kuyip anġniġgayn, ‘Nimbik biynimb yand mer: timey nep gipim! Key okok amnimimb anġniġgayn.’

*Bi Omiñal Korip Girik
(Luk 6:47-49)*

24-25 “Bi gos niņep yimb bap, korip nuk ak giniņg, kamb ar ak gak. Kisen yinģen yomb diy, miñmon yomb pikiy, ñiņg wilik apiy gak ak pen, korip nup ak ma pikjiw dand amnak. Kun ak rek mey, biynimb minim yip niņiy dipay gok.

26-27 “Pen bi gos niņrep ma gak bap, korip nuk ak giniņg lum sayn ar siņak gak. Kisen yinģen yomb diy, miñmon yomb pikiy, ñiņg wilik apiy, korip nup ak pisnep pikjiw dand amnak. Kun ak rek mey, biynimb minim yip niņiy kirpay gok angak.”

28-29 Jiysis minim kun ak anģjiwakniņ, biynimb kuņaynep ap mindeyak gok wal anģiy anģyak, “Bi low tiysa chin gok apay rek ma anģip; nuk bi minim niņrep yimb giy anģip anģyak.”

8

Jiysis Bi Soy Ayndik Ayak Ak Gek Suņ Ayak (Mak 1:40-44; Luk 5:12-14; Luk 13:25-27)

¹ Jiysis dum biyoņ mindek ak kirgiy, mak biyaņ apyowakniņ, biynimb kuņaynep kisen giyak.

² Pen bi soy ayndik ayak bap, Jiysis mindek maņ siņak amiy, koņgim yimiy, jiy kuyaņgiy angak, “Biyomb. Nand yip gey suņ ayiņg, gey suņ ayiņgamb angak.”

³ Kun anģek, Jiysis nup diniņyiņg, “Nip suņ ayaņ angak.” Anģek, won kun anep suņ ayakniņ angak,

⁴ “Nip gen suņ ayip kun ak, biynimb gunap kuyip ma anģñinimin. Am bi Gor nup simboņgep gok kuyip nep yomiy, ‘Yip suņ ayip anģninin!’ Kun anģiy, Mosis angak rek, yakir dam Gor nup

pik simbonḡ ñinimin. Kun geninḡamban, biynimb gok niñiy, nup suñ ayip ak mey kun gisap anḡningambay anḡak.”

*Bi Amiybi Yomb Ak Nup Wonḡ Giñiyinḡip Ak Jiysis Gek Suñ Ayak
(Luk 7:1-10)*

⁵ Jiysis miñmon Kapaniyam amnakniñ, amiybi gok kuyip kond mindyinḡip biyomb bap ap Jiysis nup anḡak,

⁶ “Bi yip wonḡ gip anup tap yomb giy, yiwur nembnemb gek, kawin kaskas ma giy; korip ak kum mindip anḡak.”

⁷ Anḡek Jiysis anḡak, “Am nup gen suñ ayninḡamb.”

⁸⁻⁹ Anḡek amiy biyomb kun ak anḡak, “Niñind apan ak pen, yand bi tep rek korip yip ak amnimin. Yand niñbiyn ak, amiy biyomb gunap yip kond mindey, yand pen amiybi gunap kuyip kond mindiy; amnimimb anḡen, ambay sek; winimimb anḡen, opay sek. Bi yip wonḡ gip ak nup, wonḡ gok kun kun giy ginimin anḡen gip anḡak.”

¹⁰ Kun anḡek, Jiysis gos kuñay yimb niñiy, biynimb kisen ameyak gok kuyip anḡak, “Bi kun biy par okok nimb ak pen, Gor gip rek niñrep yimb giy kun anḡip. Bi chin Yisrel nimb bap, Gor nup gosimb niñiy anḡip kun ak rek anḡey, yand ma niñnik.

¹¹ Kisen biynimb par okok nimb gok, Ebrahim, Aysek, Jekop biriwin yip Gor biynimb diy kond mindeninḡamb namb ak amiy; miñmiñ giyinḡ mindeninḡambay ak pen;

¹² biynimb chin Yisrel nimb gok, am namb kun ak ma mindeningambay rek ayip. Gor kuyip angyokeningamb, am mindeningambay mis kisyim owip ar biyan angak.”

¹³ Jiysis kun angyi, amiy biyomb kun anup angak, “Nandkaw amnon! Apan rek nep giningamb angak.” Kun angek, korip amiy ninak: binuk tap gak ak, Jiysis angak won kun ak nep sun ayak.

Jiysis Piyta Numok Nup Gek Sun Ayak

¹⁴ Pen Jiysis Piyta korip amiy ninak; Piyta numok nup mumbwak okok mon rek yinek kum mindek.

¹⁵ Ninji am dininek, won anep sun ayek tik-jakiy, Jiysis binuk gok yip kuyip tap keñmangyi gayrep gak.

Jiysis Biynimb Kunaynep Gek Sun Ayak (Mak 1:29-34; Luk 4:38-41)

¹⁶ Dungep won ak, biynimb kichekiy amban ayak gok sek, biynimb tap gak gok sek dand Jiysis mindek ak apeyak, nuk kichekiy gok angy mis yokiy, biynimb tap gak gok gek sun ayak.

¹⁷ Nuk gak kun ak, bi Gor minim angyep Asaya, nind giningamb angyi tikak rek nep gak. Nuk tikiy angak:

“Tap chinup gip gok gek sun ayingamb. Tap yerip yerip chinup timey gip gok angyokek mind tep giningambun angak.”

Yand Yip Tangoningambur Angak (Luk 9:57-62)

18 Jiysis biynimb kunaynep ap nup piñiy kus kus geyak niñiy, binuk gok kuyip angak, “Ñiñg chemb kind bindoñ amnun angak.”

19 Kun angakniñ, bi low tiysa bap apiy nup angak, “Tiysa. Nand miñmon akay akay amniñgamban ak, yand yip nep amniñgambur.”

20 Angek Jiysis angak, “Yakir gok, tip kiyk kinbay ak mindip. Kayn sakiy gok, man miñgan okok kinbay; pen Bi bap Ñinuk kinimuñ miñgan ak ma mindip angak.”

21 Pen bi Jiysis minim niñyingip bap angak, “Yand nand yip amjur ak pen, yip yaw angey, bapiy nup kumek komiy, nand yip giranjonjur.”

22 Angek, Jiysis angak, “Bi yip gosimb ma niñbay gunap kumeniñgiy, bi yip ma niñbay gunap dam komniñgiy; nand apey yand yip tanjonjur angak.”

*Jiysis Angek Yinjen Yomb Ak Kirgak
(Mak 4:36-41; Luk 8:22-25)*

23 Jiysis bot diy amniñg gek, binuk gok yip san diyak.

24 Ñiñg namb siñak amniyakniñ, day yinjen yomb sikerek ak diy, ñiñg pañg apiy, bot ak tunğandikniñ rek gak. Pen Jiysis nuk kinek rek,

25 binuk gok am nup angey tikjakek angyak, “Biyomb! Yinjen yomb ak chinup tunğandikek ñiñg ñinjun rek ayip ak, angey kirgan angyak.”

26 Angeyak kuyip angak, “Yenen piriksipim? Gor nup gosimb ak ma niñbim rek ayip!” Kun angyi tikjakiy, yinjen dek ak angek kirgiy, ñiñg pañg apek ak wilekiy gak.

27 Kun gek, kiyk gos kuṇay niṇiy, “Biyomb biy yergiy aṅgek, yinḡen ak kirgiy, ṅiṅ paṅg apamb ak kirgiy gip aṅgyak.”

Bi Malñiluk Sek Omiṅal Ak Jiysis Gek Bi Yimb Ayrik

(Mak 5:1-17; Luk 8:26-37)

28 Jiysis ṅiṅ tikiy, miñmon Gadara pis bindoṅ amjakakniṅ, bi sakiy kichekiy ambaṅ ayak omiṅal ak, chip komyiṅgipay kamb miṅgan okok nimb apchakrik. Bi omiṅal kun ak kuyip kichekiy ambaṅ ayak rek, bi kilis yimb mindyiṅgipiy. Biynimb bap mindyiṅgipiy kinjeṅ tam kun ak ma amyiṅgipay.

29 Pen kiyk omiṅal apchakiy, Jiysis nup aṅgrik, “Gor Ñinuk! Chirup yerginiṅ aswan? Ñin nand chinup aṅg miñmon timey yokniṅgamban ak ma wip aṅgrik.”

30 Pen won kun ak, kanj kuṇaynep amil ñimbeyak yep gol kun siṅak ak mey,

31 kichekiy bi omiṅal kun ak kuyip aban ayak gok, Jiysis nup nembnemb giyiṅ aṅgyak, “Chinup aṅgyokniṅ ginimin ak, aṅgey am kanj mindpay gindoṅ kuyip molik sikun aṅgyak.”

32 Aṅgeyak, amnim aṅgek, bi omiṅal kun ak kuyip kirgiy, am kanj gok kuyip molik sikeyak; kanj gok pirik miñmon minduṅ pis okok amiy, gindam ṅiṅ maṅgiy chemb biyaṅ pikiy, ṅiṅ ñimbey maṅgiyseḡ kumdiyak.

33 Pen bi kanj mokiṅgipay gok gak kun ak niṇiy, kasek miñmon dawin yomb ak amiy, Jiysis yerer gak minim ak, biynimb okok kuyip aṅgñiyak.

³⁴ Anğñeyak kiyk mañgiyseki Jiysis nup niñun anğiy, ap nup niñiy, nembnemb giying anğyak, “Miñmon chinup biy kirgiy, key okok amnon anğyak.”

9

Jiysis Bi Ñin Tomb Kalaw Gak Ak Gek Sun Ayak (Mak 2:1-12; Luk 5:17-26)

¹ Jiysis tip ak bot diy, ñing tikiy miñmon nuk kind bindoñ amnak.

² Pen biynimb gunap, bi ñin tomb kalaw gak bap Jiysis gek sun ayingamb anğiy yirar ay dand mindek ak wiyak. Pen Jiysis gek sun ayingamb anğiy niñyak rek, bi ñin tomb kalaw gak kun ak nup anğak, “Ñiyand. Gos sek mindenimin. Tap timey gipan gach ak miñiy niñiy kirsipiyn anğak.”

³ Anğek bi low tiysa gok, gunap anğyak, “Bi biy Gor nup anğjiwying asap anğyak.”

⁴ Pen Jiysis gos niñyak kun ak key niñiy anğak, “Nimb yenen yip gos timey niñiy kun aspim?”

⁵ Nup tap timey gipan gach ak wiykyokpiyn anğen, nimbip tep giningamb akan, tikjakiy amnon anğen, nimbip tep giningamb? Akan minim yerip ak anğen, nimbip tep giningamb?

⁶ Nimb niñbim. Yand Bapiy minim nup ak diy mey, man ar biy apiy, tap siy tap timey gipay gach ak wiykyokpiyn anğak.” Jiysis kun anğiy, bi ñin tomb kalaw gak anup anğak, “Tikjakiy, minj nak ak diy, dand korip amnon!”

⁷ Anğek tikjakiy minj band ak dand korip nuk amek,

⁸ biynimb gok ninjiy, angyak, “Bi man ar biy nimb bap kun ak rek gek ma niñnuk;” nuk Gor nep angek ap gisap angyi, gos kunay ninjiy, yimb nup ak dand araniyak.

Jiysis Binuk Matyiw Nup Dak

⁹ Jiysis miñmon kun ak kirgiy, wikan bap amiy niñak: bi takes dep ak, wonng giyngip opiys miñgan ak bising mindek. Bi kun ak yimb nuk Matyiw. Jiysis nup ninjiy angak, “Yip kondan.” Angek, nup kondak.

¹⁰ Pen bi takes dep gok diy, bi tap timey giyak gok diy, Jiysis binuk gok sek ap Matyiw korip ak tap ñinyak.

¹¹ Ñimbeyak, bi Peresiy gok ninjiy, Jiysis binuk gok kuyip angyak, “Tiysa nimb ak yenen, bi takes dep gok sek, bi tap siy tap timey gipay gok sek yip jimñiy tap ñinimb?”

¹² Angeyak, Jiysis minim kun ak ninjiy angak, “Biynimb tap ma gip gok, dokta niñning ma ambay; biynimb tap gip gok nep dokta niñning ambay.

¹³ Pen Gor minim bap angak ak junj ak niñrep giy, niñyng mindenimimb. Nuk angak, ‘Yip tap simbonng ñem, tep ma giniñgamb; biynimb gok simb niñeniñgambim, yip tep giniñgamb angak.’ Pen yand winik ak, biynimb suñ-tep gunap piyow niñning ma winik; biynimb tap siy tap timey gipay gok diyn angyi winik angak.”

Tap Bul Gep

(Mak 2:18-22; Luk 5:33-39)

14 Ñin bap, Jon bi ñiņg pikñemb ak binuk gok Jiysis mindek ak apiy angyak, “Chin yip bi Peresiy gok yip, ñin gunap Gor nup nep gos niņun angyi, tap ma ñimbun. Pen bi nand gok yenen kunep ma gipay?”

15 Angeyak, Jiysis kuyip angak, “Biynimb gok, biyomb kiyk ak yip mindeniņgambay ñin ak, miñmiñ giy tap ñiņniņgambay; pen biyomb anup ñaņg pikayniņgambay ñin anep, simb gek tap bul giy ma ñiņniņgambay angak.”

16 Pen Jiysis nind giyiņgipay ar ak key, miñiy angen giniņgambay ar ak key angyi, kuyip minim bap paydoņ ay angak, “Chech kim ak diy, chech wor ay puņgrikniņgamb tam ak ma ñaņgdiniņgambay. Yenen: kun giy yim tanzey, tam yomb sikerek ak puņgrikniņgamb.

17 Pen ñiņg wayn ak kunep; wayn kisenimb ak giy, di meymey wak milip miņgan ak ma paņg ayiņgambay. Yenen: kun geniņgambay, ñiņg wayn kim ak taniy, biņ yimb angyi, meymey wak ak puņgrikiy, soņgniņgamb. Kun ak ñiņg wayn kim ak diy, meymey wak kim nimb miņgan ak dayey nep mey, tep giniņgamb angak.”

*Biyñ Bap Sek, Paskoy Bap Sek Suņ Ayak
(Mak 5:22-43; Luk 8:41-56)*

18 Jiysis minim kun ak angakniņ, Jiwda biyomb bap mindek siņak ap koņgim yimiy angak, “Pañ yand ak pisnep kumimb ak pen, nand am nup diniņey, tikjaknimuņ angak.”

19 Angek, Jiysis binuk gok yip tikjakiy, bi kun ak yip amniyak.

20-21 Pen biyn bap nup, biyn kinjen pandikakniñ mindek, simiy yin ayak wimingan ak. Kun gek gos nuk anep niñiy Jiysis chech paryomb nup gol okok nep diniñen yip suñ aynıngamb añgiy, Jiysis amnakniñ kund okok ken amiy, chech nup ak diniñak.

22 Diniñek, Jiysis tungandikiy biyn kun ak nup niñiy aňgak, “Yip gosimb niñban rek, nip gen suñ ayip. Gos sek mindenimin aňgak.” Aňgek, tap nup giyingip ak won kun ak nep suñ ayak.

23 Pen Jiysis am am, biyomb korip ak amjakiy niñak: biy kul puñgyıñg, minim kilpul yomb yimb aňgeyak.

24 Niñiy kuyip aňgak, “Key okok amnim! Pañ biy ma kumimb; yikop wisin kinjap aňgak.” Kun aňgek nup sik aňgeyak,

25 kuyip aňg mis yokiy, korip ñiluk miñgan biyañ amiy pañ kumak anup, ñin kind ak dek, tikjakak.

26 Kun gek minim kun ak yıñg dand miñmon okok mañgiyse amniyak.

Jiysis Bi Windin Koy Gak Omiñal Ak Gek Suñ Ayak

27 Pen Jiysis miñmon kun ak kirgiy amnakniñ, bi windin koy gak omiñal ak nup kisen giying suk aňgyıñg aňgrik, “Depiyt Ñinuk! Chirup simb niñnimin aňgrik.”

28 Kun aňgerik, Jiysis nuk korip kinak miñgan ak amnakniñ, bi omiñal kun ak apiy korip miñgan amer, kuyipmiñay aňgak, “Nir-miñay, chirup gek suñ ayañ aňgiy, yip aspiyr?”

Angek angrik, “Yaw! Chir niñbur, nand chirup geningamban suñ ayniñgamb angrik.”

²⁹ Angerik Jiysis windin kuyipmiñay ak dininiy angak, “Yip gosimb niñbiyr ak, apiyr rek ginimur.”

³⁰ Angek windin kuyipmiñay ak suñ ayek niñrikniñ, kuyipmiñay angrep giy angak, “Jiysis gamb chirup suñ ayip angyi ma angnimiyr angak.”

³¹ Kun angak ak pen; kiykmiñay amiy biynimb miñmon namb kun ak mañgiyseñ angñirik.

Bi Minim Ma Angyiñgip Bap Tip Ak Minim Angak

³² Pen kiymiñay amnirikniñ, biynimb gunap, bi tap abañ ayek minim angep rek ma ayak bap, dand Jiysis mindek ak apeyak,

³³ tap nup ambañ ayak kun ak angyokek, minim angak. Kun gek, biynimb gok wal angyi angyak, “Miñmon Yisrel biy, bi bap kun ak rek gek ma niñnuk angyak.”

³⁴ Pen bi Peresiy gok angyak, “Nuk kichekiy malñiluk tap gok nop kiyk Seytan kilis ak diy mey, kun gisap angyak.”

Jiysis Biynimb Gok Kuyip Simb Niñak

³⁵ Pen Jiysis nuk, dawin sikoy okok sek, dawin yomb okok sek girangiy, Jiwdan nan-gep korip okok amiy, kiyn yomb key yimb ak biynimb diy kond mindeniñgamb minim tep ak angñiyiñgip. Biynimb gok kuyip tap yerip yerip gak ak kunep gek suñ ayak.

³⁶ Nuk biynimb kun gok niñak: kanj siypsiyp gok bi kond mindep kiyk bap ma mindip rek ak

mindeyak. Gos yomb ninjy kosyam mindeyak ak, kuyip simb ninjy,

³⁷ binuk gok kuyip angak, “Tap keñmangiy kunay yimb nep wong day ak wos gi mindip ak pen; biynimb pipang dand winingiy ak kunay ma mindpay.

³⁸ Kun ak nimb Bi wongday nop nimb ak nup angninem, bi pipang dand owep gunap yokek, pipang dand nup ker winingiy angak.”

10

Jiysis Angak, “nimbip Aspiyn Rek Kichekiy Tap Gok Angyokningambim Angak”

(Mak 3:13-19; Luk 6:12-16)

¹ Jiysis binuk onep wimingan ak suk angek apey angak, “Yand key nimbip aspiyn ak mey, kichekiy malñiluk tap gok angyokning, angyokningambim. Biynimb tap yerip yerip giningamb gok kunep gem, sun ayningamb angak.”

² Bi Jiysis minim dand amemb onep wimingan kun ak, yimb kiyk mey; Bap Saymon, yimb nup bap Piyta angyingipay. Bap Enjriw: Piyta numam nuk ak. Bap Jemis: Sebediy ñinuk. Bap Jon: Jemis numam nuk ak.

³ Bap Piyliyp. Bap Batlomiyiw. Bap Tomas. Bap Matyiw. Nuk takes diyingip. Bap Jemis: Alpiyas ñinuk. Bap Taydiyas.

⁴ Bap Saymon: yimb nup bap Selot angyingipay. Bap Jiwdas: nuk mey, kisen Jiysis nup mimungak.

Jiysis Binuk Gok Kuyip Ang Keykey Yokak

(Mak 6:7-13; Luk 9:1-5)

⁵ Jiysis binuk kun gok kuyip minim tep wong ak ginimimb angyi, angy keykey yokyiny angyak, “Nimb Samariya kay mindpay namb okok sek, biynimb Jiwda mer namb okok sek ma amnimimb.

⁶ Pen nimb am biynimb chin Yisrel, Gor nup gosimb ma ninbay gok kuyip angyiny angyimimb,

⁷ ‘Gor biynimb diy kond mindeningamb nin ak man wip angyimimb.’

⁸ Kun angyiny biynimb tap ginimun gok gem sun ay, biynimb pisnep kumningiy gok gem, tip ak tikjakningiy. Biynimb soy ayndik aynimun gok, biynimb kichekiy malniluk aban aynimun gok gem, sun ayniny. Bapiy chirapiy, nimbip per yikop wong gipur rek, nimb biynimb kun gok kuyip yikop wong ginyimimb.

⁹ Maniy gunap dand ma amnimimb.

¹⁰ Wand, chech, tomb tirup, yirkondim, tap gok, dand ma amnimimb. Yenen: biynimb wong ginyimbay gok, pen tap ney nimbay.

¹¹ “Pen dawin akan, miñmon bap amjakiy, biynimb nimbip sik angyiny rek gunap niniy, kiy yip nep mindiy, miñmon bap key amning nep kuyip kirgy amnimimb.

¹²⁻¹³ Kun ak korip bap amiy, nimb mindpim angyem, yaw mindpun angyiny, korip mingan kun ak amnimimb.

¹⁴ Pen nimbip ma sik angyiny; kiny amning, silkul tom beñ nimbip chingdiy mindonimun ak, pipal pikem yapek amnimimb.

¹⁵ Nimbip ninind yimb apiyn: kor yomb nin ak, Sodom Gomora biynimb yiwur siskoy

diningambay; biynimb nimbip ma diningambay kun gok, yiwur yomb yimb ak diningambay.

*Miker Kunaynep Winingamb
(Mak 13:9-13; Luk 21:12-17)*

¹⁶ “Pen niñim! Yand nimbip kanj siypsiyp rek ak, yoksiyiyn: biynimb kayn ayndik rek mindpay namb okok. Kun ak gos niñrep giyiñg, kapkap mindrep giy kuyip aṅṅñinimimb.

¹⁷ “Pen biynimb gunap nimbip chichiy diy, dam Jiwdá nan-gep korip ak amey, kanjsol kiyk gok ap kor giy, nimbip pikningambay. Kun ak niñrep ginimimb.

¹⁸ Nimbip Jiysis binuk aṅgiy, lipiñg dand gapman biyomb mindeningambay ak amey, minim tep yip ak, biyomb gok sek, bi miñmon paryomb okok nimb gok sek kuyip aṅṅñiningambim.

¹⁹⁻²⁰ Nimbip kor giningambay kun ak, minim yerip aṅṅjun aṅgiy pirikiy, gos kunay ma niñnimimb. Apikniñ, Nap Gor Kawnan nuk nimb yip mindip ak, gos tep ñeningamb, minim nimbik ar ak key ma aṅgningambim; minim yipund giy yimb anep aṅgningambim.

²¹ “Ñin kun ak numam gunap tikjakiy, numam gunap kuyip pikayan aṅgiy, biyomb gok kuyip ñiningambay. Nop gok tikjakiy, ñapan kiyk key gok pikayan aṅgiy, biyomb gok kuyip ñiningambay. Ñapan gok, nonim nop sikop kuyip kunep giningambay.

²² Yip ker mindeningambim rek, biynimb okok mañgiysek nimbip niñey, miluk yowningamb. Pen biynimb kilis giy yip ker

nep mindeningambay gok; ñin kisen ak apek, Gor kuyip diningamb.

23 Pen wikan bap amem, nimbip gi timey geningiy, pirik wikan bap pen amnimimb. Nimbip niñind aspiyn: Yisrel biynimb kuyip sayn nep angñem amnakniñ, Bi bap Ñinuk ak winingamb.

24-25 “Ñapan sikul apay gok yomb mindey; tiysa kiyk gok sikoy ma mindpay. Pen tiysa mindip rek mindon angiy mey, sikul apay. Biynimb wonñ giñimbay gok yomb mindey, biynimb kuyip kond mindpay gok sikoy ma mindpay. Wonñ gipay ak, biynimb yomb mindpay rek mindon angiy, wonñ gipay. Kun ak rek, biynimb yand gok yand mindpiyn rek mindon angiy gipay. Pen yip angjiwi, Seytan yimb nup bap ay, ‘Belsiybul’ apay ak, nimbip timey yimb giningiy rek ayip.

Gor Nup Nep Pirikey
(Luk 12:2-9)

26 “Biynimb kun gok kuyip niñiy ma piriknimimb. Minim yerip miñiy yiwgiy mindip ak, kisen misen mindeningamb. Tap yerip kapkap gipay gok, kisen misen niñningambay.

27 Minim nimbip weygiy apiyn gok, nimb am misen angñinimimb. Nimbip mimunñ tikiyñ apiyn gok, korip ar biyonñ amiy, angñem niñningiy.

28 “Nimb biynimb sinjrimey pikpay gok kuyip niñiy ma piriknimimb. Kiyk yikop wak band anep pikayingambay; mindmanñiy ak sek timey giningiy rek ma ayip. Pirikniñ mey, Biyomb biynimb mumbwak ak sek, mindmanñiy ak sek

pikay, miñmon mon key yinjab yokningamb anup piriknimimb.

²⁹ Yakir sikoy gok, tap yikop. Maniy gach won nokom nep yokiy, ominjal dipay. Tap yikop ak pen, Gor kuyip niñmindip ak, yikop ma yap pikpay.

³⁰ Jun kas nimbip ak, Gor mañgiyseñ ñin pañgip.

³¹ Kun ak ma piriknimimb. Yakir gok ma kond mindep rek kond mindip.

³² “Biynimb yip ker mindiy, biynimb okok kuyip misen aᅅᅅniñgambay gok, yand pen Bapiy yomb semb biyon mindip ak nup, yip ker mindipay aᅅᅅiy, misen aᅅᅅiniñgayn.

³³ Pen biynimb an yip aᅅᅅiy mindeniñgambay namb ak, bi kun ak yand ma niñbiyn aᅅᅅniñgambay gok, yand pen Bapiy semb biyon anup, biynimb guniy yand ma niñbiyn aᅅᅅniñgayn.

Penpen Giniñgambay

(Luk 12:51-53; Luk 14:26-27)

³⁴ “Yand man ar biy opiyn ak, kapkap mindrep giniñgambun aᅅᅅiy, gos ak ma niñnimimb. Yand winik rek, minim yomb aᅅᅅiy, penpen giniñgambay.

³⁵ Ñi gok tikjakiy, nop yip penpen giniñgambay. Pañ gok tikjakiy, nonim yip penpen giniñgambay. Ñi biyn gok tikjakiy, nupis yip penpen giniñgambay.

³⁶ Kun giniñgambay kun ak, korip keykey mindipay rek nep penpen giniñgambay.

³⁷ “Biynimb nop nonim kuyip akaᅅ, ñi pañ kiyk gok nep gos niñiy, yip ma niñniñgambay ak; biynimb yand rek ma ayniñgamb.

³⁸ Biynimb yip gosimb niñning, pen pikayningambay rek ayip angyi kirginingambay ak, biynimb yand rek ma ayningamb.

³⁹ Biynimb keynep mindiy, mind tep giningayn angingambay gok, mon key yinjab ak anningambay. Biynimb Jiysis ker minden, yip pikayning pikayningiy angingambay gok, perper mindeningambay.

*Gor Kuyip Pen Kunep Kond Mindeningamb
(Mak 9:41)*

⁴⁰ “Nimb amem, biynimb nimbip wasiw angdiningambay gok, yip diningambay. Pen yip diningambay rek, Bi yip yokek winik ak nup diningambay.

⁴¹ Biynimb bi Gor minim anjep bap niñiy, Gor wong gip rek, nup diningambay ak, tep yimb giningambay ak mey; Gor bi minim nup anjep ak direp giningamb rek, kuyip kunep giningamb. Biynimb Gor biyn bi suñ-tep nuk bap niñiy, Gor biynimb suñ-tep nuk angyi diningambay ak, tep yimb giningambay ak mey; Gor biynimb suñ-tep nuk ak direp giningamb rek, kuyip kunep giningamb.

⁴² Pen biynimb yip yikop yimb bap niñiy, Jiysis ker mindip angyi ñing marik giningambay gok; Gor niñek tep gek, pen sakiy ma giningamb.”

11

*Jon Binuk Gunap Angyokek Jiysis Nup Niñning
Wiyak
(Luk 7:18-35)*

¹ Jiysis binuk onep wimınǵan ak kuyip, kun kun giy ginimimb anǵiy anǵñirep giy, miñmon kun ak kirgiy, dawin yep mañ kun okok amiy, biynimb gok kuyip minim anǵñak.

² Pen Jon bi ñıñǵ pikñemb ak kalambis mindiy, Krays yerer gak minim ak niñiy, binuk gunap anǵyokek Jiysis mindek ak amiy,

³ nup anǵniñiy anǵyak, “Nand mey bi kiyn yomb key yimb anǵiy per kond mindpun ak nep opan akan, bi kisenimb kun ak key kond mindonjun?”

⁴ Anǵeyak Jiysis kuyip anǵak, “Nimb Jon mindip amiy anǵnimimb, ‘Chin amiy niñbun:

⁵ bi kun ak biynimb windin koy gip gok gamb windin niñbay. Biynimb timund miñǵan pil gip gok gamb gos niñbay. Biynimb tomb timey gip gok gamb kinjeñ tañǵrep gipay. Biynimb soy ayndik ayip gok gamb milip gip. Biynimb kumbay gok gamb tip tikjapay. Biynimb sim-bgeprek gok kunep Gor minim tep ak anǵek niñbay anǵnimimb.’

⁶ Pen minim bap anǵnimimb, ‘Biynimb yip gosimb niñiy, gosow gosow ma niñbay gok, miñmiñ yimb giniñgiy anǵnimimb anǵak.’ ”

⁷ Kun anǵek, Jon binuk gok amniyakniñ, Jiysis biynimb ap mindeyak gok kuyip, Jon minim ar ak anǵiy anǵak, “Nimb nind miñmon nep namb okok amnimbik ñin ak, yerip giniñǵ ambik? Sund par nokom bap yinǵen diy, dand amiy apiy gek niñniñǵ ambik?”

⁸ Akan yenen ambik? Bi chech teprep nep aypay gok niñniñǵ ambik? Bi chech teprep dun

angiy ninbay gok, biyomb korip kilrimey okok kinbay.

⁹ Pen tap yerip ak ninning ambik? Yikop ma ambik. Jon bi Gor minim anjep ak ninning ambik. Bi Gor minim anjep winingamb angyi kond mindyngipim mey, bi kun ak.

¹⁰ Nup angyi Baybol buk ak tikiy angyak:

‘Bi minim anjep yand ak anjen nind amiy, biynimb gok anjep gek, kisen Niyand ak anjen ninngamb angyi tikyak.’

¹¹ Nimbip aspiyn: Jon biynimb man ar biy, mangysek wiyniym gip ak pen; Gor biynimb yikop yimb diy kond mindeningamb gok, Jon rek ma mindeningambay; Gor biynimb tep nuk yimb gok mindeningambay.

¹² Jon bi ning piknemb ap minim tep angnak nin ak tikiy, biynimb gok Gor chinup diy kond mindonimuj angyi, kilis gi dand apiy, miñiy kunep kilisrimey yimb gipay.

¹³ “Mosis low minim tikak ak sek, bi Gor minim anjep gunap minim tikyak ak sek kiñij ak mey, Gor Kiyñ yomb key yimb ak nup yokek, nuk biynimb gok kuyip diy kond mindeningamb. Minim kun ak ang dand apey apey mey, Jon owak.

¹⁴ Pen minim angning gispiyn ak dinngambim akan ma ninbiyn. Gor Jon nup anjek ap biynimb gok kuyip minim angnak ak; Baybol buk ak tikiy giningamb angyak rek nep gak. Tikiy angyak,

‘Bi Gor minim anjep Yilayja rek bap nind apek; bi kiññ yomb key yimb ak kisen winingamb angyak.’

15 Nimb biynimb gos timund sek gok, minim kun ak niɲnimimb.

16 “Biynimb miɲiy ɲin biy mindpay gok yand niɲbiyn: kiyk ɲapan ɲaɲ gunap, ɲapan ɲaɲ gunap kuyip apay rek ak mindpay.

17 ɲapan ɲaɲ gunap meɲɲ miɲgan dand araniy apay, ‘Chin akil puɲgon, nimb yenen kamep ma apim? Kamep siy aɲgep rek ak aɲgon, nimb yenen siy ma apim apay?’

18 Kun ak rek Gor Jon nup yokek apiy, ɲin gunap tap ma ɲimbdiy, ɲiɲɲ wayn ak ma yimb ɲimbdiy gek aɲgyak, ‘Bi kun biy nup tap yerip ak ambaɲ ayek kun gip aɲgyak.’

19 Bi bap ɲinuk pen apek apay, ‘Bi tap yomb ɲimbdiy, ɲiɲɲ wayn kuɲay ɲimbdiy, bi takes dipay gok yip, bi tap siy tap timey gipay gok yip taɲgip apay.’ Apay kun ak, biynimb gosimb ma mindip gok rek apay aɲgak.”

Minim Yomb Diniɲgambay (Luk 10:13-15)

20-21 Jiysis miɲmon yomb gunap nind giraɲgiy, tap mageprek gek niɲyak ak pen; yenen tap siy tap timey gipun aɲgiy, nup chiɲgiy mindrep ma giyak. Kun gey, Jiysis kuyip kuɲay yimb aɲgiy aɲgak, “Korasin biynimb gok diy, Betsayda biynimb gok diy tap mageprek gok gen niɲiy kirpay rek, minim yomb yimb diniɲgambay. Taya biynimb gok sek, Saydon biynimb gok sek kuyip tap mageprek kun gok nind rek gembiniɲ niɲiy, chech bek band rek gunap yimiy, tun maɲgiysek giy mindembiyap.

22 Kun ak kor yomb ñin ak, Taya biynimb sek, Saydon biynimb sek minim sikoy rek diniŋgambay; Korasin biynimb gok sek, Bet-sayda biynimb gok sek minim yomb yimb ak diniŋgambay.

23 “Pen ñin kun ak Kapaniyam biynimb gok, semb biyoŋ ma amniŋgambay; pisnep mon key yinjap kaw miŋgan ak amniŋgambay. Sodom biynimb, nimb timey yimb gipim rek ma giyak ak pen, kuyip mon yinak. Nimbik tap mageprek gok gen niŋbik ak pen, Gor nup gosimb ak ma niŋbim.

24 Ar kun ak yand nimbip niŋind yimb aspiyn: kor yomb ñin ak apek, Sodom biynimb gok minim sikoy rek diniŋgambay; nimb Kapaniyam biynimb gok, minim yomb yimb ak diniŋgambim aŋgak.”

*Yand Bapiy Nup Niŋbiyn, Nuk Yip Niŋimb
(Luk 10:21-22)*

25-26 Ñin kun ak Jiysis Nop nup aŋgak, “Bapiy nand Biyomb. Semb biyoŋ sek, man biy sek kond mindpan ak, gos nand key niŋey tep gip rek, biynimb gos tipaŋgiy niŋbun apay gok kuyip kirgiy, biynimb ñapan ŋaŋ rek mindpay gok kuyip gos tep ñimban ak, nip tep aspiyn aŋgak.”

27 Kun aŋgiy aŋgak, “Bapiy kilis nuk mindip rek, yip ñimb. Biynimb gunap yip ma niŋrep gipay; Bapiy nep yip niŋimb. Yand nep Bapiy nup niŋrep gipiyn. Pen biynimb gos tep ñiyn aŋgiy niŋbiyn gok, gos tep ñen, nup niŋbay aŋgak.”

28 Kun aŋgiy aŋgak, “Nimb biynimb mindrep ma giy kosyam mindpim gok maŋgiysek, yip ker apem, gen kapkap mindrep giniŋgambim.

²⁹ Yand bi sayn tep kapkap mindpiyn rek, yand yip nep tanġiy miñ yand ak niñrep giy mey, mind tep giniñgambim.

³⁰ Minim yip niñiy yand yip tangem mey, nim-bip miker per gip rek ma giniñgamb anġak.”

12

Jiwda Lotiw Ñin Ak, Wiyt Mañġiy Tik Ñiñyak (Mak 2:23-28; Luk 6:1-5)

¹ Jiwda lotiw ñin ak, Jiysis binuk gok yip wiyt wong namb ak amyiñg, binuk gok yiwan gek, wiyt mañġiy kun gok gunap diy, wak pikyokiy ñimbyiñg ñimbyiñg amniyak.

² Kun geyak, bi Peresiy gok niñiy, Jiysis nup anġyak, “Binak gok yenen lotiw ñin wong magep biy, wiyt mañġiy tik wak pikyoksipay anġyak.”

³ Anġeyak kuyip anġak, “Depiyt wosrey binuk gok yip yiwan gek,

⁴ Gor anġniñep korip ak amjakiy, biret Gor windin yirik ar ak ay, bi yikop ma ñimbay: bi Gor nup simbonġipay gok nep ñimbay biret ak kuyip anġniñek nup ñey, binuk gok yip ñiñyak. Pen yiwan gek giyak kesim kun ak, Baybol buk biyañ tikyak ak nimb ma niñbim?

⁵ “Nimb Mosis Baybol buk tikak ak ma niñbim rek ayip. Nuk tikiy anġak, ‘Bi Gor nup tap simbonġep gok, lotiw ñin ak Gor anġniñep korip ak mindiy, niñind wong gipay anġak.’

⁶ Pen lotiw korip kun ak tap yikop: Bi bap Ñinuk ap mindip biy Biyomb yimb.

⁷ Pen minim bap Baybol buk tikyak ak, niñrep ma gipim rek ayip. Minim kun ak tikiy anġyak,

‘Biyimb yip tap simbonḡ ñimbay ak, tep ma gip; biynimb gok kuyip simb niḡbay ak yip tep gip anḡyak.’ Minim kun ak niḡiy ma gipim ak mey, bi yand gok mindrep giyakniḡ, kuyip anḡ gipik.

⁸ ‘Lotiw ñin Lotiw ñin’ apim ak, Bi bap Ñinuk nep kond mindip anḡiy niḡnimimb ak pen, gos kun ak ma niḡbim anḡak.”

*Jiysis Bi Ñin Pipich Gak Ak Gek Suḡ Ayak
(Mak 3:1-6; Luk 6:6-11)*

⁹ Jiysis miñmon kun ak kirgiy, miñmon bap amiy, Jiwda nan-gep korip miḡḡan ak amnak.

¹⁰ Pen korip miḡḡan kun ak bi ñin pipich gak bap mindek. Biynimb ap mindeyak gok, Jiysis minim gunap anḡek nup dand kor amnun anḡiy, nup anḡyak, “Lotiw ñin ak, biynimb suḡ ayan anḡiy gep akan mer?”

¹¹ Anḡeyak, Jiysis kuyip anḡak, “Kanj siypsiyp nimb bap lotiw ñin ak kaw miḡḡan ameniḡḡamb, yinḡpaḡ yokniḡḡambim akan mer? Yinḡpaḡ yoknimimb rek ayip.

¹² Pen kanj siypsiyp ak tap yikop. Biynimb ak tap yimb. Lotiw ñin gok suḡ ayan anḡiy giniḡḡambun ak, minim ma mindip anḡak.”

¹³ Jiysis kun anḡiy, bi ñin pipich gak ak nup anḡak, “Ñin almil ayan!” Anḡek, ñin almil aysipiyn anḡak, pisnep suḡ ayak.

¹⁴ Kun gek niḡiy, bi Peresiy gok am nan-giy anḡyak, “Nup kun kun giy pikayjun anḡiy, minim kapkap anḡayrep giyak.”

Jiysis, Gor Bi Woḡḡ Giñemb Nuk Yimb

15 Kun angeyak niñiy, nuk miñmon kun ak kirgiy, wikan gunap amning sanđakniñ, biynimb kunaynep kisen giyak. Kun geyak, nuk biynimb tap gak gok gek suñ ayakniñ,

16 kuyip angak, “Bi ak kun kun gip angyiy, ma angnimimb angak.”

17 Jiysis gak kun ak, bi Gor minim anjep Asaya giniñgamb angak rek nep gak. Nuk tikiy angak:

18 “Bi yand pisnep yin dipiyn biy, wong yip giñimb. Bi kun ak yip niñen tep yimb gip. Kawnan yand ak nup bak ayek, minim tep yip ak biynimb miñmon keykey mañgiysek angniniñgamb.

19 Pen nup miluk yapek minim yomb yimb ma angniniñgamb. Biynimb mindpay okok yip nep niñniñgiy angyiy, menñ miñgan dand araniy ma angniniñgamb.

20 Biynimb ma niñbay gok kuyip kapkap angrep giniñgamb. Lam sungniniñg gek, kalasin panğey yin nep mindip rek ak kuyip angniniñgamb. Nuk kun giy gi dand amiy, Gor anğip rek pis ak araneke; tap siy tap timey gep pis ak pisnep apyowniñgamb.

21 Biynimb miñmon okok nimb gok kunep, nup gos sek kond mindeniñgambay angak.”

*Jiysis Nup Belsiybul Kilis Dip Angyak
(Mak 3:20-30; Luk 11:14-23; Luk 12:10)*

22 Bi kichekiy ambañ ayek, windin koy giy minim ma angyiñgip bap dand apeyak; Jiysis kichekiy ak anğ mis yokek; windin yimb niñiy, minim angyiy gak.

23 Biynimb mindeyak gok, gak kun ak ninjiy, wal angyiy angyak, “Bi kun biy basind Depiyt Ñinuk per kond mindpun ak rek ayip angyak.”

24 Pen bi Peresiy gok minim kun ak ninjiy, gos kiyk okok nep ninjiy angyak, “Bi kun ak Gor nup angninjiy ma angyokip; nuk kichekiy malñiluk tap gok nop kiyk Belsiybul kilis ak diy angyokip angyak.”

25-26 Pen gos ninjak kun ak Jiysis key ninjiy, kuyip angak, “Seytan tikjakiy, biynimb nuk gunap angyokningamb ak; yergiy biyomb mindeningamb? Miñmon bap penpen angyiy asik keykey ayningambay ak; apyap pikningambay. Miñmon yomb bap akan biynimb kiñin nokom bap, penpen angyiy asik keykey ayningambay ak; apyap pikningambay. Nimb kun ak rek aspim ak pen; Seytan layn nuk key gok kuyip ma angyokningamb.

27 “Yip kichekiy malñiluk tap okok nop kiyk Belsiybul kilis ak diy angyokip apim ak pen; yip angem ninjin: biynimb nimb gok key Belsiybul kilis ak diy angyokpay? Kiyk key nimbip angningambay, ‘Biynimb bap kun giningiy rek ma ayip angningambay.’

28 “Pen Gor Kawnan ak yip kilis ñek angyokpiyn ak, yenen Gor binuk biynimb diy kond mindeningamb ak wip biy angyiy ma ninbim.

29 “Bi kalrimey bap mindek, tap nup gok dining, yikop ma ambay. Nup miñ tiwning ay nep, am tap nup gok dipay.

30 “Biynimb yip ker mindpay gok, biynimb gok kuyip dand yip ker opay. Biynimb yand mer gok,

biynimb yip ker winiņg gipay gok kuyip yuk dam yokpay.

³¹ Kun ak nimb niņrep ginimimb. Biynimb gok tap timey geniņgambay akaņ, Gor nup minim deniņgambay, nuk niņiy kirginimuņ rek ayip; pen Gor Kawnan ak nup minim dey; kuyip niņiy kirginimuņ rek ma ayip.

³² Bi bap Ñinuk ak nup minim timey aņgeniņgambay, Gor niņiy kirginiņgamb. Pen Gor Kawnan ak nup minim timey aņgeniņgambay; ñin biy kunep, ñin kisen ak kunep niņiy kirginimuņ rek ma ayniņgamb.

*Minim Key Apim Ar Ak Nimbip Kor Giniņgamb
(Luk 6:43-45)*

³³ “Yip yenen, ‘Seytan ambaņ ayek, woņg tep ak gip apim?’ Mon tep gok maņgiy timey ma piyip; mon timey gok maņgiy tep ma piyip.

³⁴ Pen nimb siyņ saraw ñapan tikpay gok mey kun apim. Nimb biynimb timey kun ak rek, yergiy minim tep aņgniņgambim? Biynimb minim apay rek niņiy gos yerip niņbay ak, niņniņgambun.

³⁵ Biynimb tep gok gos tep niņiy mey, tep gipay; biynimb timey gok, gos timey niņiy mey, timey gipay.

³⁶ Niņrep ginimimb. Kisen kor yomb ñin ak, Gor biynimb gok kuyip maņgiysek minim monmon aņgiy akaņ, timey aņgiy giyak rek, yenen kun gipik aņgiy, kuyip aņgniņniņgamb.

³⁷ Kun ak minim aņgniņgambim rek niņiy, biynimb gok suņ-tep, biynimb gok yiwur dep aņgniņgamb.”

*Tap Mageprek Gey Niñun Anğyak
(Mak 8:12; Luk 11:29-32)*

³⁸ Bi low minim niñep gok sek, bi Peresiy gok sek ap Jiysis nup anğyak, “Tiysa! Tap mageprek bap gey, chin niñiy mey, nip Gor nep yokek wip anğniñgambun anğyak.”

³⁹ Anğeyak anğak, “Nimb biynimb tap siy tap timey nep gipim. Tap mageprek bap gey niñun apim ak pen; nimbip tap bap gen ma niñniñgambim. Bi Gor minim anğep Jona nup gak ar ak nep yip gek, niñniñg niñniñgambim.

⁴⁰ Wosrey piys yomb ak Jona nup kal ayek, kongiy namb akyañ ñin omiñal nokom mindiy, andkind owak. Kun ak rek, yand kunep ñin omiñal nokom man namb okok mindiy, andkind winiñgayn.

⁴¹ Wosrey Jona am Niyniypa biynimb kuyip anğek, tap siy tap timey giyak gok kasek kirgiy, Gor nup gosimb niñyak. Jona bi yikop ak anğek niñyak; nimb pen biyomb yimb miñiy mindip biy, minim anğip ak ma dipim. Kun ak kor yomb ñin ak, miker yomb yimb diniñgambim.

⁴² “Biyn Kiwiyn yomb, miñmon Siyba nimb ak, wosrey gak rek ak niñbim. Miñmon nuk par okok nimb ak pen, Jiwda kiyn yomb Solomon minim nup ak niñniñg owak. Solomon bi yikop ak nup kun gak; pen yenen biyomb miñiy mindip biy minim anğip ak ma niñbim. Kun ak kor yomb ñin ak, minim yomb diniñgambim anğak.”

*Gor Nup Deniñgambim Kichekiy Tap Gok Tip
Kiyk Ma Mindeniñgamb
(Luk 11:24-26)*

43 “Seytan layn nuk kichekiy tap gok bap biynimb aban ay mindiy, mis amiy, biynimb gunap kuyip aban ayin angyi, niñrang mer ninjiy,

44 andkind apiy niñningamb: bi nind kiring amningamb ak, Gor Kawnan ak yip ma mindeningamb; tip teprep ak nep mindeningamb.

45 Nuk ninjiy, bi timey nuk rek mer, timey yimb onep ar ak ponind apeningamb, bi kun ak nup molik sikningambay. Kun gey, nind tep tep mindek rek mer; kisen pisnep mind timey yimb giningamb. Kun ak rek mey, biynimb ñin namb biy mindiy, alemb alemb ñi mindpay gok.”

*Jiysis Nonim Numam Sikop
(Mak 3:31-35; Luk 8:19-21)*

46 Jiysis biynimb gok kuyip minim angakniñ, nonim numam nuk yimb gok mis biyan apiy angyak, “Chin Jiysis nup minim anging aswun.”

47 Angeyak bi bap korip miñgan amiy, nup angak, “Nanim namam nak gok, nip minim anging ap mindpay mis biyan angak.”

48-49 Angek biynimb nuk yip korip miñgan biyan mindeyak gok kuyip niñkus giy angak, “Niñind apan ak pen, biynimb korip miñgan mindpay guniy kunep amiy yand, mam yand gok nep mindpay.

50 Biynimb Bapiy yomb semb biyon angip rek niñbay gok, amiy, mam, ay yand gok nep mindpay angak.”

13

Jiysis, Gor Minim Niñrep Giyan Anġiy Paydoñ Ayak

(Mak 4:1-9; Luk 8:4-8)

¹ Ñin kun ak, Jiysis korip kun ak kirgiy am Galiyliy chemb gol ak bisgiy minim anġniñing gek,

²⁻³ biynimb kuñay yimb nep ap nup piñiy kus kus geyak, nuk am bot ar ak bisgiy, am ñiñg namb sinjbindoñ mindyñg; kuyip minim paydoñ ayiñg anġñak.

Anġniyiñg anġak, “Bi bap wiyt jakan anġiy, wiyt mañgiy ak dam wonġday okok yokek,

⁴ gunap kinjeñ kosemb ar ak yapek, yakir gok apiy ñiñningambay.

⁵ Gunap kamb ar man siskoy ayningamb okok yapiy kasek gup giningamb ak pen, kindiy am wos ma giningamb rek,

⁶ pumb niñiy milip giyowningamb.

⁷ Pen gunap kikasik dindbiliñ namb okok yapiy jakningamb ak pen, miñ kun ak saw giy pikñimbek, milip giningamb.

⁸ Pen gunap lum teprep ar okok yapiy, jak tep yimb giy, mañgiy kuñay yimb nep piyningamb. Gunap ñin jiwiy rek piyningamb; gunap ñin jiwiy omiñal rek piyningamb; gunap ñin jiwiy kaw bap rek piyningamb anġak.”

⁹ Jiysis kun anġiy anġak, “Nimb biynimb gos timund sek mindenimimb gok, minim aspiyn biy niñnimimb anġak.”

*Yenen Minim Paydon Ay Angyingip
(Mak 4:10-12; Luk 8:9-10)*

¹⁰ Jiysis kun angek, binuk gok apiy, nup angnijiy angyak, “Biynimb gok kuyip, yenen minim paydon ay nep apan?”

¹¹ Angeyak angak, “Gor biynimb nuk diy kond mindeningamb minim weygiy mindyingip ak, nimbip gos ñek niñningambim; pen biynimb yikop gok ma niñningambay.

¹² Biynimb minim yip niñiy dipay gok minim gunap sek niñiy, junj ak niñrep giningambay; pen biynimb minim yip niñiy ma dipay gok, minim sikoy niñbay ak pisnep kurginingamb.

¹³ Kuyip minim paydon ay apiyn ak; kiyk windin sek, gos timund sek ak pen, angyip mey ak angyi, ma niñbay.

¹⁴ “Gipay kun ak, bi Gor minim angep Asaya nind giningamb angyi tikak rek nep gipay. Minim kun ak tikiy angak:

‘Minim niñningambay ak pen, minim angyip kun angyi ma niñningambay. Windin niñningambay ak pen, tap bap ma niñningambay.

¹⁵ Biynimb guniy minim yand apiyn ak kuyip yiruk gek ma yimb niñbay. Gor minim niñon chinup gek biynimb nuk mindenjun rek ayip angyi, timund pilgiy, windin jukiy nep mindpay angak.’

¹⁶⁻¹⁷ “Kun ak kiyk ma niñbay; Gor nimbip gos tep ñek niñbim ak, miñmiñ ginimimb. Biynimb Gor nup chingyak gok sek, minim nup angep gok sek kunaynep Kiyñ yomb key yimb ak nup niñun

anğyınğipay ak pen, yip ma niñiy, minim yip ma niñiy giyak. Miñiy nimb minim yip niñiy, yip niñiy gispim ak, miñmiñ ginimimb.

Jiysis Tap Yin Paydon Ay Angak Ak Misen Angñak

¹⁸ “Pen minim paydon ay anğambiyn junj ak nimbip angen niñim.

¹⁹ Wiyt mañgiy gunap kinjeñ kosemb ar ak yapeniğamb, yakir gok ñimbdiniğambay apiyn ak; biynimb gok, Gor biynimb diy kond min-deniğamb minim tep ak niñning gey, Seytan gek sakiy giniğambay anğiy apiyn.

²⁰⁻²¹ “Pen mañgiy gunap kamb ar man siskoy ayniğamb okok yapiy, kasek gup giniğamb ak pen kindiy am wos ma gek, pumb niñiy milip giniğamb apiyn ak; biynimb gok minim yip ak kisen niñningambay won ak niñiy miñmiñ giniğambay ak pen; won ak sakiy giy gos ar gunap niñningambay anğiy apiyn.

²² Mañgiy gunap yowniğamb kikasik dindbilin namb okok apiyn ak; minim yip ak niñningambay ak pen; wonğ wariy, korip kanj, tiw minan, maniy tap gok nep gos niñiy; Gor minim tep ak kirginiğambay anğiy apiyn.

²³ Pen mañgiy gunap man tep ar ak yapiy, jak tep giy, mañgiy kuñay piyniğamb apiyn ak; biynimb gok minim yip ak niñiy, yip chingrep yimb giniğambay. Gunap mindrep giniğambay, gunap mindrep yimb giniğambay, gunap mindrep giy ar kun ak key yimb giniğambay anğiy apiyn anğak.”

Biyimb Yikop Gok, Gor Biynimb Nuk Gok Yip Wilikiy Mindpay

²⁴ Jiysis kuyip minim bap sek paydon ay angak, “Gor biynimb diy kond mindeningamb ak kesim dispiyn biy rek giningamb. Biyomb bap wiyt mangiy gok jakaŋ angiy, dam wonḡday nuk okok yokningamb.

²⁵ Pen kisyim biyaŋ kin amningambay won ak, bi timey bap tap yin timey gunap dand apiy, namb kun okok yokiy amningamb.

²⁶ Pen wiyt yin tep gok jakakniŋ, tap yin timey gok sesek jakniŋamb.

²⁷ Kun gek, bi wonḡ giñemb gok apiy anḡningambay, ‘Biyomb! Tap yin tep gok nep dam wonḡday ak yokpan; tap yin timey gok yergiy namb kun okok sesek jaksap?’

²⁸ Anḡey kuyip anḡningamb, ‘Bi yip miluk niñimb bap dap yokip.’ Anḡek anḡningambay, ‘Chin am tap yin timey jakip kun gok tunḡjiw yokjun akan?’ Anḡey bi wonḡday nop nimb ak anḡningamb,

²⁹⁻³⁰ ‘Mer! Ñin biy, tap yin timey kun gok tunḡjiwim anḡen, am tap yin tep gunap sek tunḡjiwnimimb rek ayip ak, kirmem omiŋal giy jaknimuŋ. Pen jakiy mangiy piy, dep ñin ak apek ker, bi yand gok anḡen, tap timey gok tunḡjiwiy, dam mon danḡiyey yin simbok amek; wiyt mangiy gok nep di nan-giy, dam korip miŋgan yip ak yokningambay anḡningamb.’ ”

*Jiysis Mon Mastet Yin Ak Paydon Ay Angak
(Mak 4:30-34; Luk 13:18-21)*

31-32 Jiysis kuyip minim bap pen paydoŋ ay aŋgak, “Bi bap mon mastet yin ak dam wonŋday nuk ak yokningamb. Mon yin kun ak mangiy sikoy ak pen; jak yomb giy, alik tep ak pikek, yakir gok ap alik keykey korip giningambay. Kun ak rek mey, Gor biynimb diy kond mindeningamb minim tep ak aŋgak.”

Jiysis Yiys Minim Ak Paydoŋ Ay Aŋgak

33 Minim bap pen paydoŋ ay aŋgak, “Biyn gok tap yiys ak di pilaw sek tungandik mandik giy daŋgiyey yin yomb yimb tanimb. Kun ak rek mey, Gor biynimb diy kond mindeningamb minim tep ak aŋgak.”

Jiysis Biynimb Gok Kuyip Minim Paydoŋ Ay Nep Aŋgñak

34 Jiysis biynimb gok kuyip minim guniy aŋgñining misen ma aŋgyingip; paydoŋ ay nep kuyip aŋgñiyingip.

35 Gak kun ak, bi Gor minim aŋgep bap nind giningamb aŋgiy tikak rek nep gak. Nuk minim kun ak tikiy aŋgak:

“Miñmon alwol gayak ñin ak tikiy mind dand apiy miñiy mindpun ñin biy, minim ma niŋyak ak; kuyip paydoŋ ay aŋgñiningayn aŋgak.”

Jiysis Kuyip Tap Yin Rek Paydoŋ Ayak Minim Kiñiŋ Ak Aŋgñak

36 Jiysis biynimb gok kuyip kun aŋgiy, korip miŋgan amnakniŋ, binuk onep wimiŋgan gok apiy nup aŋyak, “Tap yin timey wonŋday namb okok jakip aŋgiy paydoŋ ay apan ak, chinup aŋgey niŋun aŋyak.”

³⁷ Anǵeyak anǵak, “Bi tap yin tep wonǵday okok yokip apiyn ak, Bi bap Ñinuk.

³⁸⁻³⁹ Wonǵday apiyn ak, mankumb biy maǵiysek. Tap yin tep apiyn gok, Gor biynimb diy kond mindeniǵamb gok. Bi tap yin timey dap yokek jakak apiyn ak, bi yip miluk niǵimb Seytan nup apiyn. Tap yin timey jakip gok, Seytan biynimb nuk gok kuyip apiyn. Pen wiyt maǵiy pik giniǵamb ñin apiyn ak, ñin kisen ak apiyn. Bi tik dand owep apiyn ak enjol gok kuyip apiyn.

⁴⁰ Tap monmon jakip gok tunǵjiw di mon yinjap yokniǵambay apiyn ak:

⁴¹ Bi bap Ñinuk enjol gok kuyip anǵek, am biynimb Gor biynimb nuk gok yip yinǵonǵ giy mindyǵ, key timey gipay rek, biynimb gunap kuyip gey timey gipay ak,

⁴² anǵ mon sinǵrimey yinimb ak yokey, yiwur gakniǵ, meǵ siwbirikiy siy anǵniǵambay anǵiy apiyn.

⁴³ Ñin kun ak Gor biynimb suǵ-tep nuk gok nuk yip mindiy, mindrep giy, sup melik pik mindeniǵambay. Nimb biynimb gos timund sek gok, minim kun ak niǵnimimb.

Gos Nokom Niǵiy Gem Amnimun

⁴⁴ “Pen Gor biynimb diy kond mindeniǵamb gok, kesim ar biy rek mindip. Bi bap amiy niǵniǵamb, maniy kes wosrey weygiyak bap mindeniǵamb. Nuk niǵiy tap gunap di aybirik tep giy korip amiy, tap nuk gok maǵiysek monmon yokiy maniy diy, maniy kun ak dand amiy

tip wikan kun ak tawiy, am maniy kes kun ak dinĩngamb.

⁴⁵⁻⁴⁶ “Bi sikyim gep gok kunep kumbap piyow ninrangiy kumbap milip yimb bap niniy korip amiy, tap kiyk gok maŋgiysek yokiy maniy diy, am kumbap kun ak tawningambay.

Jiysis Wimben Minim Ak Paydonj Ay Angak

⁴⁷ “Gor biynimb diy kond mindeningamb ak; bap mey kesim ar angning gispiyn biy rek. Biynimb gunap wimben dand amiy, ñing maŋgiy chemb ak yokey, piys kuŋaynep apiy miŋgan kun ak ambay.

⁴⁸ Kun gey wimben ak lipiŋg dand gol okok amiy, piys tep gok yipruŋg piys ayep baket miŋgan ak ay, piys timey gok diyokpay.

⁴⁹ Ñin kisen ak kun ak rek giniŋgamb. Gor enjol nuk gok angyokek apiy, biynimb suŋ-tep gok key ay, biynimb tap siy tap timey gipay gok key ay,

⁵⁰ dam mon yinjap ak yokeningambay; meŋg siwbirikiy, siy ang mindeningambay angak.”

⁵¹ Kun angiy angak, “Minim aspiyn gok niŋbim?”

Angek, binuk gok, “Yaw. Niŋbun angyak.”

⁵² Angeyak angak, “Basind sikop Gor minim angyingipay ak niniy, Gor biynimb diy kond mindeningamb minim yand apiyn ak niniy gipim ak mey, biynimb gunap angñining; minim tep nindimb ak sek, kisenimb ak sek angñiningambim angak.”

*Nasaret Biynimb Jiysis Nup Ma Diyak
(Mak 6:1-6; Luk 4:16-30)*

⁵³ Pen Jiysis paydon ay minim angak kun gok anjjiwi, miñmon nuk amiy,

⁵⁴ Jiwda nan-gep korip ak amiy biynimb gok kuyip minim angn̄ek niñiy, wal yimb angyak. Kisen pen angyak,

⁵⁵⁻⁵⁶ “Bi kun biy nop nonim, numam nunay nuk gok, chin yip mindpay ak, nuk yergiy biyomb rek mindiy, minim key angyi, tap mageprek gok gisap. Nop nuk ak bi kapenda; nonim Mariya; numam nuk gok; Jemis ak, Josep ak, Saymon ak, Jiwdas ak. Kun ak nuk yergiy ap kun asap?”

⁵⁷ Kun angyi, nup miluk niñyak.

Pen Jiysis kuyip angak, “Bi Gor minim angep gok biynimb miñmon par okok amiy angey, niñind apay angyi niñbay ak pen korip miñmon kiyk key ak angey, yesek apay angyi kirpay rek ak nimb gispim angak.”

⁵⁸ Minim angak ak ma niñeyak, miñmon kun ak tap mageprek tapin ginimun rek ma ayak.

14

Jon Bi Ñiñg Pikñemb Ak Kumak (Mak 6:14-29; Luk 3:19-20; 9:7-9)

¹ Pen gapman biyomb miñmon Galiyliy kond mindep Herot, Jiysis nuk yerer gak minim ak niñiy,

² am binuk gok kuyip angak, “Jiysis tap mageprek gip ak, nuk bi bap key mer; nuk Jon bi ñiñg pikñemb anep. Nup pikaynik ak pen; tip ak tikjakiy ap mindip rek, niñind tap mageprek kun gok gisap angak.”

3-5 Pen Jon nup kalambis ay, pikyak minim kiñiñ ak kun giy mindip: Herot nuk tikjakiy numam Piyliyp biyn nup ak di gek, Jon angak, “Ak girep ma gip.” Kun angek nup sen tiwningiy, dam kalambis ay, pisnep pikayen kuman angyi gos niñak ak pen; biynimb gok Jon nup bi Gor minim angep chin angyak rek, pirikiy kirgak.

6 Pen kisen Herot nup nonim tikak ñin ak apek, biynimb kuñaynep ap nan-giy patiy geyak, Herodiyas panuk ak, ap namb kun ak deniys gek, Herot niñek tep yimb gak.

7 Kun gek, nuk pañ kun anup minim angay angak, “Yand niñind aspiyn. Nak tap bap angnineningamban; monmon ñiningayn angak.”

8 Angek, pañ kun ak, nonim angak rek niñiy angak, “Jon bi ñiñg pikñemb jun won ak piler ar ay, dap ñinimin angak.”

9-10 Kun angek Herot niñek simb gak ak pen; biynimb gok niñmindyakniñ, pañ kun anup miseñ minim angay, “Tap bap angnineningamban monmon ñiningayn angak” rek niñiy, bi gunap angyokek, Jon kalambis mindek ak amiy, jun won nup ak timbrikiy,

11 di piler ar ak ay dapiy pañ kun ak nup ñeyak, nuk pen dand amiy, nonim nup yomek niñiy, ak niñind apay angyi niñak.

12 Pen Jon nup kun giy kuñam timbrikeyak, binuk gok apiy, nup dam komiy, am Jiysis nup angniyak.

*Jiysis Payp Tawsin Biynimb Ak Tap Ñek Ñiñyak
(Mak 6:31-34; Luk 9:10-17; Jon 6:1-13)*

13 Jiysis minim kun ak ninjiy, am miñmon wikan bap key minden anjiy bot diy, miñmon kun ak kirgiy sanđak. Pen biynimb gok, Jiysis amnakniñ kisen amnun anjiy, miñmon kiyk gok kirgiy, lum ar amiy, Jiysis amniñg gek okok amniyak.

14 Jiysis amjakiy bot ak kirgiy gol okok apiy niñak: biynimb kuñaynep mindeyak. Kuyip niñek simb gek, biynimb tap gak gok gek, suñ ayak.

15 Pen dungek wakniñ, binuk gok mindek ak apiy nup angyak, “Kisyim asaw. Akniy miñmon nep namb ak; biynimb kuñaynep guniy angey, korip namb akniy amiy, keñmanjiy kiyk gunap tawiy ñinjan angyak.”

16 Kun angeyak kuyip angak, “Nimb kuyip tap keñmanjiy ñinimb angak.”

17 Angek angyak, “Chin tap keñmanjiy kuñay ma mindip; yikop biret onep mamind ak, piys omiñal sek mindip angyak.”

18 Angeyak Jiysis angak, “Tap kun gok dand wim.”

19 Kun anjiy, biynimb gok kuyip angek, tap kaskas ar okok bis giyakniñ, biret kamb ak diy, piys omiñal ak diy, kuyonjiy ninjiy, Gor nup tep anjiy, biret ak tipanjiy binuk gok kuyip ñakniñ, kiyk diyiñg biynimb gok kuyip bilok ñiyak. Piys ak kunep giyak.

20 Kun giy bilok ñeyak, ñimb gey gey tapin ayek day day kirgiyak gok, binuk gok wand onep wimiñgan ak di yinğey pisnep arachakak.

21 Biynimb tap ñinjak kun ak, biyn gok sek, ñapan sikoy gok sek mer; bi gok nep mey, payp tawsin rek amnak.

*Jiysis Ñing Kas Ar Ak Tawind Wak
(Mak 6:45-52; Jon 6:15-21)*

²² Jiysis binuk gok kuyip pis bindoñ amniyan angyi, angek bot diy san diyakniñ, biynimb gok kuyip angyokiy,

²³ nuk key Gor nup angninñing, miñmon dum bap amnak. Dungek wakniñ, nuk dum kun ak asiy mindek.

²⁴ Pen binuk gok bot dand ñing namb yomb sinjak amniyakniñ, yingen yomb sikerek ak apiy, bot ak tungandikniñ rek gak.

²⁵ Won kun ak miñmon yowning gek ak mey, Jiysis ñing kas ar ak tawind apiy, mindeyak man sinjak apek niñiy,

²⁶ ak chip kawnan bap asaw angyi, jel pirikiy wal angyak.

²⁷ Jiysis pen kuyip angak, “Ma piriknimimb! Yand nep aswiyn angak.”

²⁸ Angek Piyta angak, “Biyomb! Nand nep apiy ker; yip angey, ñing kas ar ak tawind kayan ak niyn angak.”

²⁹⁻³⁰ Angek Jiysis angak, “Kun ak owan angak.”

Angek, Piyta bot ar ak kirgiy, ñing kas ar ak tawind Jiysis mindek sinjak amiy niñak: yingen yomb sikerek ak apiy, nup ñing namb akyan pongek yowning rek gek pirikiy, “Biyomb! Ak-ey angak.”

³¹ Kun angek, Jiysis kasek nup chichiy diy angak, “Yip gosimb niñban ak pen, yenen gos ominjal niñamban angak.”

³² Kun angyi, bot miñgan ak amnirikniñ, yingen yomb dek ak kirgak.

³³ Kun gek ninjy, binuk bot mingan biyan bising mindeyak gok, Jiysis nup lotiw giying angyak, “Nand Gor Ninuk yimb angyak!”

Genesaret Biynimb Tap Gak Gok Jiysis Gek Sunj Ayak

(Mak 6:53-56)

³⁴ Pen kiyk ñiñg tikiy miñmon Genesaret pis bindonj amjakeyak,

³⁵ biynimb kun gok Jiysis nep wip angyi, biynimb mañ kun okok mañgiysek suk angey, biynimb tap gak gok dand wiyak.

³⁶ Dand apiy, Jiysis nup nembnemb giying angyak, “Chinup yaw angey ker, biynimb tap gip guniy, chech nip gol okok nep diniñey sunj ayan angyak.” Angeyak yaw angek, biynimb nup diniñyak gok kuyip mañgiysek sunj ayak.

15

Peresiy Kay Nupis Nusind Sikop Angyinjipay Rek Kindik Giyingipay

(Mak 7:1-13)

¹ Pen ñin kun ak, bi Peresiy gunap, bi low tiysa gunap Jerusalem nimb apiy, Jiysis nup angyak,

² “Bi nand guniy, yenen apis basind sikop minim per ak kirgiy, ñin kiyk ñiñg ayokiy mer, yikop nep tap ñimbay?”

³ Angeyak Jiysis angak, “Nimb yenen Gor minim nup ak kirgiy, nimb key gipim rek giningiy aspi?”

⁴ Gor angak, ‘Nap nanim angnimiyr rek niñdinimimb! Pen ma niñdey, kuyip pikayniñgiy angak.’

5-7 Pen nimb minim kun ak yipund giy ma anjñimbim. Biynimb gunap nop nonim kuyip kirgining, ‘Bapiy amiy kuyip tap ñimbinup ak pen, maniy biy Gor nup ñiningambun rek kirsipun angey,’ nimb ninjiy, ‘Tep apay’ apim. Kun ak, yesek yimb apim. Biynimb nep minim anjaypay gok anjñiyiñg, Gor minim aspun apim. Nimb biynimb minim anep angrapim gok, Gor niñind yimb bi minim nup anjep Asaya nup gos ñek, minim tikiy angak:

8-9 ‘Biynimb guniy yip yesek nep Gor biyomb chin; chinup tep gip apay. Ak minim nep apay; yip gosimb ma niñbay. Gor minim tep ak anjñispun anjiy, minim kiyk key gok nep anjñimbay angak.’ ”

*Tap Biynimb Gek Gach Gip Gok
(Mak 7:14-23)*

10 Jiysis kun anjiy, biynimb mindeyak gok angek mañ siñak apeyak angak, “Minim anjning gispiyn ak niñrep ginimimb!

11 Biynimb gok tap monmon okok ñimbey, simbwur namb kuyip biyan amiy gach ma gip; namb kiyk biyan gos timey niñbay ak mey gach sek mindpay angak.”

12 Pen Jiysis binuk gok apiy nup angyak, “Bi Peresiy gok, minim apan ak niñey kuyip miluk yowip ak niñban?”

13 Angeyak angak, “Ak minim ma mindip. Bapiy semb biyon tap yiñ nuk ma yimimb gok junj sek piñijiw diyokniñgamb.

14 Bi kun gok windin koy! Bi windin koy bap, bi windin koy bap nup poñind dand amiy, ominjal giy kaw mingan ak apyap pikningayr angak.”

15 Jiysis kun angek, Piyta angak, “Minim kun giy paydon ay apan kiñin ak, chinup angñey ninun angak.”

16-17 Angek angak, “Kiyk ma ninbay rek, nimb kunep ma ninbim? Niñim! Tap yerip yerip monmon ñimbay gok, Gor niñek, minim ma mindip. Ak yikop ñimbiy, simb kiy yokpay.

18 Namb kiyk biyan gos timey ninbay ak gek mey, gach sek mindpay.

19 Gos kiyk key niñiy: biynimb pikay, biyn siy bi siy giy, tap okok siy diy, tom giy, biynimb angjiwiy gipay.

20 Gipay kun ak mey, Gor niñek timey yimb gip; pen tap ñinñing, ñin ñing ma ayokiy monmon ñimbay ak; Gor niñek minim ma mindip angak.”

Biyn Keynan Nimb Bap Jiysis Nup Pisnep Chingak

(Mak 7:24-30)

21 Jiysis miñmon Genesaret kun ak kirgiy, miñmon yomb Taya sek, Saydon sek amnak.

22 Am kun okok mindek, biyn Keynan nimb bap miñmon kun ak mindek ak apiy, Jiysis nup angak, “Biyomb. Depiyt Ñinuk! Yip simb niñnimin. Pañ yip ak kichekiy amban ayek, mindrep ma yimb gip angak.”

23 Angek, Jiysis pen ma yimb angak. Pen binuk gok apiy nup angyak, “Biyn biy chinup kisen giyinq, kilpul nep angip. Nup angyokan angyak.”

24 Angeyak angak, “Gor yip yokek Jiwda biynimb Gor nup kirpay gok kuyip diyn angyiy winik angak.”

25 Kun angek, biyn Jiwda mer kun ak, ap Jiysis mindek kiñiñ siñak kongim yimiy angak, “Biyomb! Yip simb niñnimin angak.”

26 Angek angak, “Keñmangyiy ñapan chin ñinjun ak, yenen di kayn gok mokjun?”

27 Angek biyn kun ak angak, “Biyomb. Niñind apan ak pen; kayn gok nop kiyk apyong tap ñinyakniñ, day day bong molik okok yowip gok nep ñimbay angak.”

28 Angek Jiysis angak, “Gor nup gosimb niñiy apan ak, apan rek giniñgamb angak.” Kun angakniñ, kichekiy ak won kun anep panuk nup kirgiy mis amnak.

Jiysis Biynimb Kunaynep Gek Suñ Ayak

29 Jiysis andkind Galiyliy chemb gol taw akdon ken amiy, mak ak kuyongiy am dum biyong bisgak.

30 Bisiñg mindakniñ, biynimb tiwin yomb gok keykey biynimb tomb timey gak gok, windin koy gak gok, minim ma angyiñgipay gok, ñin tomb tind mand gak gok, tap yerip yerip gak gok mangyisek dand apiy Jiysis mindek tomb angin siñak ayakniñ, kuyip gek suñ ayak.

31 Kun gek, biynimb kun gok niñiy wal angyiñg angyak, “Chin Yisrel biynimb Gor chin ak tep yimb. Biynimb windin koy gok gek niñsipay; biynimb minim ma apay gok gek minim aspay; biynimb ñin tomb timey gak gok gek tangrep gispay angyiy,” yimb nup dand aranyak.

*Jiysis Bi Pow Tawsin Rek Tap Ñek Ñinyak
(Mak 8:1-10)*

³² Jiysis binuk onep wimingan ak kuyip angek apeyak angak, “Biynimb guniy kuyip simb niñsipiyn. Ñin omiñal nokom yand yip nep mindpay ak pen, kuyip tap ñen ñiñningiy ak ma mindip. Kuyip yikop angen amey, kinjenamb okok windin mayn apek, apyap pikningambay angak.”

³³ Angek binuk gok angyak, “Miñmon biynimb kuñay ma mindpay namb kun akniy, keñmañgiy akay nimb piyow niñiy dapiy, biynimb kuñaynep kun guniy ñon ñiñingambay?”

³⁴ Angeyak Jiysis angak, “Biret nimb yerip yerip mindip?”

³⁵ Angek angyak, “Biret onep ar ak mindiy, pis sikoy gunap sek mindip angyak.” Angeyak, Jiysis biynimb gok kuyip angek, man ar kun siñak bisgiyak.

³⁶ Bisgiyakniñ, biret onep ar ak diy, piys sikoy gok diy, Gor nup tep angyi, tipañgiy binuk gok kuyip ñek, kiyk diy biynimb gok kuyip bilok ñiyak.

³⁷ Ñeyak, ñimb gey gey tapin ayek, day day kirgiyak gok, binuk gok wand onep ar ak diy, yiñgey, pisnep arachakak.

³⁸ Biynimb tap ñinyak kun gok, biyn gok sek ñapan sikoy gok sek mer; bi gok nep mey, pow tawsin rek annak.

³⁹ Pen kun giy tap ñimbiy, Jiysis kuyip angyokek amniyakniñ, nuk bot diy, miñmon Makadan pis biym amiy, miñmon namb kun okok annak.

16

Tap Mageprek Bap Gey, Chin Niñun Angyak (Mak 8:11-13; Luk 12:54-56)

¹ Bi Peresiy gunap, bi Sanjiwsiy gunap Jiysis yergonimun nup anjjiwjun angyi, ap nup angyak, “Nand kiyñ yomb key yimb mindpiyn apan ak, tap mageprek bap semb biyon genimin, niñind apan angyi niñjun angyak.”

² Angeyak kuyip angak, “Pumb sañind amiy, likañ likañ pikakniñ, ‘Miñmon tikrep giningamb apim.’

³ Miñmon yowakniñ, semb biyon gach giy, likañ likañ gakniñ, ‘Ak miñmon pikniñ gisap apim.’ Kun giy niñrep gipim ak pen; Gor kun giy rek gip, kun giy rek giniñ gisap angyi, gos ak ma niñbim.

⁴ Nimb biynimb miñiy mindpim gok, mindrep ma giy, Gor nup gosimb ak ma nep niñbim. Tap mageprek bap gey niñun apim ak, yand gen ma niñningambim. Bi Jona nup gak rek yip gek niñning niñningambim angak.” Jiysis kun angyi, kuyip kirgiy wikan bap annak.

Minim Kiyk Angñimbay Ak Ma Dinimimb Angyi Paydon Ay Angak (Mak 8:14-21)

⁵ Jiysis binuk gok bot diy, pis bindon amiy niñyak: biret gok sakiy giy dand ma amniyak.

⁶ Kun ak mey, kisen Jiysis kuyip bi Peresiy gok sek, bi Sanjiwsiy gok sek yiys kuyip ak asikrep ginimimb angek,

⁷ kiyk key angnin angnin giy angyak, “Chin biret ak dand ma opun ak mey, kun asap akan angyak.”

8-9 Pen Jiysis angyak kun ak key niñiy angak, “Nimb yenen biret ma dand opun angyiy anğ amiy apiy gispim? Yand Gor Ñinuk. Yerer giniñg giniñgayn gos ak ma niñbim? Pen bi payp tawsin rek mindeyak ñin ak, biret onep mamind ak diy, tipanğ ñenik, ñimb dand doñwiw geyak; wand yerip yerip yingem arachakak?”

10 “Pen kisen bi pow tawsin rek mindyakniñ, biret onep ar ak ñenik, ñimb dand doñwiw geyak, wand yerip yerip yingem arachakak?”

11 Ñin kun ak nimb key mindiy biret wand yipik ak pen, paydoñ ay anğambiyn ak ma niñiy, yip biret nen asap apim. Biret nen ma aspiyn. Bi Peresiy gok sek, bi Sanjiwsiy gok sek yiys kiyk ak nimbip dinimunğ rek ayip angyiy aspiyn.”

12 Kun angek niñyak, tap yiys biret sek aypay ak ma angak: bi Peresiy gok sek, bi Sanjiwsiy gok sek minim anğñimbay gok ma niñnimimb angyiy angak.

*Piyta Angak, Nand Kiyñ Yomb Gor Ñinuk Yimb
(Mak 8:27-30; Luk 9:18-21)*

13 Kisen Jiysis binuk gok yip miñmon Siysariya-Piyliypay namb ak tangying, kuyip angak, “Biynimb okok yip bi an apay?”

14 Angek binuk gok angyak, “Gunap Jon bi ñiñg pikñemb ak apay; gunap Yilayja apay; gunap Jeriymaya apay. Gunap pen, bi Gor minim anğep gunap apay angyak.”

15 Anğeyak Jiysis kuyip angak, “Nimb key pen, yip an angyiy niñbim?”

16 Angek binuk Saymon Piyta angak, “Nand bi kiyn yomb key yimb Gor biynimb gek kim mindpay ak Ñinuk angak.”

17 Angek Jiysis angak, “Saymon Jona ñinuk. Nand gos ninban kun ak, key okok nimb ma wip; Bapiy semb biyon anep nip gos tep ñek ninban.

18 “Piyta. Nand bi kamb rek kilis timey giy apan kun ak, tep apan. Biynimb yand diningayn gok mey kun ak rek. Seytan ap kuyip yergeningamb; yip ma kirginingambay.

19 “Biynimb Gor miñmon amningambay kiywur ak nip ñiningayn. Ñen nand lum ar biy mindiy, miñ ar akay niney yipund ma gek mer angningamban ak, Gor kunep angningamb. Pen miñ ar akay niney yipund gek, yaw angningamban ak, Gor kunep angningamb angak.”

20 Jiysis kun angyi binuk gok kuyip angak, “Biynimb gok kuyip, yip bi kiyn yomb key yimb mey kun ak angyi, ma angnimimb angak.”

*Jiysis Kumiy Tikjakningayn Angak
(Mak 8:31-9:1; Luk 9:22-27)*

21 Ñin namb kun sinjak Jiysis binuk gok kuyip, biynimb gunap nup timey giningambay rek misen angyi angak, “Kisen Jerusalem amen, bi minim tungasikep gok diy, bi low tiysa gok diy, bi Gor nup tap simbongep yomb gok diy, yip yiwur ñiy pikayningambay ak pen; ñin ominjal nokom mindiy tip ak tikjakningayn angak.”

22 Kun angek Piyta, Jiysis nup dand gol sinjak amiy, minim yiñ rek angyi angak, “Minim kun

ak tep ma apan. Gor nip kond mindek, kun ma ginimuņ angak.”

²³ Angek, Jiysis pen Piyta nup angak, “Seytan. Yip kirgiy amnoņ! Yip yenen mer angiy aspan? Gor gos niņimb rek ma niņban; biynimb gos niņbay rek nep niņiy aspan angak.”

²⁴ Kun angiy binuk gok kuyip angak, “Biynimb an yip ker mindniņg ginimuņ ak; tap man ar biy gos yomb niņbay ak kirgiy, pumbnamb kisyimken yip kisen giy; miker yomb dep akaņ kumemb gos ak sakiy giy, yip chingiy nep tanęeniņgiy.

²⁵ Biynimb Jiysis nup diy mindon tep ma giniņgamb angiy niņniņgambay gok, pisnep apyap pikniņgambay; pen biynimb nup diy mindon chinup yerginiņgamb ak, minim ma mindip aņgniņgambay gok kuyip den perper mindeniņgambay.

²⁶ “Biynimb tap man ar biy dun angiy gey amniņgamb gok, gos yomb kiyk ak ar kun anep ameniņgamb mey; perper ma mindeniņgambay. Akaņ Gor nup tap kun gok tawiy, kilis diniņgambay? Mer yimb!

²⁷ “Kisen Bapiy minim ak diy, enjol gok yip, andkind winiņgayn ñin ak, biynimb mindrep giniņgambay gok key ay, biynimb mindrep ma giniņgambay gok key ay giniņgayn.

²⁸ “Nimbip niņind yimb aspiyn: biynimb mindpim guniy gunap kim mindpikniņ, Bi bap Ñinuk biynimb diy kond mindeniņgamb ñin ak apek niņniņgambim angak.”

17

Jiysis Wak Nuk Ak Key Yimb Ayak (Mak 9:2-13; Luk 9:28-36)

¹ Jiysis minim kun ak angyi, ñin onep kangol ak mindiy; Piyta, Jemis, Jemis numam Jon ak, kuyip yakam ponind, dum yiy akyon bap amiy, key mindeyak.

² Mindyakniñ, Jiysis wak nup ak key yimb ay, jomluk ak pumb rek niñiy, chech nuk ak ñiñakol yimb gak.

³ Kun gakniñ niñyak: bi Gor minim anjep nind kumrik Mosis yip Yilayja yip, ap Jiysis yip minim anj minderik.

⁴ Kiyk niñiy, Piyta Jiysis nup angak, “Biyomb! Chin biy mindpun ak, tep yimb mindpun. Nand yaw angey ker, korip bandak band omiñal nokom ginjun. Nip bap, Mosis nup bap, Yilayja nup bap angak.”

⁵ Kun angakniñ, semb tund yimb ak apiy, kuyip mangyisek yiwgak. Yiwiñg dakniñ, minim bap semb namb kun ak nimb angak, “Ñi mapin yand biy, yip tep yimb gip. Minim yerip yerip angnimuñ ak, niñdinimimb angak.”

⁶ Minim kun ak kun giy angek niñiy, Jiysis binuk gok gos kunay niñiy pirikiy, apyap kongim yimiy, jomluk kiyk ak man akyañ ken ay mindeyak.

⁷ Jiysis ap kuyip diniñiy angak, “Ma piriknimimb. Tikjakim!”

⁸ Angek tikjakiy niñyak, nuk nep mindek.

⁹ Pen mak ak kuyangiyiñg, Jiysis kuyip angak, “Miñiy yerer gamb niñbim kun ak biynimb gok

kuyip ma angn̄inimimb. Kisen kumiy tikjaken mey, biynimb okok kuyip angn̄inimimb angak.”

¹⁰ Angek nup angyak, “Bi low tiysa gok yenen, Yilayja nind apeningamb; kisen Kiyη yomb key yimb ak mankumb biy winingamb apay?”

¹¹ Angeyak angak, “Niñind apay. Minim kun ak mindip. ‘Yilayja nind apiy kuyip angn̄ep gek, kisen Kiyη yomb key yimb ak winingamb angyak.’

¹² Pen niñim: Yilayja owak ak pen, apek nup ma niñyak. Gos kiyk key niñyak rek nup timey giyak. Bi bap Ñinuk ak nup kunep giningambay angak.”

¹³ Kun angek, binuk gok niñyak; Yilayja angak kun ak, Jon bi ñiñg pikñemb ak nup nep angak.

Jiysis Ñi Kichekiy Ambañ Ayak Bap Gek Sun Ayak

(Mak 9:14-29; Luk 9:37-42)

¹⁴ Pen kiyk giw biyan amjakiy niñyak biynimb kuñaynep mindeyak. Bi bap biynimb mindeyak namb kun animb ap Jiysis mindek siñak kongim yimiy angak,

¹⁵ “Biyomb! Ñi yip ak simb niñnimin. Nup sakiy ayek mindrep ma gip. Per am mon yinimb namb okok sek, ñiñg namb okok sek gi dam pikip.

¹⁶ Nup dand binak gok mindambay ak amen, nup gi mer niñiy kirpay angak.”

¹⁷ Angek Jiysis angak, “Nimb biynimb miñiy ñin biy mindpim gok, Gor nup gosimb ma niñiy mindrep ma gipim. Minek akay niñiy key giningambim. Minim per angen niñbim ak, yergiy minim kil sek angnim?”

¹⁸ Kun angyiy angek dand apeyak, kichekiy nup ambañ ayak ak angyokek; won anep sun ayak.

19 Kun gek, binuk gok Jiysis mindek ak apiy, kiyk nep mindyng nup angniny angyak, “Yergek kichekiy amban ayak kun ak, angyok mer ninjy kirpun?”

20 Angeyak angak, “Gor gek mis amningamb angyi, gos kilis giy ma ninbim ak mey kun gip. Pen ninim! Gos nimb ak mon mastet yin mangiy sikoy mindip rek ak ninjy, ninwos giningambim ak; tap yerip okok angem, angningambim rek giningamb. Miñmon yirik biy ling sinbindon amnon angeningambim, Gor gek amningamb.

21 [Pen kichekiy amban ayip kun ak, yikop angyokep rek ma ayip. Tap keñmangiy kirgiy Gor nup angnin mindiy mey, angyokpay angak.”]

*Jiysis Kumiy Tikjakningayn Angiy Tip Ak Angak
(Mak 9:30-32; Luk 9:43-45)*

22 Jiysis binuk gok, miñmon Galiyliy ap nangeyak, kuyip angak, “Man mindip: Bi bap Ninuk nup dand amiy, biynimb gunap kuyip ñeningambay,

23 nup pisnep pikayey kumningamb ak pen; ñin ominal nokom mindiy, tip ak tikjakningamb angak.”

Kun angek, binuk gok nup simb ninjy, gos kunay yimb ninjak.

Jiysis Gor Angninyep Korip Ak Takes Pikak

24 Pen kisen Jiysis binuk gok yip miñmon Kapaniyam ameyak, bi Gor angninyep korip takes dep gok apiy, Piyta nup angyak, “Tiysa nimbik ak takes pikip sek?”

²⁵ Angeyak angak, “Yaw! Nuk takes pikip sek angak.” Piyta pen kun angyi korip minjan amek, Jiysis nup angniny angak, “Gos nand yerip ninban? Gapman biyomb gok, takes maniy akay nimb dipay? Biynimb miñmon kiyk key gok nimb dipay akan, biynimb par okok nimb dipay angak?”

²⁶ Kun angek Piyta angak, “Biynimb par okok nimb dipay angak.” Angek Jiysis angak, “Bi kiyk key gok takes ma pikpay ak pen;

²⁷ chin ma pikoningambun; kuyip miluk yowningamb rek ayip. Nand wik ak dam ñing biyan yokiy piys nind dingingamban ak, menng minim ak tunglakiy ninningamban; maniy mangiy won bap mindeningamb. Diy dam takes chirminy ak ñininin angak.” Angek mey, am angak rek gak.

18

Biyomb Mindon Angiy Penpen Angyak (Mak 9:33-37; Luk 9:46-48)

¹ Jiysis binuk gok apiy nup angyak, “Biynimb Gor diy kond mindip gok, an yomb yimb rek mindip?”

² Angeyak Jiysis ñapan sikoy bap suk angek apek, di windin yirik ar kuyip sinjak jakñek mindakniñ angak,

³ “Nimbip ninind yimb aspiyn! Yimb yomb dun angyi ninbim ak kirgiy ñapan sikoy siskoy diy mindipay rek mindem mey; Gor nimbip dinimun rek ayningamb.

⁴ Kun ak biynimb yimb yomb dinyañ ñapan sikoy biy rek mindiy mey, biynimb nuk diy kond mindeningamb namb ak biynimb yomb rek mindeningambay.

⁵ Pen biynimb yip gosimb ninjiy, ñapan sikoy biy rek direp giningambay gok; kuyip nep mer, yip sek direp giningambay.

Biynimb Nup Kisen Nep Gos Ninjay Gok Kuyip Tap Timey Gi Yombay

(Mak 9:42-48; Luk 17:1-2)

⁶ “Pen biynimb gunap biynimb yip gos kilis giy ma ninjay bap gey apyap pikningamb ak, timey yimb giningambay. Kuyip tiwning dam ñing yomb ak yokey ñing ñimbiy kumbiyap ak girep gipyap. Yenen: kim mindiy timey giningambay kun rek yiwur yomb yimb dinyañgambay.

⁷ “Biynimb mankumb biy mindpay gok miker yimb giningamb. Miñ timey ar ak giy, biynimb gunap kuyip gos ñey, ar kun ak giy apyap pikpay ak, timey yimb gip. Miñ ar kun ak; nind giyngipay, miñiy gipay, kisen kunep giningambay. Pen biynimb miñ ar kun ak gi yombay gok yiwur yomb yimb dinyañgambay.

⁸ “Ñin akan, tomb kind nimb bap tap siy tap timey gep rek ayonimuñ; kind kun ak timbrikyoknimimb. Kun giy mey, tap siy tap timey gep ar ak kirgiy, permindap ak dinyañgambim. Pen mindrep ma giy, tap siy tap timey gep ar ak gi dand amiy, mon per yin mindip ak aninyañgambim.

⁹ “Pen windin ninjiy tap siy tap timey gep rek ayonimuñ, windin piskind kun ak

tunġjiwyoknimimb. Kun giy perper mindenimimb rek ayniġgamb. Pen mer ak; tap siy tap timey gi mindiy miñmon Hel, mon key yinjap ak amniġgambim.

*Kanj Siypsiyp Kurgak Anġiy Paydoġ Ay Anġak
(Luk 15:3-7)*

¹⁰ “Niġrep ginimimb. ‘Ñapan sikoy gok tap yikop anġiy gos ak ma niġnimimb. Gor kuyip niġmindiy, enjol kuyip gok anġek, am windin yirik ar nup ak mindyiġ opay.

¹¹ [Bi bap Ñinuk lum biy wak ak biynimb Nop ker ma mindpay gok kuyip diniġ owak.]

¹² “Bi bap kanj siypsiyp nuk ñin jiwiy onep mamind ak rek mindeniġgamb. Pen nokom bap kurgeniġgamb nuk yerer giniġgamb? Gu-nap kuyip kirgek tap kaskas ñiñyakniġ, nokom kurginiġgamb anup piyowek amniġgamb.

¹³ Nimbip niġind aspiyn. Am piyow giranġrang diy, miñmiñ yimb giniġgamb. Kanj nuk niġek tep gip rek ma giniġgamb; kanj nuk kurgek piyow niġniġgamb anup niġek tep kun ak key yimb giniġgamb.

¹⁴ Kun ak rek, Bapiy chin semb biyoġ mindip ak, ñapan sikoy nuk bap ma kurginimuġ anġiy niġimb.

Mam Ay Gok Kuyip Anġrep Ginimimb Anġak

¹⁵ “Biynimb Gor nup chinġey mam ay anġniġgambim gok, bap nimbip timey gonimuġ; am nund yip key mindiy, tap ginimuġ kun ak miseġ anġnimimb. Kun giy anġgem niġdek mey, namam nanay nimbik yimb mindeniġgamb.

16 Pen ma niṅdek; am biynimb nokom akan omiṅal rek poṅind amiy niṅmindyakniṅ, minim aṅgnimiy.

17 Pen kun gem ma yimb niṅdonimuṅ; biynimb lotiw opay rek maṅgiysek niṅmindyakniṅ aṅgnimin. Pen ma niṅdonimuṅ, biynimb tap siy tap timey gipay gok kuyip gipim rek ak ginimimb.

18 “Kun ak nimbip niṅind aspiyn. Minim kun ak rek man ar biy tuṅgasik ay, mer aṅgeṅgambim, Gor nuk semb biyoṅ mindiy, kunep mer aṅgṅgamb; pen yaw aṅgeṅgambim, nuk kunep yaw aṅgṅgamb.

19 “Niṅind yimb aspiyn. Biynimb omiṅal mankumb biy mindiy, minim aṅg ar nokom ay, Gor nup aṅgṅiṅeṅgayr; Bapiy semb biyoṅ mindip ak aṅgṅiṅgayr rek giniṅgamb.

20 Pen biynimb omiṅal akan, omiṅal nokom rek, gos yip niṅiy, ap nan-geṅgambay, yand namb kuyip okok wopsakiy mindeniṅgayn aṅgak.”

Bi Wong Giṅemb Tep Mer

21 Piyta Jiysis mindek maṅ siṅak apiy aṅgak, “Biyomb! Mam gunap yip ñin yerip yerip rek timey gey kuyip niṅiy kirginim? Ñin onep ar ak rek akan?”

22 Aṅgek Jiysis aṅgak, “Yand niṅ, ñin onep ar rek ma aṅgṅiṅgayn; ñin jiwiy ñin jiwiy onep ar ak rek aṅgṅiṅgayn.”

23 Mam gunap nimbip timey gey, niṅiy ma kirginiṅgambim ak, minim mindeniṅgamb. Pen Gor nuk giniṅgamb ak; kesim aṅgṅiṅ gispiyn biy rek.

24-25 Biyomb ak, bi nup wonḡ giyak gok, tap day yip gok pen ñim anḡek, bi tap day nuk maniy yir ñin jiwiy kuḡay yimb nep mindek bap nup dand wiyak. Pen bi kun ak tap day yomb yimb mindek, pen ñinimuḡ rek ma ayak. Kun gek biyomb ak niniy, binuk gunap kuyip anḡak, ‘Gip kun ak nup diy; biyn ñapan, tap nuk yerip yerip mindip gok maḡiysek diy, dam maker ayem taweniḡiy, maniy kun ak dap yip ñinimimb anḡak.’

26 Kun anḡek bi kun ak pen; koḡim yimiy, jiy kuyaniḡiy, biyomb anup anḡak, ‘Nand yip simb niniy kond mindenimin; tap day nak kun ak maḡiysek day paḡniḡayn anḡak.’

27 Anḡek, biyomb ak nup simb niniy, tap day nuk kun ak kirgak.

28 “Kun giy kirgakniḡ, nuk pen amiy niḡak; binuk yip wonḡ giyiḡiḡiḡiy ak ap mindek. Niniy nup kuḡam chichiy diy anḡak, ‘Nip maniy yir nokom bap ñinik ak, yip pen ñan anḡak.’

29 Anḡek binuk yip wonḡ giyiḡiḡiḡiy kun ak koḡim yimiy, jiy kuyaniḡiy anḡak, ‘Yip simb niniy kond mindenimin; tap day nak kun ak, maḡiysek day paḡniḡayn anḡak.’

30 Anḡek bi kun ak minim nup ak ma niniy anḡak, ‘Nip dam kalambis ayeniḡayn, tap day kun ak day paḡiy nep mey, mis amniḡamban anḡiy,’ nup dam kalambis ayak.

31 Kun gek binuk yip wonḡ giyiḡiḡiḡiy gok kuyip simbwur timey gek, am biyomb kiyk anup minim kun ak anḡñiyak.

32 Anḡñeyak, biyomb ak, binuk kun anup suk anḡek apek anḡak, ‘Nand bi timey yimb. Yip

siy anġamban, nip simb ninġy tap day yand nip mindip ak kirpiyn.

³³ Pen yenen, bi yip wong ġipiy anup simb ninġy, ma kirpan?

³⁴ Nup pen yenen dam kalambis ay, bi kalambis kond mindip anup apan, “Nup kalambis ayey, yiwur ġakniġ mindiy, tap day yip ak day panġiy nep mis amniġgamb apan” anġak.’

“Bi kun ak, binuk yip wong ġiyiġipiy anup, simb ma niġak ak mey; biyomb ak, bi kun anup dam kalambis ayak.

³⁵ Nimb mam ġunap kuyip kunep ġeniġgambim, Bapiy semb biyon mindip ak, nimbip pen kunep ġiniġgamb. Kun ak kuyip simb yimb ninġy, nimbip timey ġipay ak ninġy kirġinimimb anġak.”

19

Biyn Diniġ Pisnep Diniġiy (Mak 10:1-12; Luk 16:18)

¹ Jiysis minim kun ak anġjiwi, miñmon ġaliyliy kirġiy; miñmon Jiwdiya Joden ñiġ kind akdon ken amnak.

² Amek biynimb kuġay yimb nep nup kisen ġeyak, biynimb tap ġak ġok kuyip ġek sun ayak.

³ Pen bi Peresiy ġok, nup anġniġon yerip rek anġnimuġ anġiy, apiy anġyak, “Low chin ak, biyn ak tap sikoy bap ġirep ma ġek, nup anġyokniġ anġyokniġgambun akan; nand yerip ġos niġban?”

⁴ Anġey Jiysis anġak, “Baybol buk tikyak ak nimb ma niġbim? Miñmon alwol ġayak ñin ak, bi bap biyn bap ġayak.

⁵ Gor angak ‘Ar kun ak mey bi gok, nop nonim yip mindiy, biyn diying kuyip kirgiy kiykber jimñiy kiner mumbwak nokom yimb ayip angak.’

⁶ Kun ak Gor angek mumbwak kiyk nokom ayniŋgamb kun ak, bi gunap tikjakiy kuyip anġ tunġasik keykey ma ayniŋgiy angak.”

⁷ Jiysis kun angek, bi Peresiy gok nup angyak, “Pen yenen Mosis minim bap tikiy angak, ‘Biyn angyokniŋ; biyn biy pisnep kirsipiyn anġiy, minj band bap tikñiy angyoknimimb angak?’ ”

⁸ Anġeyak Jiysis angak, “Nimb biynimb maŋgiysek, minim kun ak ma niŋdiyiŋgipim ak mey, Mosis kun angak. Pen Gor biynimb gayak ñin ak kun ma giyiŋgipay.

⁹ Nimbip aspiyn; bi an biynuk bi bap yip di ger mer; yikop nep angyokiy, biyn kisen diniŋgamb ak; Gor niŋek timey yimb giniŋgamb angak.”

¹⁰ Anġek binuk gok angyak, “Bi gok biyn diy yikop kirginiŋgiy rek ma ayip ak, biyn ma diniŋgiy ak tep rek ayip angyak.”

¹¹ Anġeyak Jiysis angak, “Bi maŋgiysek yikop mindeniŋgiy rek ma ayip. Gor biynimb yikop mindeniŋgiy anġiy anġayak gok nep, yikop mindeniŋgiy rek ayip.

¹² Bi gunap walak dey mey, biyn ma dipay. Gunap ma ayek mey ma dipay. Gunap Gor biynimb diy kond mindeniŋgamb wong ak gun anġiy, ma dipay. Pen minim apim kun ak, biynimb diniŋ giniŋgiy gok, diniŋgiy angak.”

*Jiysis Ñapan Nyaŋ Gok Kuyip Jun Diniŋak
(Mak 10:13-16; Luk 18:15-17)*

¹³ Biynimb gok Jiysis ñapan chinup gok ñin jun ar biyon diniñan angyi, dand apeyak, binuk gok kuyip niñchikiy angyak.

¹⁴ Kun angeyak Jiysis pen ñapan kun gok suk angek wiyakniñ, binuk gok kuyip angak, “Kuyip yenen angy gipim! Ñapan sikoy gok kirgem yip ker wiyañ. Gor biynimb diy kond mindeningamb gok mey, ñapan sikoy kun gok rek angak.”

¹⁵ Kun angyi, ñin nuk ak ñapan sikoy kun gok jun ar ak ay, kuyip bilesiym giy, miñmon wikan bap amnak.

*Bi Tap Kunaynep Mindek Bap
(Mak 10:17-31; Luk 18:18-20)*

¹⁶ Bi bap Jiysis mindek ak apiy angak, “Tiysa. Yand tap yerip tep ak giy, Gor yip dek perper mindeningayn?”

¹⁷ Angek Jiysis angak, “Yenen yip tap yerip tep, tap yerip timey angyi angninban? Gor nokom mey bi tep. Pen perper mindenim angyi, low minim angyi tikyak gok ma timbriknimin angak.”

¹⁸ Angek angak, “Low ar akay rek aspan?” Angek Jiysis angak, “Chip ma ñangnimimb. Biyn siy bi siy ma ginimimb. Tap siy ma dinimimb. Yesek ma angnimimb.

¹⁹ Nap nanim minim angningiy rek niñiy kindik ginimimb. Biynimb gunap kuyip, nimb key wasemb aypim rek ginimimb angak.”

²⁰ Kun angek, bi paranj kun ak angak, “Low minim gok mangyisek niñdipiyn. Pen tap yerip ak giy, Gor yip dek perper mindeningayn angak.”

²¹ Angek Jiysis angak, “Mindrep yimb giyn angyi, tap nak gok mangyisek yokiy maniy diy,

biynimb yimgeprek gok kuyip ñiy mey, mind tep gep nand ak mindeningamb Gor miñmon biyon. Pen apiyn rek giy apiy, yand yip tanjonjur angak.”

²² Angek, tap nuk kuñay mindek rek, minim kun ak ninjiy, gos kuñay ninjiyng amnak.

²³ Pen nuk kun giy amnakniñ, Jiysis binuk gok kuyip angak, “Yand nimbip niñind yimb aspiyn. Biynimb maniy tap kiyk kuñay mindeningamb gok, Gor nup kosyam gosimb niñey, kuyip diy kond mindeningamb.

²⁴ Kanj kamel gok, ñiw lekpay miñgan ak amniñg amniñgambay; pen biynimb tap kuñay mindip gok, Gor nup kosyam gos niñey, kuyip diy kond mindeningamb angak.”

²⁵ Jiysis binuk gok minim kun ak ninjiy, gos yomb ninjiy angyak, “Aspan kun ak, biynimb yerip rek gok Gor diy kond mindeningamb?”

²⁶ Angeyak Jiysis kuyip ninjiyng angak, “Biynimb gok key giniñgiy rek ma ayniñgamb; Gor nep mey yerer giniñg giniñgamb angak.”

²⁷ Jiysis kun angek, Piyta angak, “Niñan! Tap chin gok mañgiyseki kirgiy, nand yip nep chingiy tapun ak; chin pen tap yerip diniñgambun?”

²⁸ Angek Jiysis angak, “Yand nimbip aspiyn; Bi bap Ñinuk ñin kisen ak mokyan ñiluk giy apiy, biynimb mañgiyseki kond mindeningamb. Ñin kun ak mey, nimb bi yip kisen giniñgambim gok kunep angen Yisrel biynimb kiñiñ onep wimiñgan ak kuyip kond mindeningambim.

²⁹ Biynimb yip gosimb ninjiy; numam nunay, nop nonim, korip wonjday, tap yerip yerip

okok kirginingambay gok, Bapiy kuyip sakiy ma giningamb. Tap kun gok rek kuyip pen kunay yimb ñiy, gek perper mindeningambay.

³⁰ Biynimb kunaynep miñiy yomb mindpay gok, sikoy tam okok mindeningambay; biynimb sikoy tam okok mindpay gok, biynimb yomb mindeningambay angak.”

20

Biynimb Miñ Wayn Wonj Gipay Anjiy Paydon Ay Angak

¹ Jiysis kun anjiy angak, “Gor biynimb diy kond mindeningamb ak, kesim ar biy rek mindip. Bi wayn wonj nop bap, bi gunap am dand apen wonj yip ak giyan anjiy, kisyim tikjakiy,

² am bi gunap piyow niñiy, nimbip maniy kun kun giy tawningayn anjiy, kiy yip minim anj ar nokom ay, angyokek am wayn wonj nup ak gi mindeningambay.

³ Pen pumb ak yep namb sinjak araningamb won ak, maker namb ak amiy niñningamb; bi gunap yikop mindeningambay.

⁴ Kuyip niñiy angningamb, ‘Nimb kunep am wonj yip ak geningambim; nimbip maniy ñimbay rek namb ak ñiningayn angningamb.’

⁵ Angek, am wonj nup ak geningambay. Pen pumbnamb yomb biyon won ak sek, pumb kuyim giningamb won ak sek minim kun ak nep anjiy, bi gunap sek dek, wonj nup ak geningambay.

⁶ Pumb sanjind amning giningamb won ak, tip ak maker namb amiy niñningamb: bi gunap sek ap mindeningambay mey; kuyip angningamb,

‘Nimb yenen ñin biy woŋ ma giy, yikop yimb mindpim?’

⁷ Angek, nup aŋgningambay, ‘Bi bap chinup woŋ bap ma ñimb aŋgningambay.’ Aŋgeningambay aŋgningamb, ‘Nimb kunep am wayn woŋ yip ak gem angek;’

⁸ am woŋ geningambay. Dungep won ak, biyomb kuskus nuk anup aŋgningamb, ‘Am bi woŋ yip gispay gok kuyip angey apey; bi kisen opay gok maniy kuyip ak nind ñiy, bi nind opay gok kuyip, kisen ñinimin aŋgningamb.’

⁹ “Angek bi kuskus ak, bi kun gok kuyip suk angek apey, bi pumb paŋind amnakniŋ ap woŋ geningambay gok, ap maniy kiyk ak nind diniŋambay.

¹⁰ Pen kiyk kun giy diyakniŋ, bi nind angek ap woŋ geningambay gok maniy yomb ak diniŋambun aŋgningambay ak pen, kisen diyiŋ niŋningambay maniy namb kun anep diniŋambay.

¹¹ Diy, day bi wayn woŋ nop nimb ak yip penpen aŋgiy aŋgningambay,

¹² ‘Chin yenen bi kisen opay gok maniy dipay rek nep dipun? Kisyim tikjakiy pumb sinjrimey niŋakniŋ, woŋ gon gon yiruk gip ak pen; bi ap sikoy won bap gambay gok, kuyip maniy ñimban rek nep chinup ñimban aŋgningambay.’

¹³ Aŋgeningambay bi woŋday nop nimb ak niŋiy, bi kiyk bap nup aŋgningamb, ‘Mam niŋan! Nimbip timey ma gipiyn; maniy ñiniŋgayn apiyn rek ñimbiyn.

¹⁴⁻¹⁵ Bi kisen opay gok, bi nind opay gok yip

andip andip ñining ñiningayn; ak tap yand. Kun ak bi gunap yergiy mer angningambay. Kuyip monmon ñimbiyn ak nimbip yenen miluk yowip. Maniy ñimbiyn ak dand korip nimbik amnim angningamb!'

¹⁶ Jiysis kesim kun ak anğ day jiwiy anğak, "Biynimb nind mindpay gok, kisen mindeningambay; biynimb kisen mindpay gok, nind mindeningambay anğak."

*Jiysis Kumiy Tikjakningayn Angiy Tip Anğak
(Mak 10:32-34; Luk 18:31-34)*

¹⁷ Jiysis Jerusalem amyning, kinjenamb okok binuk onep wimingan ak kuyip dand gol okok amiy key mindyakniñ anğak,

¹⁸ "Niñim! Chin Jerusalem amon, Bi bap Ñinuk nup mimung giy, di biyomb Gor nup simbonjep gok sek, bi low tiysa gok sek ñin ar kuyip ak ayeningambay, kiyk minim anğiy angningambay 'Bi biy nup pikayep angningambay.'

¹⁹ Kun anğiy, Jiwda kay kuyip ñeningambay, nup anğjiwiy, tapin pikiy, dam mon kiros bak biyon ñangbirikayey kumningamb ak pen; ñin omiñal nokom mindiy, tip ak tikjakningamb anğak."

*Jemis Yip Jon Yip Biyomb Mindning Gos Niñrik
(Mak 10:35-45)*

²⁰ Sebediy ñinuk omiñal ak kuyip, nonim poñind Jiysis mindek ak apiy, jun pangiy anğak, "Yand minim bap mindamb aswiyn anğak."

Angek Jiysis anğak, "Minim kun ak yerip?"

21 Angek angak, “Yip tep giniᅅgamb ak; kisen nand kiᅅᅅ yomb mindiy, biynimb kond mindeniᅅgamban ñin ak, ñi yand omiᅅal ak bak nip siᅅak pis pis bisginiᅅgayr angak.”

22 Kun angek Jiysis pen, yiwur diniᅅgamb rek paydoᅅ ay angak, “Minim yip aᅅᅅniᅅbim ak, niᅅrep ma gipim. Nirmiᅅay ñiᅅᅅ silik yand ñiᅅᅅniᅅᅅ gispiᅅn ak kunep ñiᅅᅅniᅅᅅgayr?” Angek, “Yaw! Ñiᅅᅅniᅅᅅgambur aᅅᅅrik.”

23 Anᅅerik angak, “Niᅅᅅind apiᅅr. Ñiᅅᅅ si-lik ñiᅅᅅniᅅᅅ gispiᅅn ak ñiᅅᅅniᅅᅅgayr ak pen, an aᅅᅅind pis, an yipund pis mindeniᅅᅅgayr ak ma aᅅᅅayniᅅᅅgayn; minim kun ak Bapiᅅ minim nuk. Binuk aᅅᅅayip gok biyomb kun ak rek mindeniᅅᅅgambay angak.”

24 Binuk omiᅅal minim kun ak aᅅᅅerik, binuk onep wanjrem ak niᅅᅅiy, kuyip mamiᅅmiᅅay minim yomb aᅅᅅyak.

25 Jiysis pen kuyip maᅅᅅiysek aᅅᅅek aᅅᅅey angak, “Biyomb miᅅᅅmon okok, biynimb gok kuyip kond mindiy minim kilis giᅅ aᅅᅅey ñawil dipay ak niᅅᅅbim.

26 Pen kiyk gipay rek ma ginimimb. Bi nimb bap biyomb mindniᅅᅅ ginimuᅅ ak, bi tam okok rek mindiy, nimbip gunap woᅅᅅ giᅅᅅinimuᅅ.

27 Pen bi nimb bap, biyomb yimb mindniᅅᅅ ginimuᅅ ak, bi sikoy tam okok rek mindiy, biynimb gok woᅅᅅ giᅅᅅinimuᅅ.

28 Bi bap Ñinuk ak, woᅅᅅ yip giᅅay aᅅᅅiy ma wak; biynimb gunap kuyip woᅅᅅ giᅅᅅi dand amiᅅ, kisen tap siᅅ tap timeᅅy gipay rek tip kuyip ak diᅅ kumen kiyk kim amniᅅᅅiy aᅅᅅiy awak angak.”

Jiysis Gek Bi Windin Koy Gak Omiŋal Ak Tip Niŋrik

(Mak 10:46-52; Luk 18:35-43)

²⁹ Pen Jiysis dawin yomb Jeriykow kiring am-nakniŋ, biynimb kuŋaynep kisen giyak.

³⁰ Bi windin koy omiŋal ak lor gol siŋak biŋiŋ mindrikniŋ, Jiysis asaw aŋgey niŋiy, meŋg miŋgan dand araniy aŋgrik, “Depiyt Niŋuk. Chirup simb niŋnimin aŋgrik.”

³¹ Aŋgerik biynimb gok, kuyipmiŋay niŋchikiy aŋgiy, “Kilpul ma aŋgiy aŋgyak.” Kun aŋgeyak, minim kuyip ak ma diy, meŋg miŋgan dand araniy aŋgrik, “Depiyt Niŋuk! Chirup simb niŋnimin aŋgrik.”

³² Kun aŋger Jiysis ap minderik siŋak aland giy, kuyipmiŋay aŋgak, “Chirup yergaŋ aŋgiy, suk aspiyr?”

³³ Aŋgek aŋgrik, “Biyomb! Chirup windin koy gip ak, gey niŋur aŋgrik.”

³⁴ Aŋgerik Jiysis kuyipmiŋay simb niŋiy, windin kuyip ak dinieŋek, won kun anep suŋ ayek, nuk amnakniŋ, kisen girik.

21

Jiysis Nup Kiyŋ Chin Aŋgiy Dand Jerusalem Amniyak

(Mak 11:1-11; Luk 19:28-40; Jon 12:12-19)

¹ Jiysis binuk gok yip Jerusalem maŋ maŋ giy, miŋmon sikoy Betpasiy, Oliyp dum maŋ siŋak amjakiy, binuk omiŋal aŋgyokiy aŋgak,

² “Nirmiŋay miŋmon wikan bindoŋ amiy niŋniŋgayr: doŋgiy marip biynimb ma

dand tapay bap nonim yip tiwning ayey mindeningamb. Miñ ak wisikiy poñind winimiy.

³ Pen biynimb gunap apiy yenen kanj dongiy chinup ak wisik dand amjipiy angeningiy angnimiyr, ‘Biyomb ak wong mindek angamb dinging opur anger, yaw angey dand winingayr angak.’”

⁴ Pen kuyipminay yokek dinging amnirik kun ak, bi Gor minim angep bap giningamb angyi tikak rek nep gak. Nuk angak:

⁵ “Jerusalem biynimb kuyip angnimimb, ‘Biyomb nimb ak dongiy ar bisgiy nimbip ker asaw. Nuk bi yikop rek bap dongiy ñiluk ar ak bisgiy asaw angnimimb’ angak.”

⁶ Pen Jiysis binuk angyokek amnirik omiñal kun ak, angak angak rek,

⁷ dongiy marip ak sek poñind aperik, binuk gok chech tungasikiy, dongiy marip ar ak ayeyak, ar kun ak bisgak.

⁸ Biynimb kuñaynep Biyomb asaw angyi, chech paryomb kiyk aryon ay mindeyak gok tungasik kinjenram ak ayak. Gunap am minj kas mon kas okok timbrik dapiy ayak.

⁹ Pen nup piñiy kus kus giy amying angyak: “Depiyt tikek, tik dand amiy tikip ak owip biy. Niñim! Gor nup yokek owip. Gor nup tep aspun angyak!”

¹⁰ Jiysis Jerusalem amjakakniñ, biynimb gok ang amiy apiy giy angyak, “Bi kun ak an angyak.”

¹¹ Angeyak, biynimb Jiysis yip wiyak gok angyak, “Bi biy mey Jiysis; bi Gor minim angep Nasaret Galiyliy propens nimb ak angyak.”

*Jiysis Biynimb Gor Anḡniḡep Korip Biysniys
Geyak Gok, Yuk Mis Yokak*

(Mak 11:15-19; Luk 19:45-48; Jon 2:13-22)

¹² Jiysis Gor anḡniḡep korip miḡḡan biyan amiy: biynimb tap maker ay geyak gok, kuyip maḡiysek yukyokiy, bonḡ band maniy ay yimjik geyak gok tuḡḡandikiy, bi yakir yokyiḡḡ cheya biḡiḡḡ mindeyak gok tuḡḡandikiy gak.

¹³ Kun giyiḡḡ, kuyip anḡ giy anḡak, “Baybol buk tikyak ak, Gor anḡak, ‘Korip yand ak yip anḡniḡep.’ Pen nimb gispim ak, bi tap siydep kap-kap weyiḡḡ mindpay korip bap rek ayip anḡak.”

¹⁴ Pen Jiysis Gor anḡniḡep korip miḡḡan kun ak mindakniḡ, biynimb windin koy giy, tomb timey giy gak gunap apeyak, kuyip gek suḡ ayak.

¹⁵ Nuk tap mageprek gek, ḡapan sikoy gok suk anḡyiḡḡ anḡyak, “Depiyt ḡinuk. Tap mageprek gipan! Wis-ey! anḡyak.” Pen kiyk kun anḡeyak, bi Gor nup tap simbonḡep yomb gok sek, bi low tiysa gok sek, kuyip miluk yimb yapek anḡyak,

¹⁶ “Nip aspay ak niḡsipan? Anḡey kirgiyan anḡyak.” Anḡeyak Jiysis anḡak, “Aspay ak niḡsipiyn ak pen; ḡapan ḡaḡ gok kuyip gos tep ḡen, yimb yip dand araniḡḡambay anḡiy tikyak ak ma niḡbim?”

¹⁷ Kun anḡiy, kuyip kirgiy, am miḡmon sikoy Betenyi kinak.

Jiysis Mon Kiyaw Bind Ak Anḡek Milip Gak

(Mak 11:12-14, 20-24)

¹⁸ Minek Jiysis andkind Jerusalem winiḡḡ, kin-jeḡnamb okok apek yiwan gek,

19 kinjenram gol sinjak mon kiyaw bind bap niñiy kiñiñ sinjak amiy niñak: mañgiy ma piyak; kas gok nep mindek. Kun gek angak, “Mon bind biy kisen mañgiy ma yimb piyningamb angak.” Kun angakniñ, day kiyaw bind kun ak milip gak.

20 Binuk gok niñiy, wal angyiy angyak, “Yergiy mon kun biy kasek milip gisap?”

21 Angeyak Jiysis kuyip angak, “Pen niñim! Chin angon kunep ginimuj angyiy, gos okok ma niñnimimb; Bapiy yomb nuk giniñgamb angyiy, gos nokom niñem, giniñgamb. Pen kun anep mer; miñmon dum biy liñg ñiñg yomb namb sinjak amnan angem, gek amniñgamb.

22 Gor chinup direp giniñgamb angyiy angninem, angniniñgambim rek giniñgamb angak.”

*Nip An Angek Kun Girapan
(Mak 11:27-33; Luk 20:1-8)*

23 Jiysis Gor angninep korip ak amiy, biynimb gok kuyip minim angnakniñ, bi Gor nup simbongep yomb gok sek, bi minim tungasikep gok sek apiy, nup angyak, “Nip an kun ginimin, kun ginimin angek, girapan?”

24 Angeyak Jiysis pen angak, “Nimbip minim bap angninen, yip angnem, pen an angek girapiyn ak, nimbip angniniñgayn.

25 Jon biynimb gok kuyip ap ñiñg pikñak ak, gos nuk key niñiy gak akan, Gor angek ap kun gak?” Jiysis kun angek, kiyk key angnin angnin giy angyak, “Chin Gor yokek ap gak angoniñgambun; chinup angniniñgamb, ‘Kun ak Jon anqip ak yenen ma niñdipim angniniñgamb.’

²⁶ Pen Jon gos nuk key ninjy ap gak anjgningambun; biynimb gok Jon bi Gor minim anjgñemb apay rek chinup kunjay anjgningambay angyak.”

²⁷ Kun anjgiy Jiysis nup angyak, “Chin ma yimb ninbun angyak.” Anjgeyak kuyip angak, “Yip ma anjgñimbim rek yand pen, an anjek ap gispiyn ak nimbip ma anjgñiningayn angak.”

Bi Mamiyminjay Anjgiy Paydonj Ay Angak.

²⁸ “Pen nimb yerip gos ninbim? Bi bap ñinuk omiñal mindeningamb. Ñinuk nind ak nup miñiy wayn wonj ak am gey anjek,

²⁹ ma am giningayn anjgiy, kisen pen gos andikiy ninjy, am wayn wonj ak geningamb.

³⁰ Nop pen am ñi kisen anup kunep anjek, yaw giningayn anjgningamb ak pen, ma am giningamb.

³¹ Pen ñi omiñal kun ak, an nop anjgningamb rek ninjdiningamb?” Anjek Jiwda biyomb kun gok angyak, “Ñinuk nind ak nop anjgningamb rek giningamb angyak.” Anjgeyak Jiysis angak,” Nimbip ninjind aspiyn: nimb yikop mindpiknij bi takes diy maniy yesek gunap dipay gok sek, kinjenram biyn gok sek Gor biynimb diy kond mindeningamb kiñij ak mindonjun anjgiy, nimbip tawsak aysipay.

³² Jon bi ñiñg pikñemb ak apiy nimbip, sun mindeningambim minim ar ak anjgñiyinjip ak pen; kindik ma gipik. Bi takes diy maniy yesek gunap dipay gok sek, biyn wanj siy dipay gok sek minim kun ak ninjy kindik giyak. Kiyk giyak kun ak ninjy, nimb yenen gos kisenimb bap ninjy, Jon nup minim ak ma dipik.

Jiwda Biynimb Sisker Giyak Ar Ak Paydon Ay Angak

(Mak 12:1-12; Luk 20:9-19)

³³ Jiysis angak “Miñiy minim paydon ay bap sek angning gispiyn. Bi mankumb nop nimb bap miñ wayn wonḡ ak gi yimiy wariy giy, miñ manḡiy piksimbjakep kiwok bap gayningamb. Gay, miñ manḡiy ak ap siy ñiḡningiy rek ayip ak niḡmindenjun anḡiy, korip paryomb yiy akyonḡ bap giy; bi gunap kuyip miñ wonḡ yip ak kond mindenimimb; kisen piy pik gek, yip gunap nimb gunap dinimimb anḡiy, miñmon paryomb okok amningamb.

³⁴ Miñ manḡiy ak pik gakniḡ, binuk gok kuyip, yip gunap am dand wim anḡek,

³⁵ kiyk amjakey, bi wayn wonḡ gi mindeningambay gok tikjakiy, bi bap nup gamb pikningambay; bap nup kamb jiw pikningambay, bap nup pisnep pikayey kumningamb.

³⁶ Kun gey bi miñ wayn wonḡ nop nimb kun ak, bi tapin kaw bap pen anḡyokningamb. Anḡyokek ameningambay, bi miñ wayn wonḡ geningambay gok, kuyip kunep giningambay.

³⁷ Kun gey, bi wayn wonḡ nop nimb ak, Ñiyand ak yoken mey, minim nup ak niḡningambay anḡiy, anḡyokek amningamb.

³⁸ Amjakek, bi wayn wonḡ gi mindeningambay gok nup niḡiy, kiyk key anḡningambay, ‘Bi wonḡ nop nimb ñinuk ak asaw biy. Nop tip ak diniḡḡ gisap rek nup pikayon kumek, kisen tap wonḡ guniy manḡiysek diniḡgambun anḡningambay.’

³⁹ Kun anḡiy, nup dand wonḡḡday gol okok amiy,

pisnep pikayningambay.

⁴⁰ “Kun geningambay, kisen bi wongday nop nimb ak apiy, kuyip yerer giningamb angak.”

⁴¹ Angek Jiwda kay angyak, “Bi timey giningambay kun gok kuyip geningamb, yiwur yomb yimb diy kunningambay. Kisen pen biynimb tep gunap diy, kuyip miñ wayn wong nup dayeningamb, wong kun ak giningambay. Miñ mangiy pik giningamb ñin ak, nup rek ak jiw dam ñiningambay angyak.”

⁴² Angeyak Jiysis angak “Ak niñind apim. Baybol buk minim tikyak ak niñbim rek ayip. Tikiy angyak;

‘Bi korip gep gok kamb ma dinjun angyi kirgiyak ak; miñiy korip sap namb biyan rek ak mindip. Gor kun gek niñon, tep yimb gif angyak.’

⁴³ “Korip sap namb biyan nup ma dipim kun ak, Gor nimbip Jiwda kirgiy, biynimb key okok nimb tap nup ñemb rek mindeningambay gok kuyip diy kond mindeningamb.

⁴⁴ Biynimb kamb ar kun ak apyap pikningambay gok kuyip tapin nep pikningamb; biynimb kamb kun ak punjjiw apyapiy aybirikningamb gok, pisnep piksimbjakningamb angak.”

⁴⁵ Bi Gor nup simbongep yomb gok sek bi Peresiy gok sek, Jiysis minim paydon ayak kun ak kuyip nep angek,

⁴⁶ nup miñ ayun angyi gos niñyak ak pen; biynimb gok Jiysis nup bi Gor minim angep angyak ak

ninjiy, chinup kunay angningambay angiy, nup tap bap ma giyak.

22

Gor Biynimb Diy Kond Mindeningamb Ak, Kesim Ar Biy Rek Mindip

¹ Jiysis tip ak paydon ay angak,

² “Gor biynimb diy kond mindeningamb minim ak aspiyn biy rek:

“Bi kiyn bap ñinuk ak biyn diniņg gek, tap yomb ñiņning, keñmaņgiy dap nan-giy,

³ binuk gunap angyokiy, biynimb angaynik gok am angem apey, tap yomb ak ñiņun. Angek am biynimb kun gok kuyip angningambay ak pen; kiyk kirginiņgambay.

⁴ Kun gey binuk gunap pen tip ak angyokiy angningamb, ‘Nimb am biynimb kun gok kuyip angnimimb, “Biyomb ak, makaw yomb gunap, marip gunap pikay, tap okok maņgiysek moka giy, winiņgiy anġip angnimimb!” ’

⁵ Kun angek kiyk am angeniņgambay, minim kuyip ak diyokniņgambay. Gunap tap woņg kiyk okok amniņgambay. Gunap mani y woņg kiyk ak geniņgambay.

⁶ Pen gunap, kiyn bi nup gok gi timey giy, pikayey kumniņgambay.

⁷ “Kun gey, kiyn niņek simbwur nup ak timey gek, amiybi nuk gok angyokek, am biynimb timey giniņgambay kun gok kuyip pikaydiy, korip kuyip gok daņgiyjiw pikey amniņgamb.

⁸ Pen bi nup wonḡ giñemb gok kuyip anḡningamb, ‘Keñmanḡiy tap gok danḡiy nan-gipun ak pen; biynimb nind suk anḡnik gok ma opay.

⁹ Kun ak nimb am kinjeḡ tam okok mindiy, biynimb niḡnimimb okok kuyip monmon poḡind apem tap yomb ñiḡjun anḡningamb.’

¹⁰ Kun anḡek binuk gok am kinjeḡ tam okok mindiy, biynimb timey giniḡgambay gok, biynimb tep giniḡgambay gok monmon poḡind apey; biyn diy tap yomb ñiḡningambay korip miḡgan kun ak timbik giy yimb anḡiy mindeniḡgamb.

¹¹ “Bi kiyn ak pen; biynimb opay kun gok niḡiyn anḡiy, korip miḡgan biyan amiy niḡningamb: bi bap chech ay korip miḡgan kun biyan owep ak ay ma mindeniḡgamb.

¹² Kun gek nup anḡningamb ‘Bunḡiy! Yenen, biyn diy tap ñiḡning chech aypay ak ay mer; yikop nep ap mindpan?’ Anḡek bi kun ak pen minim bap ma anḡeniḡgamb,

¹³ bi kiyn ak binuk gok kuyip anḡningamb, ‘Bi biy ñin tomb nup gok tiwniḡgrimbikiy, dam kisyim owip namb akyan diyokem, biynimb mindpay kun gok yip meḡ kamb siwbirikiy, siy anḡ mindeniḡgiy anḡningamb.’ ”

¹⁴ Jiysis paydoḡ ayak minim kun ak anḡdiy, kuyip anḡak, “Gor biynimb kuḡaynep suk anḡip ak pen; manḡiysek ma diniḡgamb. Biynimb gunap nep diniḡgamb anḡak.”

Gapman Biyomb Siysa Nup Takes Ñemb Akan Anḡyak

(Mak 12:13-17; Luk 20:20-26)

15 Pen bi Peresiy gok, Jiysis nup minim yerip ak anjon, pen anjek ninjy, nup dam miñ ayjun anjy, minim anjny anjny giy,

16 bi kiyk key gunap, Herot binuk gunap yokey, Jiysis mindek ak amiy angyak, “Nand bi minim ninjind yimb nep apan. Bi gunap ninjy ma pirikpan, Gor anjip rek nep ninjy biynimb angnimban.

17 Kun ak nand gos yerip ninban? Chin Yisrel biynimb gok, Siysa biyomb miñmon Rom nimb anup takes pikep akan ma pikep?”

18 Anjeyak Jiysis minim yesek angyak kun ak ninjy angak, “Yip yenen nembnemb giyng ap kun giy angnimbim?”

19 Takes pikpay maniy bap ñem ninjyn angak.” Anjek nup maniy won bap dap ñeyak ninjy,

20 kuyip angak, “Maniy won kun biy an kawnan ak sek, yimb ak sek mindip?”

21 Anjek angyak, “Ak biyomb Siysa mindip angyak.” Anjeyak Jiysis kuyip angak, “Kun ak Siysa yip ginimimb anjip gok, nup ginimimb; Gor yip ginimimb anjy ninjimb gok, nup ginimimb angak.”

22 Kun anjek kiyk gos kunay ninjy, nup kirgiy amniyak.

Kumiy Tip Tikjakpay Akan Anjy, Jiysis Nup Anjnyak

(Mak 12:18-27; Luk 20:27-40)

23 Ñin kun anep, Sanjiwsiy bi gunap Jiysis mindek ak wiyak. Sanjiwsiy biynimb gok biynimb kumiy tip ma tikjakpay apay ak mey,

24 Jiysis mindek ak apiy angyak, “Tiysa. Mosis angak, ‘Bi bap biyn diy, ñapan tikiy mer, yikop

kumeningamb, numam bap biyn kun ak diy, ñapan nup gok angyi tikningamb angak.’

²⁵⁻²⁸ Kun ak, bi kiñiñ sek onep ar ak mindeningambay. Numam nind ak biyn diy, ñapan tikiy mer yikop kumningamb. Kun gek, numam namb ak pen, biyn kun anep diy, ñapan tikiy mer, yikop kumningamb. Kun anep gi dam dam, numam onep ar ak, mañgiysek ñapan tikiy mer; yikop nep kumningambay. Pen biyn ak kunep kumningamb. Kun ak biynimb kumbay gok tikjakningambay ñin ak, biyn kun ak an diningamb?”

²⁹ Angeyak Jiysis kuyip pen angak, “Nimb Baybol buk minim ak ma niñiy, Gor gip rek ma niñiy gipim ak mey, yesek angyi apim, ‘Biynimb gok kumiy ma tikjakningambay apim.’

³⁰ Pen tikjakningambay ñin ak, biyn gok bi ma diningambay bi gok biyn ma diningambay; enjol semb biyon gok mindpay rek ak yikop mindeningambay.

³¹ “Nimb biynimb kumiy ma tikjakpay apim ak, Baybol buk minim tikyak gunap ma niñbim rek ayip.

³² Gor angak, ‘Yand Gor yikop bap mer: Ebrahim, Aysek, Jekop Gor kiyk mey, yand mindpiyn angak.’ Biynimb pisnep kumbiyap ak, Gor yergiy bi nind kumyak kun gok bi yand apkop. Bi kumey komyak kun gok, kim mindpay ak mey; kuyip angak, ‘Gor kiyk yand mindpiyn angak.’”

³³ Jiysis minim kun ak angek, biynimb mindeyak gok niñey kuyip tep yimb gak.

*Low Yomb Yimb Ak
(Mak 12:28-31; Luk 10:25-28)*

³⁴ Jiysis minim kun ak anġrep gek, Sanjiwsiy bi gok minim bap pen anġniġiy rek ma ayak. Pen bi Peresiy gunap, Jiysis anġgak minim kun ak niġiy, mindek ak wiyak.

³⁵ Bi kiyk low niġrep gak bap Jiysis yerip rek anġnimuġ anġiy anġgak,

³⁶ “Tiysa. Gor low ayak minim ak, minim ar akay nup, minim yomb yimb mindip?”

³⁷ Anġek Jiysis anġgak, “ ‘Gos timund nand ak maġiysek Gor ker amek, nup wasemb yimb aynimin.’

³⁸ Minim yomb yimb mey kun ak.

³⁹ Minim yomb bap mey; ‘Nand key wasemb aypan rek biynimb gunap kuyip, wasemb aynimin.’

⁴⁰ Gor low minim Mosis tikak gok sek, bi minim nup anġep gunap tikyak gok sek maġiysek, minim junj yomb yimb mey omiġal kun ak nep anġgak.”

Jiysis Anġgak Bi Kiyġ Yomb Key Yimb Apim Ak An Anġgak

(Mak 12:35-37; Luk 20:41-44)

⁴¹ Peresiy kay ap nan-giy mindyakniġ, Jiysis kuyip minim bap anġniġiy anġgak,

⁴² “Nimb Kiyġ yomb key yimb ak nup yerip gos niġbim? Nup an ñinuk anġiy niġbim?”

Anġek, “Depiyt ñinuk anġyak.”

⁴³ Anġey Jiysis anġgak, “Niġind apim ak pen, Gor Kawnan ak Depiyt nup gos ñakniġ, nuk Kiyġ yomb chin anup ‘Biyomb yand’ anġgak. Minim anġgak kun ak, Baybol buk tikiy anġyak ak niġbim. Depiyt anġgak:

44 ‘Gor Biyomb yip anup minim anğay anğip,
 “Nand kund bak yip ak mindiy mey; yand
 gen biynimb nip alemb alemb ñimbay gok
 kuyip, tomb beñ okok tawbirikningamban
 anğip” anğak.’

45 Depiyt anğak kun ak nimb yenen apim, ‘Depiyt
 tikek, tik dand amiy, bi kiyn yomb key yimb ak
 nup tikpay apim.’ Pen Depiyt Biyomb yimb nuk
 ak mey, kiyn yomb key yimb apkip ak tep anğak.”

46 Jiysis minim nuk ak anğrep gek, kiyk nup pen
 anğniñgiy rek ma ayek mey, kisen nup minim kun
 gok rek gunap sek ma anğniñyak.

23

Bi Peresiy Gok Sek, Bi Low Tiysa Gok Sek (Mak 12:38-39; Luk 11:43, 46; Luk 20:45-46)

¹ Kisen ñin bap, Jiysis binuk gok sek, biynimb
 yikop gunap sek kuyip minim anğiy anğak,

²⁻³ “Bi low tiysa gok sek, bi Peresiy gok sek
 minim kilrimey anğñimbay ar ak ma ginimimb;
 Mosis wosrey anğak rek anğñimbay ak nep gin-
 imimb.

⁴ Minim kilrimey apay ak wand miker yomb
 gok rek biynimb gok kuyip gom ñimbay ak pen;
 kuyip simb niñiy ma tunğasik dipay.

⁵ Chinup niñyan anğiy, Baybol buk tikyak
 minim gunap di jun-chenğ biyon akan, ñin kind
 okok aybirikiy tapay. Gor binuk mey gok anğyan
 anğiy, chech paryomb miñ daywur sek tep gok
 aypay.

⁶ Lotiw akan, tap yomb ñimbay namb ak amiy,
 biyomb bispay cheya ar ak nep bispay.

⁷ Biynimb kuṅay mindpay namb okok amon, tiysa aswan-ey aṅgey, chinup tep gaṅ aṅgiy niṅbay.

⁸ “Pen nimb mam kiṅiṅ nokom mindpim rek, nimbip tiysa ma aṅṅniṅgiy. Tiysa nimb ak, nokom bap nep mindip.

⁹ Man ar biy, bi gunap kuyip ‘Bapiy’ ma aṅṅnimimb. Nap nimbik nokom yimb ak mindip; semb biyon.

¹⁰ Nimbip biyomb chin ma aṅṅniṅgiy. Biyomb nimbik ak mey, Kiyṅ yomb anep.

¹¹ Nimb biyomb yimb mindniṅṅ ginimimb ak; bi woṅṅ giṅemb rek ak mindenimimb.

¹² Biynimb yimb kiyk key dand araniṅgambay gok, yimb kuyip yowniṅgamb: pen biynimb yimb ma dand araniṅgambay gok, yimb yomb diniṅgambay.

Biynimb Tep Mindpun Aṅgiy Pen Mindrep Ma Gipay Gok

¹³ “Nimb low tiysa gok sek, Peresiy gok sek nimbip minim yomb mindip rek, nimbip simb niṅsipiyn. Nimb key Gor biynimb diy kond mindeniṅgamb miṅgan ak ma amiy, biynimb amniṅṅ gipay gok kuyip kinjeṅ tikpim.

¹⁴ “Nimb low tiysa gok sek, Peresiy gok sek minim yomb yimb mindip rek, nimbip simb niṅsipiyn. Nimb biyn palpal korip tap kuyip gok siy diy apiy, gipun kun ak niṅniṅgambay aṅgiy, Gor nup minim paryomb yesek gok nep aṅṅniṅbim. Gipim kun ak, yiwur yomb yimb ak nimbip giniṅgamb.

15 “Nimb low tiysa gok sek, Peresiy gok sek minim yomb yimb mindip rek, nimbip simb niņsipiyn. Nimb yesek yimb gipim! Biynimb gok minim chinup ak niņiy kisen giyaņ aņgiy, miñmon okok piyow taņgiy, gunap niņiy aņgrop gem, nimb rek mer; Seytan biynimb nuk yipund giy yimb aypay.

16 “Biynimb gok kuyip Gor kinjeņ ar ak yomrep gipun apim ak pen; nimb bi windin koy ma niņbim. Gipim kun ak, minim yomb yimb mindip; nimbip simb niņsipiyn. Biynimb gok kuyip minim aņgñiy apim, ‘Gor aņgnieņep korip mindip rek, niņind apun aņgiy minim aņgay, kisen minim kun ak kirginiņg kirginiņgambun. Pen tap gol diy giyak korip miņgan akyan mindip gok, yimb aņgyiņg minim aņgay, giniņgambun apim.’

17 Nimb bi windin koy yimb. Yesek aņgiy, ‘Gor aņgnieņep korip ak tap yimb mer, tap gol diy gipay gok mey tap yimb apim.’

18 “Minim bap kunep niņrep ma giy, biynimb gok kuyip aņgñiyiņg apim, ‘Gor kamb bind nuk mindip rek niņind aspun aņgiy, minim aņgay giniņgambun ak, yikop minim aņgayniņgambun; kisen gos bap niņiy, minim aņgay aņgnuk kun ak kirginiņg kirginiņgambun. Pen tap Gor nup simbongipay gok mindip rek niņind aspun aņgiy, kisen gos bap key niņiy key ginjun rek ma ayniņgamb; apun rek nep giniņgambun apim.’

19 Nimb biynimb gos timund ma ayak gok. Tap yerip yomb? Tap pik Gor nup simbongipay gok yomb akan; kamb bind suņ-tep nup tap pik simbongipay ak yomb? Omiņal giy tap yomb yimb!

20 Kamb bind mindip rek niñind apun aňgningambun ak; tap daňgiypay ar kun ak sek aňgningambun.

21 Pen Gor aňgningep korip mindip rek niñind apun aňgningambun ak; korip nuk ak nup sek aňgningambun.

22 Semb biyoň mindip rek niñind apun aňgningambun ak; miñmon nuk ak, nup sek aňgningambun. Minim kilis kun ak rek aňgiy, kisen kirgep rek ma ayningamb.

23 “Nimb low tiysa gok sek, Peresiy gok sek minim yomb mindip rek, nimbip simb niñsipiyn. Minim biynimb gunap kuyip aňgñimbim gok nimb key ma gipim. Sinimb silik, tap monmon woňgday jakip ak niñem tap yimb rek ayek, ñin paňgem wanjrem ak amek, Gor nup nokom bap ñun aňgiy per opriyñ ñimbim. Tap sikoy sikoy gok per kun gipim ak pen; yenen minim junj yimb ak kun ma gipim. Biynimb gok kuyip timey ginimuň miñ ar ak ma ginimimb; kuyip simb niñiy yipund ginimuň ar ak ginimimb.

24 Biynimb gok kuyip kinjeň yomun apim ak pen; nimb key biynimb windin koy. Tap achimb gok niñem tap yimb rek ayip ak pen; tap misen mindip gok ma niñbim.

25 “Nimb low tiysa gok sek, Peresiy gok sek minim yomb mindip rek, nimbip simb niñsipiyn. Piler kap nimb gok rek mis okok ken ñiňg ayokrep gipim ak pen; namb biyaň tap siy tap timey gach ak aranjakiy mindip.

26 Nimb Peresiy biynimb gok gos timund ma ayak. Piler kap nimb gok miňgan akyaň nind

wasyim gi tep gem mey; mis okok ken kunep mind tep giniᅅgamb.

²⁷ “Nimb bi low tiysa gok sek, Peresiy gok sek minim yomb mindip rek, nimbip simb niᅅsipiyn. Chip kamb miᅅgan okok komiy, kinjeᅅ giᅅiy, pen tund ak pikey, biynimb niᅅey tep mindip ak pen; miᅅgan akyan kuy timey apyᅅᅅ mindip.

²⁸ Kun ak rek meᅅᅅ miᅅgan nimb ak mindip.

²⁹ “Pen nimb bi low tiysa gok sek, Peresiy gok sek minim yomb mindip rek, nimbip simb niᅅsipiyn. Nimb bi minim ᅅiᅅᅅ nep pikpim ak, nimbip yiwur yomb yimb giniᅅgamb. Bi Gor minim anᅅep wosrey ᅅanᅅey komyak kaw ar ak, girep giyᅅᅅ apim,

³⁰ ‘Apis basind sikop giyak rek, chin kuyip ma ᅅapnup apim.’

³¹ Pen apim kun ak; bi Gor minim anᅅep gok kuyip pikayᅅᅅipay kind ak mindpun anᅅiy apim.

³² Nimb miᅅᅅ key ar ak ma gipim; kiyk giyak rek gipim.

³³ Siyᅅ saraw rek giranᅅ giranᅅ, kisen Gor biynimb kor giy, mon key yinᅅap yokniᅅgamb ᅅin ak, yergiy pirik key okok amniᅅgambim? Mer yimb! Kinjeᅅ nimb bap ma mindeniᅅgamb.

³⁴ “Kun ak nimbip aspiyn: Gor anᅅak, ‘Yand bi Gor minim anᅅep gunap, bi niᅅrep gipay gunap, bi tiysa gunap yoken nimbip ker apeniᅅgambay, gunap pik ayniᅅgambim; gunap mon bak biyᅅᅅ ᅅanᅅbirikniᅅgambim, gunap lotiw korip nimbik miᅅgan ak pikniᅅgambim, gunap pirik amniyakniᅅ, miᅅᅅmon okok okok yuk yokniᅅgambim anᅅak.’

³⁵ Gor angak kun ak rek gipik ak mey; Gor biynimb suņ-tep nup gok wosrey ñangey wip rek minim yomb ak dingingambim. Andam ñinuk Ebol nup nind kiñiņ gi ñangiy, ñang dand apiy ñang dand apiy, kisen Berekaya ñinuk Sekaraya nup, Gor nup angniņep korip ak bindoņ, kamb diy giyak bind ak bindoņ mindakniņ, namb siņak ñangpikayak.

³⁶ Gipim kun ak, miker yomb ak nimbip Jiwda kay miñiy mindpim gok ker andkind winiņgamb angak.”

*Jiysis Jerusalem Niņek Simb Gek Siy Angak
(Luk 13:34-35)*

³⁷ “Jerusalem biynimb simb gip yand guniy. Bi Gor minim angep gok kuyip yoken korip miñmon nimbip ak apey, kamb diy pernep pikaypim. Nimbip kakaruk nonim ñiluk gok kuyip gipay rek, dam pil miņgan yand okok ayning gipiyn ak pen; yip niņiy kirpim.

³⁸ Miñiy Gor yip ma mindeningambim; Gor angniņep korip nimbik mindip ak pen; keynep mindeningambim.

³⁹ Yip ma yimb niņningambim; Gor kiyn yomb chinup angiy yokip biy, tep yimb yokek wip angningambim ñin anep mey, yip tip ak niņningambim angak.”

24

*Gor Angniņep Korip Tung Waniņningambay
Angak
(Mak 13:1-2; Luk 21:5-6)*

¹ Jiysis Gor aņgnıep korip ak kirgiy mis am-nakniņ, binuk gok nup aņgyak, “Gor aņgnıep korip tep guniy niņan aņgyak.”

² Aņgeyak kuyip aņgak, “Nimb tap kun gok maņgiysek niņiy aspim ak pen; yand nimbip niņind yimb aspiyn; kisen ap korip kun ak tuņg waniņganiņgambay, kamb bap kamb bap ar ak ma mindeniņgamb aņgak.”

*Mindrep Ma Giniņgambay
(Mak 13:3-13; Luk 21:7-19)*

³ Jiysis am Oliyp dum bisiņg mindakniņ, binuk gok apiy, nup kapkap aņgnıiy aņgyak, “Gor aņgnıep korip tuņg waniņganiņgambay apan ak, minek akay rek kun giniņgambay? Chin tap yerip ak gek niņiy aņgniņgambun, Jiysis maņ asaw; miñmon biy maņgiysek kurginiņgamb aņgiy niņniņgambun aņgyak.”

⁴ Aņgeyak Jiysis aņgak, “Niņrep yimb ginimimb. Biynimb gunap nimbip tom giniņgambay.

⁵ Bi kuņaynep apiy, biynimb gok kuyip tom giy, yimb yip ak diy yand nep Krays aņgniņgambay.

⁶ Maņ okok penpen gey giw aņgek niņniņgambim; paryomb okok penpen gey minim anep apek niņniņgambim. Kun gek niņiy, ñin kisen ak winiņg gisap aņgiy ma piriknimimb. Ak yikop penpen ñaņgniņgambay. Ñin kun ak kisen winiņgamb.

⁷ Biynimb wikan gunap tikjakiy, biynimb wikan gunap yip penpen giniņgambay. Miñmon okok maņgiysek monmon apiy, yiwan yomb sik-erek apiy giniņgamb.

⁸ Kun geniŋgamb nimbip biyn ñapan ñiŋimb rek ak gek, maŋ mindip aŋgiy niŋniŋgambim.

⁹ “Biynimb yand mindeniŋgambim rek, biynimb miñmon okok maŋgiyseki nimbip yiruk niŋiy, dam kalambis ay, gi timey giy, pisnep pik ayniŋgambay.

¹⁰ Niŋ kun ak, biynimb kuŋaynep Gor nup gos ak kirgiy, numiy numam kiyk key gok yiruk niŋiy, di bi ñaŋgep gok ñin ar ak ayniŋgambay.

¹¹ Pen kuŋaynep, chin biynimb Gor minim aŋgep aŋgiy, biynimb gok kuyip tom giniŋgambay.

¹² Miñ timey ar ak gey gey, biynimb maŋgiyseki rek gos ar kun ak niŋiy; wasemb ayep ar ak sakiy giniŋgambay.

¹³ Pen biynimb Gor nup chiŋgiy, wasemb ayiŋ nep mindeniŋgambay gok, dand amek perper mindeniŋgambay.

¹⁴ Pen Gor biynimb diy kond mindeniŋgamb minim tep ak, miñmon okok maŋgiyseki aŋgñey amdeniŋgamb nep, ñin kisen kun ak winiŋgamb.

Bi Bap Gor Aŋgniŋep Korip Ak Timey Yimb Giniŋgamb

(Mak 13:14-23; Luk 21:20-24)

¹⁵ “Pen bi Gor minim aŋgep Daniyel wosrey aŋgak rek ak giniŋgamb. Nuk aŋgak, ‘Gor aŋgniŋep korip, nup tap simboŋgipay tip siŋak, tap asik timey yimb bap dayeniŋgambay niŋniŋgambim aŋgak.’ Minim kun biy riyt giniŋgambim gok niŋnimimb.

¹⁶ Nimb Jiwda biynimb, tap timey kun ak niŋiy, kasek pirik yirik okok amnimimb.

17 Biynimb korip aryon mindeningiy gok, tap chin gunap dun angyi, andkind korip mingan ma amningiy.

18 Biynimb wongday okok tangeningiy gok, chech chin gok dun angyi, andkind korip ma amningiy. Kasek pirik amnimimb.

19 Biyn ñapan kongiy sek mindeningambay gok, biyn ñapan ñan dand tangeningambay gok kosyam yimb amningambay.

20 “Giningamb kun ak, Gor nup angniney, yombip ñin ak ma ginimuñ. Lotiw ñin nimb ak ma ginimuñ.

21 Yenen, wosrey miñmon alwol gayak ñin ak tikiy, mind dand apiy miñiy mindpun ñin biy, timey kun ak rek ma gak. Kisen kunep timey kun ak rek ma giningamb.

22 Yikop ak per gek, biynimb mangiysek kumdipyap. Pen Biyomb ak biynimb nuk diningamb gok kuyip simb niñiy mer angek mey, per ma giningamb.

23 “Ñin kun ak biynimb gunap nimbip Kiyñ yomb key yimb ak mindip biy, mindip bindon angey, niñind apay angyi gos ak ma niñnimimb.

24 Bi gunap Gor biynimb angayak nuk gok kuyip dining yesek angyi yand mey Krays; yand mey bi Gor minim angep ak angyi, tap mageprek gunap giningambay. Kun ak niñrep ginimimb.

25 Tap yerip yerip kisen giningamb ak, nimbip angnispiyn ak mey; niñyiny mindenimimb.

26 “Biynimb gunap Kiyñ yomb key yimb ak ap mindip miñmon nep namb okok angey, niñning

ma amnimimb. Pen ap weying mindip akniy angey, niñind apay angyi ma niñnimimb.

²⁷ Bi bap Ñinuk winiᅅgamb ñin ak, añañak diy, kasin maᅅgiy bol ak, day biym nimb day biner amimb rek ak gakniᅅ winiᅅgamb.

²⁸ Miñ miᅅgan mon miᅅgan, kamb miᅅgan okok ma kun giniᅅgamb; misenᅅ nep giniᅅgamb.

Bi Bap Ñinuk Winiᅅgamb

(Mak 13:24-27; Luk 21:25-28)

²⁹ “Pen miker yomb kun ak gi tikdakniᅅ, pumb ak kisyim apiy takin ak melik ma giniᅅgamb. Gap gok semb biyoᅅ nimb puᅅjiw yowniᅅgamb. Kun gakniᅅ tap semb ar biyoᅅ gok, okok nimb okok nimb giniᅅgamb.

³⁰ Ñin kun ak, Bi bap Ñinuk winiᅅgamb gakniᅅ, semb ar biyoᅅ key ayek, biynimb miñmon okok keykey mindipay rek niᅅiy, siy anᅅganiᅅgambay. Nuk Nop kilis ak diy, melik yomb sek, semb sek awakniᅅ niᅅniᅅgambay.

³¹ Biykul yomb anᅅgakniᅅ, enjol nuk gok anᅅgek, biynimb nuk diniᅅgayn anᅅgiy niᅅayak gok diniᅅg, mankumb biy ayak rek kind kind amiy diy, dand nup ker winiᅅgambay.

³² “Nimb niᅅbim. Mon gok silup ay wos gakniᅅ, pumb ayniᅅg gisap anᅅgiy niᅅbim.

³³ Kun ak rek, kisen tap apiyn gok gakniᅅ, “Jiysis winiᅅgamb ñin ak miñiy maᅅ yimb asaw; won ñap mindiy, apchakniᅅgamb anᅅgiy niᅅniᅅgambim.

34 Biynimb miñiy mindpay gok ma kumningambay, kim mindyakniñ, tap kun gok mangiysek giningamb.

35 Semb ar biyoñ sek, mankumb biy sek kurginingamb; minim yand ak perper mindeningamb.

*Ñin Akay Winingayn Ak Ma Niñbim Angak
(Mak 13:32-37; Luk 17:26-30, 34-36)*

36 Won akay rek, ñin akay rek winingayn ak, biynimb ma niñbay: enjol gok ma niñbay; yand kunep ma niñbiyn; Bapiy nuk nep niñimb.

37 “Pen andkind winingayn ñin ak, Nowa mindek ñin ak, gi mindyngipay rek nep gi mindeningambay.

38 Nowa mindek ñin kun ak, ñing ak biynimb gok kuyip ma yiw gak won ak; biyn bi diying, tap ñimbying gi mindyakniñ, Nowa siyip miñgan ak amek, ñing ap kuyip mangiysek yiw gak.

39 Pen kiyk tap bap giningamb angyi am niñyak; ñing ak kuyip yiw gakniñ nep niñyak. Bi bap Ñinuk winingamb minek ak, kun ak rek nep gi mindyakniñ, winingamb.

40 Ñin kun ak, bi omiñal wongday okok, wong gi mindeningayr ak; bap diy, bap kirginingamb.

41 Pen biyn omiñal palaw gining, wiyt mangiy piksimbjakyiñ gi mindeningayr; bap diy, bap kirginingamb.

42 “Kun ak Bi bap Ñinuk winingamb ñin ak ma niñbim rek, niñrep giying mindenimimb.

43 Bi korip nop nimb ak bi tap siydep gok asway angyi, niñmindek, tap nup gok ma siy dipay.

44 Kun ak rek nimb minj moka giy mindenim-imb. Mer ak: Bi bap Ñinuk ma asaw angyi, sakiy sakiy giy mindeningambim ñin ak winingamb.

Wong Tep Gipay, Timey Gipay, Angak
(Luk 12:14-48)

45 “Biyomb bap kinjen amning giy, bi nup direp giningamb ak nup angningamb, ‘Bi wong yip giñimbay gunap kuyip kond mindiy, tap keñmangyi kuyip gok bilok ñirep giying mindenimin angyi,” angay amningamb.

46 Kisen andkind apiy angningamb rek gek niñiy, nup di tep yimb giningamb.

47 Niñind yimb aspiyn: nup angek tap nuk gok mangyisek kond mindeningamb.

48 Pen binuk angayningamb ak mind dand amiy mindrep ma giy, biyomb ak miñiy ma winingamb angyi,

49 biynimb wong giñemb gunap kuyip tapin pikiy, am bi ñing ñimbiy sakiy aypay gok yip wopsakiy, tap yomb ñimb gi mindeningamb.

50 Pen biyomb kasek ma winingamb angyi, monmon gi mindeningamb ñin ak apiy,

51 nup gi timey yimb giy, biynimb tap siy tap timey wey weygiy gi mindpay gok yip angayeningamb; am menj siwbirikiy, siy angmindingamb.

25

Pañ Piñ Onep Wanjrem Angiy Paydon Ay Angak

1 “Gor biynimb diy kond mindeningamb ñin kun ak; kesim dinging gispiyn biy rek giningamb.

Biyomb bap biyn diniņg gek, tap yomb ñiņning biyn piñ onep wanjrem ak lam keykey diy dand amniņgambay.

² Biyn piñ kun gok, onep mamind ak gos tep niņningambay; onep mamind ak gos niņrep ma giniņgambay.

³ Niņrep ma giniņgambay kun gok, lam daņgiyep wel gunap sek dand ma amniņgambay.

⁴ Pen biyn piñ gos niņrep giniņgambay gok, lam diy, lam daņgiyep wel gunap botol miņgan ak paņgiy, dand amniņgambay.

⁵ Pen biyn piñ kun gok kiyk maņgiysek amjakiy, kond mindey mindey, bi biyn diniņg giniņgamb ak kasek ma apeniņgamb mey, wisin apek kinamniņgambay.

⁶ “Pen kisyimnamb yomb biyaņ, biynimb gunap suk aņgiy aņgniņgambay, ‘Bi biyn diniņg gisap ak asaw. Nup am kinjeņnamb ak niņiy, poņind owim aņgniņgambay.’

⁷ Kun aņgeniņgambay, biyn tiwin onep wanjrem kun ak maņgiysek tikjakiy, lam wiyk kiyk gok girep giniņgambay.

⁸ Kun giy biyn gos niņrep ma giniņgambay tiwin ak, biyn gos niņrep giniņgambay tiwin ak kuyip aņgniņgambay, ‘Lam chin gok sunņniņg gisap ak; wel nimb gok chinup gunap ñim aņgniņgambay.’

⁹ Aņgey biyn gos niņrep giniņgambay tiwin ak aņgniņgambay, ‘Mer! Wel kun gok, nimbip gunap ñiy, chin gunap dinjun rek ma ayip. Nimb stowa amiy, nimbik gok key tawim aņgniņgambay.’

¹⁰ Kun aņgeniņgambay wel tawniņg stowa amniņgambay won ak, bi biyn diniņg giniņgamb

ak apchakeniᅅgamb. Biyn gos niᅅrep giniᅅgambay tiwin ak, bi kun ak yip korip miᅅᅅan ameniᅅgambay; nuk kinjeᅅ giᅅniᅅgamb.

¹¹ Kisen pen biyn piᅅ gos niᅅrep ma giniᅅgambay tiwin ak apchakiy aᅅᅅniᅅgambay, ‘Biyomb! Biyomb! Chinup kinjeᅅ ak yikan aᅅᅅniᅅgambay.’

¹² Aᅅᅅey, biyomb biyn nuk diniᅅgamb ᅅin kun ak aᅅᅅniᅅgamb, ‘Yand nimbip ma niᅅbiyn aᅅᅅniᅅgamb.’

¹³ Kun ak nimb Biyomb ak ᅅin akay akan, won akay wiᅅᅅgamb ak ma niᅅbim rek, miᅅᅅ moka giy mindenimimb.

*Biyomb Bap Binuk Gok Kuyip Maniy ᅅak Aᅅᅅiy
Payᅅoᅅ Ay Aᅅᅅak
(Luk 19:11-27)*

¹⁴ “Pen kesim diniᅅᅅ gispiyn biy rek giniᅅgamb. Biyomb bap miᅅᅅmon paryomb okok amniᅅᅅ, bi woᅅᅅ nup giᅅniᅅᅅgambay gok kuyip suk aᅅᅅek aᅅey, tap gok kond mindeyaᅅ aᅅᅅiy, kuyip ᅅiniᅅᅅgamb.

¹⁵⁻¹⁶ Binuk kun gok, woᅅᅅ keykey giniᅅᅅgambay rek niᅅiy, maniy bilokiy, bi bap nup payᅅ tawsin ᅅiniᅅᅅgamb, bap nup tiw tawsin ᅅiniᅅᅅgamb, bap nup wan tawsin ᅅiniᅅᅅgamb. ᅅiy, nuk am okok mindakniᅅ, bi payᅅ tawsin diniᅅᅅgamb ak maniy kun ak diy, sikyim gi dand amiᅅ aᅅiy giy, maniy siᅅniᅅᅅ payᅅ tawsin diniᅅᅅgamb.

¹⁷ Bi tiw tawsin diniᅅᅅgamb ak kunep, sikyim gi dand amiᅅ aᅅiy giy, maniy siᅅniᅅᅅ tiw tawsin diniᅅᅅgamb.

18 Pen bi maniy wan tawsin dingingamb ak, dand amiy, kaw tikiy lum ñiningamb.

19 “Kisen mind dand amiy, biyomb kiyk ak andkind apiy, maniy ñimbiyn kun ak yerer gipay angyi, kuyip angniningamb.

20 Angninek, bi payp tawsin dingingamb ak, maniy nuk ak ñiy angniningamb, ‘Biyomb niñan! Yip maniy payp tawsin nep ñinak ak pen, yand maniy kun ak di, sikyim gi andik mandik giy, pen payp tawsin siyniñ dipiyn angniningamb.’

21 Angek, biyomb ak pen angniningamb, ‘Tep. Nand bi wong tep giñimban. Tap sikoy ak kun gipan ak, nip angen tap yomb gok kond mindeningamban. Ap korip yip ak miñmiñ yimb giyiñ mindenimin angniningamb.’

22 “Bi maniy tiw tawsin dingingamb ak kunep maniy nuk ak dap ñiy angniningamb, ‘Biyomb. Yip tiw tawsin nep ñinak ak pen, yand maniy kun ak diy, sikyim gi andik mandik giy, maniy siyniñ tiw tawsin dipiyn angniningamb.’

23 “Angek, biyomb ak angniningamb, ‘Tep. Nand bi wong tep giñimban ak mey; kun gipan. Tap sikoy ak kun gipan ak, nip angen tap yomb gok kond mindeningamban. Ap korip yip ak miñmiñ yimb giyiñ mindenimin angniningamb.’

24 “Pen bi maniy wan tawsin dingingamb ak dap ñiy angniningamb, ‘Biyomb. Yand nip niñbiyn; nand bi kalrimey yimb. Biynimb nak gunap wong wariy kiyk gipay gok nand yikop pipang dapiy ñimban.

25 Nand kun gipan rek, yand pirikiy, maniy ñinak ak dand amiy, kaw tikiy lum ñen

mindyngip ak, miñiy dand aswiyn aňgningamb.’

²⁶ “Aňgek biyomb ak aňgningamb, ‘Nand bi timey woňg magep bap. Yand biynimb gunap woňg gipay gok nep dapiy ñimben niňban kun ak;

²⁷ yenen maniy yip biy dam pasbuk ayey, miñiy apiy maniy siyniň gunap sek ma dipiyn?’

²⁸ Kun aňgiy, binuk gunap kuyip aňgningamb, ‘Kun gip ak, maniy wan tawsin kun ak jiw diy, bi payp tawsin ñinik ak nup ñinimimb.

²⁹ Per apun rek: Biynimb gin yimb gok kuyip gunap sek ñey mindrep giningambay; pen biynimb gin mer gok, kuyip siskoy nind aňgayak ak piling dey, yikop yimb mindeningambay.

³⁰ Kun ak bi woňg ma gip kun anup kisyim yomb wip mis ar akyañ yokem, biynimb meňg siwbirikiy, siy aňgmindpay gok yip siy aňg minden aňgningamb’ aňgak.”

Kor Yomb Kisen Ak

³¹ Bi bap Ñinuk kiyn yomb mindiy winiňgamb ñin ak, enjol gok yip maňgiysekiy, nuk siya kiyn ar ak bisgek,

³² biynimb miñmon okok keykey mindpay rek, ap windin yirik ar nup siňak nan-geniňgambay, kuyip bilok pis ak key, pis ak key ayniňgamb. Bi kanj siypsiyp meymey mokep gok, siypsiyp gok wikan bap tuňgasik ay, meymey gok wikan bap key tuňgasik ay gipay rek ak giniňgamb.

³³ Biynimb siypsiyp rek mindpay gok niňiy, ñin yipund kind ak ayniňgamb; biynimb meymey rek mindpay gok niňiy, ñin aňind kind ak ayniňgamb.

34 Nuk kiyn yomb ak mey, biynimb tep gok kuyip angningamb, ‘Bapiy nimbip niñimb. Wosrey nuk miñmon alwol gayak ñin ak, tip nimbip gayak ak mey, apiy tip tep kun ak dim.

35 Yenen: yip yiwan gek, tap keñmañgiy ñimbim. Ñiñg nen gek, ñiñg ñimbim. Miñmon par okok nimb apen, yip angdii di korip nimbik ak aypim.

36 Chech ma mindek, yip chech ak ñimbim. Yip tap gek, niñmindrep gipim. Kalambis minden, yip ap niñbim angningamb.’

37 “Kun angeningamb, biynimb tep gok nup pen angningambay, ‘Biyomb. ñin akay nip yiwan gek keñmañgiy ñimbun? Ñin akay ñiñg nen gek, nip ñiñg ñimbun?

38 Ñin akay par okok nimb apey, nip angdii dam korip chin ak aypun. Ñin akay chech ak ma mindek, nip chech ñimbun?

39 Ñin akay tap gek akan, kalambis mindey, nip am niñbun?’

40 “Angeningambay, kiyn yomb ak angningamb, ‘Mam yip yikop gunap kuyip girep gipim ak mey, yip girep gipim angningamb.’

41 Kuyip kun angyi, biynimb anind kind okok ken mindeningambay gok kuyip angningamb, ‘Bapiy Gor Seytan nup sek, Seytan enjol nuk gok sek kuyip yiwur gakniñ mindeyañ angyi, tip mon key yinjab bap gayak. Nimb biynimb timey yiwur yomb diniñgambim gok, yip kirgiy, mon key yinjab kun ak amnimimb.

42 “Yenen: yip yiwan gek, tap keñmañgiy ma ñimbik. Ñiñg nen gek, ñiñg ma ñimbik.

⁴³ Par okok nimb apen, yip ma anḡdipik. Chech ma mindek; yip ma ñimbik. Yip tap gak ñin ak akaḡ, kalambis mindenik ñin ak, yip ma ap niḡbik anḡningamb.’

⁴⁴ “Anḡgeniḡgamb, nup anḡniḡgambay, ‘Biyomb. Ñin akay yiwan mindenak nip keñmaḡgiy ma ñinuk? Ñin akay ñiḡḡ nen gek nip ñiḡḡ ma ñinuk? Ñin akay okok nimb apey nip ma anḡdinuk? Ñin akay chech nip ma mindek, nip ma ñinuk? Ñin akay tap gek akaḡ, kalambis mindenak, nip ma am niḡnuk?’

⁴⁵ “Kun anḡgeniḡgambay, kiyḡ ak anḡniḡgamb, ‘Nimb mam yip yikop gok kuyip direp ma gipik rek mey, yip sek gipik anḡniḡgamb.’

⁴⁶ Kun anḡgiy, kuyip anḡyokek am tip pernep yiwur gakniḡ mindeniḡgambay ak amniḡgambay. Pen biynimb tep nuk gok anḡek, perper mindeniḡgambay tip ak amniḡgambay anḡak.”

26

Jiysis Nup Ñanḡjun Anḡgiy, Minim Kapkap Anḡgayak

(Mak 14:1-2; Luk 22:1-2; Jon 11:45-53)

¹ Jiysis minim kun ak anḡgiy, binuk onep wimiḡḡan ak kuyip anḡak,

² “Nimb niḡbim: ñin omiḡḡal mindiy, Pasopa ñin yomb ak miñiy anḡgiy, ap nan-giy mindeniḡgambay. Pen kiyk kun giy ap nan-giy, yip di gapman biyomb gok kuyip ñiy anḡniḡgambay, ‘Nup mon kiros bak biyaḡ ñanḡbiriknimimb anḡniḡgambay’ anḡak.”

³ Pen bi Gor nup tap simbonjep yomb gok sek, bi minim tungasikep gok sek ap Gor nup simbonjep biyomb yimb Kayapas korip ak nangiy,

⁴ Jiysis nup yerer giy, ñanğayjun anğiy, minim anğay geyak.

⁵ Pen, “Pasopa ñin biy kun gon, biynimb kuñaynep ap mindpay gok penpen giningiy rek ayip. Kun ak miñiy kirgiy, ñin bap nup pikayjun anğyak.”

*Biy Bap Jiysis Nup Jun Wel Ayñak
(Mak 14:3-9; Jon 12:1-8)*

⁶⁻⁷ Jiysis miñmon Beteniy mindiy, Saymon bi soysek korip ak am tap ñimbeyak. Ñinyakniñ, biyn bap wel kuyrep, maniy yomb tawpay ak, botol sek dand apiy, Jiysis nup jun dum ak songak.

⁸⁻⁹ Songek, Jiysis binuk gok simbwur kuyip ak timey gek anğyak, “Wel kun ak dand amiy maniy yomb diy, biynimb tap ma mindip gok kuyip ñemb rek ak pen, yenen yikop songip anğyak.”

¹⁰ Minim kun ak anğeyak Jiysis niñiy kuyip anğak, “Nuk yip girep yimb gip; yenen kun aspim?”

¹¹ Biynimb tap ma mindip gok yip per mindeningambim yand yip per ma mindoningambun.

¹² Biynimb komniñ; wel ayñiy dam kombay rek ak yip ayñisap.

¹³ Pen niñind yimb aspiyn! Kisen miñmon okok mangiysek, minim yip ak anğñiyiñ, biyn ak Jiysis nup wel ayñak anğiy nup kesim diyiñ, gak kun ak niñnep mindeningambay anğak.”

*Jiwdas Jiysis Nup Mimung Gak
(Mak 14:10-11; Luk 22:3-6)*

¹⁴ Ñin kun ak, Jiysis binuk Jiwdas Yiskariyot; Jiysis nup kayn gi dand amen pik ayniñgiy angyi, Gor nup tap simbong ñiyiñgipay biyomb gok kuyip niñning amnak.

¹⁵ Amiy angak, “Jiysis nup kayn gi dand apiy nimbip ñeniñgayn, yip tap yerip ñiniñgambim?” Angek nup maniy siylpa ñin jiwiy andikiy anep ar ak ñiyak.

¹⁶ Ñeyak Jiwdas pen yerip giy kuyip angen, Jiysis nup ap dand amniñgiy angyi, gos ak niñak.

*Jiysis Binuk Gok Yip Pasopa Tap Ñiñak
(Mak 14:12-21; Luk 22:7-14, 21-23; Jon 13:21-30)*

¹⁷ Kisen Pasopa wiyk ak kiñiñ gi gakniñ, binuk gok Jiysis mindek ak apiy angyak, “Ñin Pasopa siypsiyp ñiluk pikñiñningambun ak mañ mindip. Kun ak chin korip akay amiy tap ñiñningambun gok gayrep ginjun angyak.”

¹⁸ Angeyak kuyip angak, “Nimb dawin yomb ak amiy bi bap nup angniniy angnimimb, “Tiysa anqip ñin yand ak mañ mindip ak mey, bi yand gok yip siypsiyp ñiluk pik dangiy ñiñningambun korip nund ak anqip’ angnimimb.”

¹⁹ Jiysis kun angek binuk gok angak rek niñiy, am siypsiyp kun ak korip miñgan kun ak pik dangiy gayrep geyak.

²⁰ Dungep won ak binuk onep wimiñgan ak yip bisgiy,

21 tap ñimbying angak, “Yand nimbip niñind yimb aspiyn. Bi chin yip tap ñimbsipun biy, bap yip kayn gi dand amningamb angak.”

22 Angek binuk gok gos yomb niñiy, nokom nokom nup angninying angyak, “Biyomb! Yip ma apan rek?”

23 Angeyak angak, “Bi yand yip piler nokom ñimbsipur ak yip kayn gi dand amningamb.

24 Baybol buk ak wosrey angyi tikyak rek, yip kayn gi dand amiy, pikayey kumningayn ak pen; bi yip kayn gi dand amningamb anup simb niñsiyiyn. Nonim nup ma tikpikop ak tep. Pen tikek, mindying kun giningamb ak, kisen yiwur yomb yimb ak diningamb angak.”

25 Angek binuk Jiwdas nup kayn gining gak ak angak, “Tiysa. Yip ma apan rek?” Angek angak, “Mey nip aspiyn angak.”

Jiysis Binuk Gok Kuyip Biret Wayn Ñak

(Mak 14:22-26; Luk 22:15-20; 1 Kor 11:23-25)

26 Tap ñimb mindying Jiysis biret ak diy, Gor nup tep angyi, tipang kuyip ñiyiing angak, “Diy ñiñim. Ak mumbwak yand rek angak.”

27 Kun angyi, ñiing wayn kap ak kunep diy, Gor nup tep angyi, kuyip ñiyiing angak, “Ñimb mangiysek ñiñnimimb.

28 Ñiing biy mey, likañ yand biynimb kunaynep kuyip nen yowningamb rek nimbip ñispiyn. Likañ yand yowningamb kun ak mey; Gor tap siy tap timey gipay gok niñiy kirginingayn angak minim ak wos amningamb angak.”

29 Kun angyi angak, “Yand nimbip niñind aspiyn. Wayn ñiing biy miñiy gunap sek ma

ñiñningayn. Kisen Gor biynimb diy kond mindeningamb ñin ak, nimb yip wayn ñing kisenimb ak ñiñningayn angak.”

³⁰ Kun angiy binuk gok yip lotiw kamep bap angying, miñmon Oliyp dum amniyak.

Jiysis Piyta Nup, Bi Kun Ak Ma Niñbiyn Anğningamban Anğak

(Mak 14:27-31; Luk 22:31-34; Jon 13:36-38)

³¹ Jiysis kuyip angak, “Gor angak rek Baybol buk ak tikiy angyak:

‘Yand bi kanj siypsiyp mokep ak nup pik ayen, kanj siypsiyp gok mañgiysek pirik amningambay angyak.’

Angyak kun ak mey, mindak maynamb biyan nimb mañgiysek yip kirgiy, pirik amningambim.

³² Pen yand kumiy tikjakiy, miñmon Galiyliy nind ameningayn; nimb kisen ninimimb angak.”

³³ Angek Piyta angak, “Bi mañgiysek nip kirgiy kund ñiningambay rek ayip; yand kun ma giningayn angak.”

³⁴ Angek Jiysis angak, “Niñind apiyn: kisyimnamb biyan kakaruk suk ma anğningamb won ak, Bi kun anup ma niñbiyn angiy, won ominjal nokom anğningamban angak.”

³⁵ Angek Piyta kilis timey giy angak, “Yip pikayning pikayningambay ak pen; Jiysis bi yand mer angiy ma anğningayn angak.” Jiysis binuk gunap kunep Piyta angak rek nep angyak.

Jiysis Nop Nup Anğniñ Mindek

(Mak 14:32-42; Luk 22:39-46)

³⁶ Jiysis binuk gok yip miñmon Getsemeniy amiy, binuk gunap kuyip angak, “Nimb biy bising mindenimimb. Yand sinbindon amiy, Bapiy nup angniñ mindeningayn angak.”

³⁷ Kun angiy Piyta nup ponind, Sebediy ñinuk Jemis yip Jon kuyip ponind sanđak. Amyiñg, Jiysis nuk gos yomb niñiy,

³⁸ kuyip yakam angak, “Mindmangiy yip piñiyñiy nep aysap ak kumnim rek ayip. Biy mindiy, yip kond mindenimimb angak.”

³⁹ Kun angiy, kuyip kun siñak angay, nuk yep kondon siñak amiy, jiy kuyangiy, jomluk ak di man biyañ ay, Gor nup angniñiy angak, “Bapiy. Tap yip giniñg gisap kun ak mer angiy ker, mer angnimin; pen yand gos niñbiyn ar ak ma ginimin; gos nand key niñban rek ginimin angak.”

⁴⁰ Kun angiy andkind apiy niñak: binuk gok kineyak; Piyta nup angak, “Won bap yenen yand yip niñmindiy ma kinjipim?”

⁴¹ Timey ginjun rek ayip angiy, Gor nup angniñiyñg mindenimimb. Gos nimbik ak ginimimb rek ayip ak pen; mumbwak anep mawses gip angak.”

⁴² Jiysis kun angiy, tip am Nop nup angniñiy angak, “Tap yip giniñg gisap ak, kirgep rek ma mindip monmon gañ; gos nak angak.”

⁴³ Kun angiy, tip ak andkind apiy niñak: binuk gok ma niñmindeyak, wisin kineyak.

⁴⁴ Pen nuk andkind amiy, Nop nup nind angniñak rek nep tip ak angniñiy,

⁴⁵⁻⁴⁶ andkind apiy, binuk gok kuyip angak, “Nimbip mawses gek kin mindpim? Tikjakem

amnun. Niñim! Bi yip mimunğ niñimb ak, bi tap siy tap timey gipay gok kuyip ñiyn anğiy poñind asaw biy anğak.”

Jiwdas Jiysis Nup Kayn Gi Dand Amnak
(Mak 14:43-50; Luk 22:47-53; Jon 18:3-12)

⁴⁷ Minim anğakniñ, Jiwdas nuk, bi Gor nup simbonğep yomb gok sek, Jiwda kanjsol gok sek nup anğyak rek, bi kiyk kuñaynep dand owak. Kiyk baynat gunap, kur gunap diy dand sesek wiyak.

⁴⁸ Jiwdas kuyip anğay anğak, “Yand bi bap nup am diy, kaykol ginikniñ anğnimimb; Jiysis mey ak anğiy, nup dinimimb anğak.”

⁴⁹ Anğak rek Jiysis mindek ak apchakiy, mindpan anğiy, nup kaykol gak.

⁵⁰ Kun gek Jiysis anğak, “Bunğiy. Giniñ gispan kun ak kasek gan anğak.”

Angek, bi Jiwdas yip wiyak gok Jiysis nup chichiy diyak.

⁵¹ Pen nup kun giy diyakniñ, Jiysis binuk bap baynat ak lipiñ diy, bi Gor nup simbonğep yomb yimb woñg giñiyiñgip anup timund piskind ak pisnep timbrik yokak.

⁵² Kun gek Jiysis nup anğak, “Ñayip baynat ak dipan okok tip ak liñgey amnan. Biynimb ñayip baynat diy penpen gipay gok, ar kun ak nep kumbay.

⁵³ Yand ‘Bapiy ak-ey!’ anğembiniy, nuk enjol tiwin keykey onep wimiñgan ak rek yokek, ap yip kond mindembiyap.

⁵⁴ Pen wosrey Baybol buk ak tikiy; yip kun kun giy kumiñgamb anğyak ak mey, kun ginimunğ.

Yand ar bap key geningayn yipund ma giningamb angak.”

⁵⁵ Pen bi nup dining wiyak kun gok kuyip angak, “Yand per am Gor angninep korip ak bisgiy, biynimb gok kuyip minim angnimbiyn ak pen, yip ma dipim. Miñiy pen baynat sek, kur sek dand apiy, bi tap siydep rek ak yip dipim.

⁵⁶ Pen gipim kun ak, bi Gor minim anjep gok giningamb angyak rek nep gipim angak.”

Won kun ak Jiysis binuk gok manjiysek nup kirgiy, pirik amniyak.

Jiysis Nup Kor Giyak

(Mak 14:53-65; Luk 22:54-55, 63-71; Jon 18:13-14, 19-24)

⁵⁷ Pen bi low tiysa gok sek, bi Jiwda kanjsol gok sek ap nan-gi mindeyak Kayapas bi Gor nup simbonjep yomb yimb korip ak mey; Jiysis nup chichiy diy, dand korip kun ak amniyak.

⁵⁸ Pen Piyta kindik kindik amiy, korip mis ar ak mindiy, Gor angninep korip poliys gok yip bisgiy, yerip rek giningambay angyi ninmindek.

⁵⁹⁻⁶⁰ Bi Gor nup simbonjep yomb gok sek, bi kanjsol yikop gok sek angyak, “Chin bi minim yesek angningiy gunap kuyip angninon, kiyk minim bap angye, yipund giy mindek, minim kiñiy mey ak angyi, Jiysis nup pikayjun angyak.” Kun angyak ak pen, minim kun ak keykey amek kiñiy niniy nup pikayningiy rek bap ma mindek.

⁶¹ Pen bi omiñal apiy angrik, “Bi kun biy, ‘Gor angninep korip ak timbrikyokem, ñin omiñal nokom mindiy, tip ak giningayn angak’ angrik.”

62 Kun anđerik, bi Gor nup simbonęep yomb yimb ak, Jiysis nup anęak, “Minim nip apay ak; pen ma anęningamban?”

63 Anęek, Jiysis pen minim bap ma yimb anęak. Kun gek, bi Gor nup simbonęep biyomb yimb ak anęak, “Mińiy kor mindpun biy, yesek ma anęnimin. Gor Biyomb gek perper mindpay ak kunep nińmindip. Kun ak chinup yipund giy anęnimin. Nand Gor Ńinuk Kiyń yomb key yimb ak akan?”

64 Anęek Jiysis anęak, “Mey apan ak. Nimb mańgiysek nińim! Yand nimbip aspiyn: yand Gor Ńin yipund kind okok mindiy, semb ar biyoń nimb lum biy apenińgayn nińningambim anęak.”

65 Jiysis kun anęek, bi Gor nup simbonęep yomb ak, yenen kun anęip anęiy, chech nuk gok key tuńgralikiyń anęak, “Nuk Gor nup yimb ak dand apyapyńg asap! Kun ak biynimb gunap ma anęnińjun. Nuk timey gip rek misenę anęip.

66 Akan nimb gos yerip nińbim?” Anęek anęyak, “Mey anęip ak nen; kumnimunę anęyak.”

67 Kun anęiy, nup jomluk okok kińuk gińiy, pikyńg giyak. Gunap weygiy, mikem nup okok piksil giyńg anęyak,

68 “Nand Kiyń yomb key yimb tap okok mańgiysek nińban ak; an nip piksap ak, chinup anęey nińun anęyak.”

69 Pen Piyta korgep korip mis ar biyanę bisińg mindek ak mey, bi Gor nup simbonęep yomb yimb anup wońg gińiyńgip pań ak apiy, nup anęak, “Nand Jiysis bi Galiyliy nimb ak yip mindambiyń anęak.”

⁷⁰ Angek, Piyta biynimb gok mangiysek niñmindyakniñ angak, “Minim nand aspan ak yand ma niñbiyn angak.”

⁷¹ Kun angyi, tikjakiy, am kinjenrumb siñak mindakniñ, biyn korip kun ak wonḡ giyḡgip bap ap nup niñiy, bi mindeyak gok kuyip angak, “Nuk bi Jiysis Nasaret nimb ak yip minder niñbiyn angak.”

⁷² Angek, Piyta anḡ silokiy angak, “Yand niñind yimb apiyn! Bi apim kun ak yand ma yimb niñbiyn angak.”

⁷³ Sikoy won bap mindiy, bi Piyta yip jak mindeyak gok nup angyak, “Niñind nep apun. Nand bi kiyk bap. Meḡḡ miḡḡan kiyk apay rek apan angyak.”

⁷⁴ Angeyak, Piyta minim kasek angyi angak, “Yand nimbip niñind yimb apiyn! Bi nimb apim kun ak yand ma yimb niñbiyn angak.” Kun angakniñ day kakaruk ak suk angek,

⁷⁵ Piyta Jiysis minim nup angak ak niñyḡḡ gospar ayak. Yenen: Jiysis angak, “Kakaruk ma anḡniḡḡamb won ak yand nup ma niñbiyn angyi, won ominjal nokom anḡniḡḡamban angak.” Gos kun ak niñiy mey gospar ay, mis amiy siy yomb angak.

27

*Jiysis Nup Dam Gapman Biyomb Anup Ñiyak
(Mak 15:1; Luk 23:1-2; Jon 18:28-32)*

¹ Miñmon yowakniñ, bi Gor nup simbonḡep yomb gok sek, bi minim tunḡasikep yikop gok

sek minim angnin angnin giy Jiysis nup pikayun angyi,

² nup miñ ay dand amiy, gapman biyomb Paylat nup ñiyak.

Jiwdas Kumak
(Ap 1:18-19)

³ Pen Jiysis nup kor giy, pikayning geyak ninjiy, Jiwdas, yenen Jiysis nup mimung ninbiyn angyi, maniy dak ak, bi Gor nup simbonjep yomb gok sek, biyomb yikop gok sek kuyip jiw dam ñining, Gor angnin jep korip ak amnak.

⁴ Amiy, maniy kun ak kuyip ñiying angak, “Jiysis timey ma gip ak pen, nup mimung ninbiyn rek mindak kumningamb angak.” Angek kiyk angyak, “Ak tap chin mer. Nak keynep kun gipan angyak.”

⁵ Angeyak, maniy ñiyak ak Gor angnin jep korip mingan ak diyokiy, am miñ ñinjak.

⁶ Bi Gor nup simbonjep yomb gok maniy kun ak diy angyak, “Maniy kun biy, bi pikayun angyi mimung ginuk ak mey, opriyn ñinjun rek ma ayip angyak.”

⁷ Kun angyi, minim angnin angnin giy, bi par okok nimb ap biy kumey dam komjun miñmon wikan bap tawun angyi, am man yingiy singey tiyn giyngipay miñmon wikan ak tawyak.

⁸ Tawiy, miñmon wikan kun biy, mimung pinjiy ñimbun maniy ak diy tawnuk ak mey; yimb ‘Likañsek’ angyun angyak. Miñiy kunep miñmon wikan kun ak, yimb ‘Likañsek’ apay.

⁹ Pen kiyk mankumb tawyak kun ak, bi Gor minim anjep Jeriymaya nind angyi tikak rek nep giyak. Nuk tikiy angak:

“Kiyk maniy ñin jiwiy andikiy onep ar ak, Ji-wda biynimb mimunġ pinjiyñinuk maniy ak angyi,

¹⁰ dand amiy, miñmon man yingiy sinġey tiyn giyingipay wikan ak tawningambay. Biyomb ak yip giningambay angyi angak rek nep giyak.”

*Biyomb Paylat Jiysis Nup Anġniġak
(Mak 15:2-5; Luk 23:3-5; Jon 18:33-38)*

¹¹ Jiysis nup dand gapman biyomb Paylat mindak ak amniyakniġ, Paylat, Jiysis nup angak, “Nand Ji-wda kay kiyn yomb kiyk ak mindpan?” Anġek Jiysis angak, “Mey apan ak angak.”

¹² Pen bi Gor nup simbonġep yomb gok sek, bi kanjsol yikop gok sek nup minim ġunap anġeyak, nuk pen minim bap ma nep angak.

¹³ Kun ġek, gapman biyomb Paylat angak, “Minim keykey angyi nip kor ġispay ak ma niġban?”

¹⁴ Anġek, Jiysis nup minim bap ma anġek, Paylat ġos kuġay yimb niġak.

¹⁵⁻¹⁹ Pen Paylat kiyn bispay siya ar ak biñġ mindakniġ, biynuk minim bap anġek apek angak, “Yand maynamb wisin niġbiyn: Bi kor ġispim ak bi tep. Nup minim yiñ ma anġninin. Yand wisin niġbiyn kun ak, ġos kuġay niġsipiyn angak.” Minim kun ak Paylat nuk nep niġiy angak, Jiysis tap bap ma ġak, biyomb ġuniy nup yikop miluk niġiy dand opay. Kun ak kinġen yerip ak piyow niġiy nup anġyoken amnan angyi, ġos ak niġak.

Pen Rom gapman biyomb gok per simiy ak simiy ak Jiwda kay biret yiys sek ma ñimbay ñin yomb ak, kuyip kalambis bi bap key aᅇgninyingipay ak, yikop wisik yokyingip. Ñin kun ak, Jiwda kay bi kiyk niᅇrep giyingipay bap ap kalambis mindek. Yimb nuk ak Barabas. Kun ak biynimb kuᅇaynep ap nan-geyak Paylat aᅇgak, “Bi nimbip akay yikop aᅇyoknim? Jiysis, Kiyᅇ yomb key yimb apay ak akan, Barabas nup aᅇgak.”

²⁰ Aᅇgek bi Gor nup tap simbonᅇep yomb gok sek, bi kanjsol yikop gok sek biynimb gok kuyip aᅇgyak, “Gapman biyomb Paylat nup aᅇgenimimb, Barabas nup wisik yokiy, Jiysis nup mon kiros bak biyᅇᅇ ñaᅇgbirik ayninyiy aᅇgyak.”

²¹ Kun ak kisen gapman biyomb ak kuyip aᅇgak, “Bi omiᅇal biy, an nup rek nimbip wisik yoknim?” Aᅇgek aᅇgyak, “Barabas nup wisik yoknimin aᅇgyak.”

²² Aᅇgeyak Paylat aᅇgak, “Kun apim ak, Jiysis Kiyᅇ yomb key yimb apay ak nup yerginim?”

Aᅇgek, kiyk maᅇgiysek aᅇgyak, “Nup mon bak biyᅇᅇ ñaᅇgbiriknimimb aᅇgyak.”

²³ Aᅇgeyak gapman biyomb Paylat aᅇgak, “Yenen? Nuk tap yerip ak timey gak?” Pen minim aᅇgak ak ma niᅇiy, minim dand araniy aᅇgyak, “Nup mon kiros bak biyᅇᅇ ñaᅇgrimbik aynimimb! Nup mon kiros bak biyᅇᅇ ñaᅇgrimbik aynimimb aᅇgyak.”

²⁴ Aᅇgeyak minim gunap sek aᅇgen penpen ginyinyiy rek ayip aᅇgyiy, Paylat ñinyᅇ diy ñin ayokying kuyip aᅇgak, “Jiysis nup pikayning

gispim ak, minim kun ak yip ma winiᅅgamb; nimbip key andkind winiᅅgamb aᅅgak.”

²⁵ Aᅅgek aᅅgyak, “Ak chip nambinj chin key. Minim kun ak, chin sek, ñapan chin gok sek niᅅniᅅgambun aᅅgyak.”

²⁶ Kun aᅅgeyak, Paylat kuyip Barabas nup wisik yokiy, Jiysis nup miᅅ diy pikiy, mon kiros bak biyoᅅ ñaᅅgbirik ayaᅅ aᅅgiy, amiybi gok kuyip yomak.

²⁷ Amiybi yomb gok nup diy, dand korip yomb kiyk ak amiy, amiybi yikop gok kuyip maᅅgiysek suk aᅅgey,

²⁸ ap nan-giy, chech nup ak tuᅅgiwiy chech likaᅅ biyomb yimbay rek bap dand apiy nup yimᅅiyak.

²⁹ Yimᅅiy miᅅ ñiwᅅiw sek gok dand apiy, kiya kay aypay arband rek bap giy, nup ayᅅiyiᅅg, biyomb gok kur kunep dipay aᅅgiy, gamil par bap di Jiysis nup ñin yipund kind ak ᅅiy, ap nup koᅅgim yimiy, aᅅgiwiyiᅅg aᅅgyak, “Jiwda kiya kiyk biy per mindonimuᅅ aᅅgyak.”

³⁰ Kun aᅅgiy, nup kiᅅuk giy, gamil kur kun ak jiw diy, nup jun dum biyoᅅ pikyak.

³¹ Nup kun giy gi timey giy, chech likaᅅ ayᅅiyak ak tuᅅgasikyokiy, chech nuk gok key ayᅅiy, nup mon kiros bak biyoᅅ ñaᅅgbirik ayᅅiᅅg, poᅅind amniyak.

*Jiysis Nup Mon Kiros Bak Biyoᅅ Ñaᅅgbirik Ayak
(Mak 15:21-32; Luk 23:26-43; Jon 19:17-27)*

³² Kinjeᅅnamb okok dand amyᅅg niᅅyak, bi bap Sayriyᅅiy nimb apek. Yimb nuk ak Saymon. Nup namb pikiy, kilis giy aᅅgyak, “Jiysis

nup ñaᅇgbirik ayniᅇgambun mon kiros biy dand amnoᅇ aᅇgyak.”

³³ Aᅇgey dakniᅇ, miñmon Golgota dum amniyak. Golgota kun ak, chip jun dum apay.

³⁴ Pen dum kun ak amjakiy, amiybi gok malasin silik bap diy, wayn ñiᅇg ak diy, sesek tuᅇgandik mandik giy, Jiysis nup ñeyak, nuk ñimb niᅇiy kirgak.

³⁵ Nup mon kiros bak biyoᅇ ñaᅇgbirik ay, chech nup gok bilok keykey diᅇiᅇg, sandiw rek giy diyak.

³⁶ Diy mey, nup mon ñaᅇgbirikyak kiñiᅇ siᅇak bisgiy niᅇmindeyak.

³⁷ Nup ñaᅇgbirikiy, kiros bak biyoᅇ yimb tikay aᅇgyak, “Jiwda kay Kiyᅇ yomb kiyk ak aᅇgyak.”

³⁸ Pen Jiysis nup ñaᅇgbirik ay, bi tap siydep omiᅇal ak, bap ñin yipund pis ak, bap aᅇind pis ak, ñaᅇgbirik ayak.

³⁹⁻⁴⁰ Biynimb kinjeᅇram aran apyan geyak gok, jun gormar giy, nup aᅇgjiwiᅇ aᅇgyak, “Nand Gor Ñinuk rek! Gor aᅇniᅇep korip ak timbrikyokiy, ñin omiᅇal nokom mindiy tip ak gi diᅇiᅇgamban ak mey; mon kiros bak biyoᅇ kirgiy aᅇey chin niᅇun aᅇgyak.”

⁴¹ Bi Gor nup simboᅇep yomb gok, bi low tiysa gok, bi kanjsol yikop gok sek kunep; nup aᅇgjiwiᅇ aᅇgyak,

⁴² “Biynimb gunap kuyip gamb kim ambay ak pen, nuk key kun ginimuᅇ rek ma ayip. Yisrel, Kiyᅇ yomb chin ak, mon kiros bak biyoᅇ kirgiy man ar biy aᅇey, niᅇind aᅇgip aᅇgiy niᅇjun.

⁴³ Nuk Gor nup gosimb ninjy, yand Gor Ñinuk anjip ak, miñiy ap Ñinuk nup diyokek chin ninun angyak.”

⁴⁴ Bi tap siydep Jiysis yip ñangrimbiyak ominjal ak kunep, nup minim timey kun ak rek nep anjrik.

Jiysis Pisnep Kumak

(Mak 15:33-41; Luk 23:44-49; Jon 19:28-30)

⁴⁵ Ñin kun ak pumbnamb yomb yoñ won ak, kisyim apiy mind dand amiy pumb kuyim gak won ak tip ak melik gak.

⁴⁶ Won kun ak Jiysis suk yomb anjy angak, “Yilay. Yilay, lema sambaktaniy angak.” Angak kun ak, “Gor Bapiy yomb. Gor Bapiy yomb. Yip yenen kirpan anjy angak.”

⁴⁷ Nuk kun giy suk yomb angek, biynimb gunap mañ kun siñak mindeyak gok ninjy angyak, “Bi kun biy bi Gor minim anjep Yilayja nup suk asap angyak.”

⁴⁸ Kun anjy, bi bap am tap machres rek ayak band bap dand apiy, ñiñg wayn silik ak tawiy, gamil kur par ak diy, kambis ñanjy, ñen ñinan anjy ñak.

⁴⁹ Kun giy ñek, bi gunap angyak, “Kapkap niñmindon. Bi Yilayja apiy, nup diyokniñgamb akan angyak.”

⁵⁰ Anjy, niñmindyakniñ, Jiysis suk yomb anjy, añiñ band mindek ak kurgak.

⁵¹ Won kun anep, chech paryomb Gor anjniñep korip ñiluk miñgan biyañ kinjenrumb pilgiyak ak, namb ak punjrik biyoñ biyañ ay mindek. Kun gakniñ, monmon diy, kamb gok punjlakiy,

⁵² chip komyak kamb miŋgan pilgiyak gok miŋgan yikiy, Gor biynimb nuk nind kumey komyak gok kuŋaynep gek, tip ak tikjakyak ak mey;

⁵³ Jiysis tikjakak ñin ak Jerusalem ameyak, biynimb kuŋaynep niŋyak.

⁵⁴ Pen monmon diy, yerer gak ak niŋiy amiybi yomb ak sek, binuk gok sek niŋiy aŋgyak, “Yawey! Nuk Gor Ñinuk yimb aŋgyak.”

⁵⁵ Pen biyn kuŋaynep ap keykey sinak mindiy niŋmindeyak. Biyn kun gok Jiysis nup kondiy, Galiyliy nimb wiyak.

⁵⁶ Biyn mindeyak kun gok bap Mariya Makdala; bap Jemis yip Josep yip nonim Mariya; bap Sebediy ñinuk omiŋal nonim ak.

*Jiysis Nup Kamb Miŋgan Ak Komyak
(Mak 15:42-47; Luk 23:50-55; Jon 19:38-42)*

⁵⁷⁻⁵⁸ Bi tap kuŋay mindek miñmon Armatiya nimb bap Jiysis kumek niŋiy, duŋgep won ak ap gapman biyomb Paylat nup Jiysis mumbwak ak dinim akan aŋgek, Paylat yaw aŋgiy, binuk gok kuyip aŋgek, nup ñiyak. Bi kun ak yimb nuk Josep. Nuk Jiysis binuk bap.

⁵⁹ Josep nup Jiysis mumbwak ak ñiyakniŋ, nuk chech tund tep ak diy, nup maŋgiysek pipkomiy,

⁶⁰ dam kamb miŋgan kisen nep, yip komniŋgambay aŋgiy aŋgek kiluk ayak miŋgan ak komiy, kamb yomb bap tuŋg milokek amek, kamb miŋgan ak pilgiy amnak.

⁶¹ Biyn yimb along Mariya omiŋal ak ap niŋmindrikniŋ, kun giy komak.

*Amiybi Gok Jiysis Nup Komyak Kamb Minjan
Ak Kond Mindeyak*

⁶² Jiysis kumek komyak ñin kun ak, bi Gor nup simbonjep yomb gok sek, Peresiy gok sek lotiw ñin ak toy angyi, tap dap nan-giyak. Minek, gapman biyomb Paylat mindek ak amiy angyak,

⁶³ “Biyomb. Bi yesek anjep kun ak angak, ‘Yand kumiy, ñin ominjal nokom mindiy tikjakningayn angak.’

⁶⁴ Kun ak bi gunap anjep, ñin ominjal nokom kawrumb ak kond mindeningiy. Mer ak binuk gok ap mumbwak nup ak siy dand amiy, biynimb okok kuyip yesek angyi angningambay, ‘Nuk tip ak tikjakip angningambay.’ Kun gey, minim yesek angyingipay ak sikoy rek ayingamb, kisen angningambay ak yomb yimb giningamb angyak.”

⁶⁵ Anjepak Paylat kuyip angak, “Kun ak nimb amiybi kaw bap anjep gem, am kun sinjak ninmindeningiy angak.”

⁶⁶ Anjek am kinjen pilgiyak kamb yomb ak wiren rek giy, amiybi kaw bap anjepak am kun sinjak ninmindeyak.

28

¹ Minek miñmon tikdam yokakniñ, biyn yimb along Mariya ominjal ak, Jiysis nup komyak ak ninning amnirik.

² Won kun ak enjol bap semb biyon nimb apiy, Jiysis nup komiy kamb pilgiyak ak, tungmilok gol okok yokiy, ar kun ak bisgakniñ, monmon yomb yimb ak owak.

³ Enjol kamb ar bising mindek kun ak, jomluk nuk ak ñiñakol giying mindek. Chech nuk ak, tund tep yimb ak ayak.

⁴ Pen amiybi niñmindeyak gok, nup niñiy jel pirikiy, kin ambun tikiy mindeyak.

⁵ Pen enjol ak biyn omiñal ak kuyip angak, “Ma piriknimiyr! Yand niñbiyn: nirmiñay Jiysis bi mon kiros bak biyoñ ñangbirik ayak anup niñraspiyr.

⁶ Nuk biy ma mindip. Nind angak rek mindarik tip tikjakiy amimb. Apiy nup dayak ar ak niñiy,

⁷ am binuk gok kuyip angnimiyr, ‘Tip tikjakiy Galiyliy amimb angnimiyr.’ Nimb biynimb nuk gok, nup niñningambim kun okok. Minim kun ak nep nimbip angnining aswiyn angak.”

⁸ Kun angek niñiy, biyn omiñal ak piririkrik ak pen; miñmiñ giying, binuk gok kuyip minim kun ak angning kasek amnirik.

⁹ Kinjeñnamb okok amnirikniñ, Jiysis kuyipmiñay namb pikiy, “Nir mindpiyr angak.” Angek, kiymñay ap koñgim yimiy, nup diniñiy lotiw gerik,

¹⁰ kuyipmiñay angak, “Ma piriknimiyr! Yand Galiyliy amjiypiyn ak; nir am mam yand gok kuyip angnimiyr, ‘Nup am niñnimimb miñmon Galiyliy angnimiyr’ angak.”

Amiybi Gok Am Jiysis Tikjakak Rek Minim Ak Angyak

¹¹ Biyn omiñal ak, kinjeñnamb okok amnirikniñ, amiybi niñmindeyak gok, dawin yomb Jerusalem amiy, bi Gor nup simbongep yomb gok kuyip, Jiysis tikjakak minim ak angniyak.

¹² Anḡñeyak, bi Gor nup simbonḡep yomb gok, am bi kanjsol gunap yip, minim anḡ ar nokom ay apiy, amiybi kun gok kuyip maniy yomb ñiy anḡyak,

¹³ “Jiysis kun kun giy tikjakip anḡiy ma anḡnimimb. Pen anḡnimimb, ‘Chin kinambun won ak binuk gok apiy, mumbwak nup ak siy dand ambay anḡnimimb anḡak.’

¹⁴ Kun gey, gapman biyomb ak minim kun ak niñiy anḡek, chin yip anḡoniḡgambun; nimbip miker gunap ma ñiniḡgamb anḡyak.”

¹⁵ Kun anḡey, amiybi gok maniy kun ak diy, am biyomb kun gok anḡyak rek nep anḡyak. Kiyk tom giy, Jiysis mumbwak nup ak, binuk gok siy dand ambay anḡeyak, miñiy Jiwda biynimb gok minim kun ak anḡyiḡ mindpay.

Jiysis Binuk Gok Nup Niñyak

(Mak 16:14-18; Luk 24:36-49; Jon 20:19-23)

¹⁶ Jiysis binuk onep anḡip ak Galiyliy amiy, kuyip nind anḡak dum ak amniyak.

¹⁷ Amiy Jiysis nup niñiy, lotiw giyak. Pen gunap niñsindol giy anḡyak, “Ak Jiysis akan bi ak key anḡyak.”

¹⁸ Jiysis mañ sinjak apiy, kuyip anḡak, “Bapiy yip anḡek mey, man ar biy kond mindiy, semb biyon kond mindiy gipiyn.

¹⁹ Kun ak nimb miñmon okok kind kind amiy, biynimb gok yip ker dinimimb. Diy, Bapiy Gor ker mindpay, Ñinuk ker mindpay, Kawnan nuk ak ker mindpay anḡiy, kuyip ñiḡ pikñinimimb.

²⁰ Pikñiy, yand nimbip ginimimb anḡiy minim yerip yerip anḡñimbiyn ak maḡiysek, kuyip

aṅgñirep gem niṅiy kindik giniṅiy. Pen yand
nimb yip nep mindiy, mind dand amiy, ñin kisen
ak winiṅamb aṅgak.”

**Kalam Baybol Buk Gor minim nuk kisin
angayak
The New Testament in the Kalam Language of Papua
New Guinea
Nupela Testamen long tokples Kalam long Niugini**

copyright © 1992 Wycliffe Bible Translators, Inc.

Language: Kalam

Dialect: central

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

PDF generated using Haiola and XeLaTeX on 18 Apr 2025 from source files dated 31 Aug 2023

1491c109-3ee2-5565-9b83-06c480168547